

TEATRO DIALETTALE SICILIANO

THE UNIVERSITY OF CHICAGO

LI
M387a

NINO MARTOGGIO E LUIGI PIRANDELLO

TEATRO DIALETTALE SICILIANO

VOLUME SETTIMO

'A VILANZA (LA BILANCIA)
CAPPIDDAZZU PAGA TUTTU



352818
15. 7. 38.

CATANIA

• CAV. NICCOLÒ GIANNOTTA, Editore

LIBRAIO DELLA REAL CASA

PROPRIETÀ LETTERARIA

ai sensi del testo unico della legge

25 giugno 1865, 10 agosto 1875 e 18 maggio 1882,

approvato con R. Decreto e Regolamento

19 settembre 1882

Proprietà artistica, di rappresentazione e di traduzione, riservate per tutti i paesi, compresi la Svezia, la Norvegia e l'Olanda—
Copyright by Società Italiana degli Autori — Milano, Corso Venezia N. 6.

Tutti gli esemplari di questa edizione portano la firma dell'Autore. Le copie non munite di essa firma, si reputano, quindi, contraffatte.


Unica versione autorizzata dagli Autori per la rappresentazione.

Luigi Martoglio

'A VILANZA

(LA BILANCIA)

Dramma in tre atti



PERSONAGGI

SARU MAZZA, agrimensore	30 anni
ANNA, sua moglie	25 »
ORAZIU PARDU, perito agronomo	35 »
NINFA, sua moglie	28 »
DONNA RACHELA, zia di Anna	55 »

In una cittadina di Sicilia — Ai tempi nostri.

ATTO PRIMO

Tinello in casa Pardu. -- Comune in fondo, uscio sulla sinistra e finestra a destra.

SCENA I.

Oraziu, Ninfa, Saru e Anna

(La tavola è ancora apparecchiata e i quattro personaggi sono alla fine del desinare — Ninfa versa da bere a Saru, che è acceso in volto e imbambolato, non tanto per il vino berulo quanto per lo stordimento della passione aizzosa e sfacciata di Ninfa, che lo tiene come sotto un fascino — Anna è sulle spine, più per la paura di Oraziu e per la vergogna dello spettacolo di audacia della donna, che per gelosia del marito. — Oraziu — che in realtà nota tutto — finge di non accorgersi di nulla e con un sorriso sardonico pare che inviti i due a compromettersi di più agli occhi di Anna, verso la quale si mostra rispettoso).

NINFÀ

Biviti 'n'autru tantiechia!... Vaia, cumpari!...

ANNA

(sulle spine) — No, ppi carità, n' 'o faciti biviri chiù!... N' 'o viditi ca ci leva?...

SARU

Si, veru è, grazii, cummari, basta... assai haiu vivutu...

ORAZIU

Chi assai!... Comu, ci faciti 'st'offisa, 'a cummari?...

NINFA

(strafottente) — Nenti, nenti, siddu n' 'o voli, m' 'u vivu iu!... *(accosta il bicchiere alle labbra, con l'aria di dare una risposta alla comare).*

ORAZIU

(fermandole il braccio) — No!... Chi fai?... Non t' 'u viviri!... Daccillu a to' cumpari!... Caru cumpari, ora non putiti rifiutari chiù *(lui stesso prende il bicchiere da Ninfa e lo porge a Saru. Subito dopo, versando del vino nel bicchiere di Anna).* E a me' cummari — m' avi a permettiri — cci 'u damu virgini, 'n' autru jriteddu!...

SARU

Grazii... *(beve, contro voglia).*

ANNA

(quasi contemporaneamente) — Grazii... *(assaggia appena il vino e, deponendo il bicchiere, si alza, risolutamente)* — Ora jemuninni, Sariddu, c'haiu 'u pinseri di dda criatura c'aspetta 'n casa...

NINFA

Chi?... Va, assittativi, cummari!... Ca chi diciti?... Vui siti chidda ca faciti 'i visiti d' 'u medicu, curti curti!...

ANNA

Ca comu, avi tri uri ca sennu eca!... Nni vulistuu fari ristari ppi forza a mangiari...

ORAZIU

E non vi pari l'ura ca vi nni scappati!... Aviti cuntatu macari 'i minuti, spaventu di Diu!... A nuautri... a me' mugghierì, eca... e a mia, 'u tempu, 'nsemi ecu vui non nni pari... Va, assittativi 'n' autru tanticchia, facitila cuntenta!... Assittativi, cumpari!...

ANNA

(notando che Saru sta per rimettersi a sedere, sotto lo sguardo incitante di Ninfa) — No, no, Saru, non t'assittari!... Cummaruzza... cumpari, eriditimi, lassai 'u picciriddu sulu... ecu 'a zia Rachelà... e poi... *(a Saru, fissandolo, con intenzione)* ti scurdasti ca t'haju a prepararì 'i robi?... Non divi partiri, dumani?...

NINFÀ

(lesta) — Partiti?...

SARU

Si... Haju a jri a fari 'na perizia, a Truina...

ORAZIU

Ah, 'u sacciu... 'A stima di l'eredità Francu!... Accittastuu?... In non ci vosi jri... Troppu fatiensu...

SARU

Non nni potti fari a menu... Si 'ntromisi 'u nutaru Firritu e non ci potti diri di no!

ORAZIU

Iti a truvari 'u friscu, a Troina!...

SARU

'U sa chi vi pari quantu ci hain a stari?... Putiti calculari ca partu dumani e posdumani vi vegnu a truvà cca...

ORAZIU

Si mi truvati!... Hain a fari macari iu, 'na stima d'agrumitu... a Biancavilla... Assittativi, vi diu, cummari!...

ANNA

No, non po' essiri, cumpari Oraziu!... Dicitimi chiddu ca vuliti, ma mi nni vaju!... Cine'uri senza latti, 'dda criaturedda!... Quannu mai!... A 'st'ura, nuzzinteddu, è misu ca chianci, 'n vrazzu, a' zâ Rachela, ca mi l'avrà addubbatu a pupuneddi di zuccaru, ppi fallu stari cuetu!... (*al marito, c. s.*) — Non ci pensi, tu, Saru?...

NINFÀ

Cummari, 'a vuliti fari 'na cosa bona?... Vo' jti a pigghiari 'u picciriddu e purtatilu cca!...

ORAZIU

Si, si, cummari, bravu Ninfa!... V' accumpagnu iu, esaminati!...

ANNA

(con fermezza) — No, no, cumpari, non vi muoviti...

ORAZIU

Pirchè, non pozzu aviri 'st'onuri?...

ANNA

L'onuri è min, chi c'entra!... Non è ppi chissu, cumpari, è pirchè non tornu chiù, iu!... 'U picciriddu, doppu c'allatta, staneu comu sara, s'addurmisci... iu haiu a rizzittari tanti cusuzzi... ci haiu a prepararari 'i robì di villutu a iddu...

SARU

(a cui Ninfà arrà fatto cenni pressanti di rimanere) — E bonu, assettati, 'n'autru tanticchia...

ANNA

(c. s.) — No, Saru, nenti... sì tu voi, restati... ma iu mi nni vaiu.

SARU

Allura mi nni vengu.

ORAZIU

No, vui ristati, cumpari... pirchè... staju pinsannu ca si duviti partiri dumani — scusati — 'a relazioni d' 'a perizia di Tumminello, non l'avemu a presentari dumani stissu?... (a Ninfà) — Vo' pigghiami 'ddi carti, ddà banna, e daccilli, ca iu accumpagnu 'a cunnari...

NINFA

(va per la sinistra e torna subito dopo, consegnando a Saru un rotolo di carte).

ORAZIU

(a Saru)—'Ntantu ci dati 'na riliggiuta, e quannu tor-
nu 'a firmamu tutti dui.

SARU

Ca bonu è... Va, Anna, fatti accompagnari, ca iu,
tra pocu, sarò dintra, ha' capitu ?...

ANNA

*(che avrà fatti sforzi di cenni e di sguardi ora severi,
ora supplicheroli per non farlo restare, alfine rassegnata)* — 'Na vota ca.... hai chi fari !... Arrivederci, cum-
mari, e grazii !...

NINFA

Vih ! Ca chi diciti !?... *(la bacia sulle guance, che An-
na le offre, costretta, freddamente e senza ricambiarle i
baci)* — Grazii a vui !... *(a Saru)* — Iu vi lassu, cumpa-
ri... vi lassu sulu ppi non disturbarivi... Ca ccà... avi-
ti chi leggiri *(accompagna Anna per la comune).*

ORAZIU

Arrivederci, cumpari Saru... staiu turnannu... Stati
attentu e' cunti d' 'a zenia... ca ddocu è, 'u dannu,
pp' 'u fattu d' 'u carvuni !... *(segue le due donne).*

SCENA II.

Saru solo, poi Ninfa.

SARU

(rimasto solo, fa dei gesti nervosi ed esprime con gli occhi e con tutto l'atteggiamento del volto la tortura interna della passione che lo trascina; poi si scuote, con un moto violento, e cerca di concentrarsi nell'esame delle carte.... ma non vi riesce.... Sente il fruscio delle vesti e l'alito della persona di Ninfa, che sopravviene, e, senza collarsi, ha uno stiramento quasi felino e spasmodico).

NINFA

(rientrando, gli viene, cupida, dietro le spalle, gli afferra la testa tra le mani, gliela rovescia, e gli pianta la bocca sulla bocca, baciandolo e mordendolo insieme, con contorcimenti di voluttà) — No, non ti moviri!... Non parrari!... (lo ribacia c. s.).

SARU

(scivolandosi) — No, lassami!... Lassami!... Non senti sti, ca torna subito?!... Lassami studiari 'sti carti!...

NINFA

(spingendo nerrosamente lontano l'incartamento, che si squinternava, parte sulla tavola e parte per terra) — Ah chi si', di marmu?... Agghiazzatu!... Lèvili, 'ssi carti.... 'annunca 'i scien!.... (le spinge ancora in là e altre ne fa cadere, poi, riafferrandolo pei capelli, spasmante) — Non mi pari veru ca t'haiu cca sulu, ccu

mia!.... Avi tri uri ca mi nni vaiu 'n suppilu 'n sup-
pilu, cca, a tavula, guardannuti 'nta 'ssa vucca!...

SARU

(fa un gesto di smarrimento e di voluttà con gli occhi).

NINFA

No!... Non fari accussì, ccu l'occhi, ca muriri, mu-
riri, mi fai!... *(gli immerge quasi, smaniando la faccia
nel seno).*

SARU

(scattando) — No, no, ti diu!.... Chi vo' fari murìri,
macari a mia?... Tu ti vo' ruvinari e mi vo' ruvinari!....

NINFA

E chi fai, ti scanti?

SARU

Ppi tia!...

NINFA

Chi mi nni 'mporta, a mia?!... Tu ppi tia, ti scan-
ti!... Lu vidu!...

SARU

(con una scrollata di spalle) -- Ca quali scantari... mu-
ta, statti!... Non mi scantu, iu!...

NINFA

D' iddu, 'u sacciu, non ti scanti... Tu d' idda, d' id-
da, ti scanti!.... E ti scanti di daricci pena, a 'dda
facciuzza di Madonna Immacolata, è veru?.... Ca ti

talìa e l'astuta lu focu... e ti riduci 'n' agnidduzzu, manzu manzu!... *(lo lascia e lo fissa severa)* — Si sapissi quantu mi urti, quannu diventi accussi!... Eecu, basta parrarittinni, ca ti cascanu li vrazza!... *(facendogli un verso della bocca)* — Ah!..... Vi vulissi vidiri, a tutti dui, 'nta un mumentu di tinirizza!... *(riafferrandolo)* — Senti, quannu ci pensu t'affuchiria!... Ceu 'dda 'atta morta!...

SARU

(scuotendosi e respingendola violentemente) — Auh!..... T'hain dittu ca d'idda non mi nn' ha' a parrari!... Comu iu non ti parru mai di to' maritu!...

NINFA

Si, 'u sacciu, bonu!... La Madonna supra l'artaru!...

SARU

La Madonna Addulurata, si!... China di spati 'nta lu cori!... E ci l'avemu azziccatu tu ed iu!... Pirehì iu 'u sacciu, chiddu ca soffri, senza diri nenti!... Iu 'u vidu, e' ha capitu tuttu... e chi tuttu lu seantu di to' maritu, ca non l'avemu nè iu nè tu, sta facemu moriri ad idda, avvulinata dintra!... Non l'ha' vistu, ah, non l'ha' nutatu oggi, e' ha passatu morti e passioni, a tavula, vidennu a mia e a tia comu du' 'mbriachi?...

NINFA

(riafferrandolo c. s.) — Si, 'mbriachi!... 'Mbriachi d'amuri e di passioni!... Dillu 'n' altra vota ca si' 'mbriacu macari tu!... 'Mbriacu di mia... dimmillu!...

SARU

(c. s.) — E non lu vidi?!...

NINFA

Chi mi nni 'mporta d' iddu.... d' idda!.... Non parrari chiù... non diri nenti!... Stamu pirdennu in chiacchiri inutili 'stu quartu d' ura di felicità ca nni desiru!....

SARU

(sciogliendosi, brusco) — Zitta!... Mi pari ca 'ntisi seru-sciu di licchettu!.... Chi àvi, 'u chiavinu, Oraziu?

NINFA

Si (attenta l'orecchio) — Iddu è!...

SARU

(accorrendo a raccattare i fogli) — 'I carti, 'i carti!

NINFA

(lo aiuta a raccattare e frattanto, trovandoglisi accosto, irresistibilmente, stando china, gli dà un'ultima stretta e un ultimo bacio sulla testa).

SCENA III.

Oraziu e detti.

ORAZIU

(appare sulla comune, quasi sorprendendoli nell'abbraccio; si ferma, fingendo di niente, e, prima di avanzarsi attende, anzi, che i due si sollevino e depongano le carte

sulla tavola). — E chi c'era, ventu.... ca vi vularu 'i carti?

NINFA

.... Già... 'na rifuliata di ventu... mentri ca 'u cum-pari liggeva...

ORAZIU

(sorridente, da finto simplice). — E comu.... ecu 'a finestra chiusa ?...

SARU

Già.... tuttu 'nsemula.... 'Na cosa strana.... non sac-ciu comu fu.

NINFA

S'appi a grapiri, forsi, 'a finestra d' 'u currituri....

ORAZIU

(sempre col sorrisetto in bocca, sottile, furbo, studian-doli).—Mai!... V' 'u dicu iu, comu fu... (nota che i due si turbano). Fui iu... grapennu 'a porta.... Cea l'aria stagna, 'nt' 'a scala c'è riflusu e grapennu, di dda banna fici pompa, e si tirau l'aria di cca, d'un colpu, mannannuvi tuttu sutta supra...

NINFA

E già.... chistu, appi a essiri... Difatti iu, di 'nt' 'a cucina, macari 'u 'ntisi, 'u riflusu !...

ORAZIU

Ah, tu dda banna, eri ?...

NINFA

Ca ce' avia a fari, cca?... Ce' 'u cumpari ca studiava!... Ppi non disturballu, maucu 'a tavula, spari-chiai.

ORAZIU

È logicu.... (a Saru, che per darsi un contegno, sentendosi sotto lo sguardo indagatore del compare, s'è dato a riordinare, con cura, i fogli della relazione).—Chi vi nni pari ?...

SARU

E già... si... 'u riflusu appi a essiri !...

ORAZIU

Ancora 'nt' 'o riflusu siti ?... Vi staju dimannannu chi vi nni pari d' 'a relazioni....

SARU

Ah!... Si... tutta giustu.

ORAZIU

Vi persuariti ?... 'A zenia cunsuma du' tonnellati di carvuni o' jornu... Prima, ca custava a trentadu' liri a tonnellata, rapprisintava 'na spisa giustificata, ppi chiddu ca rinneva; ma ora, ca è juntu a tricentu liri 'a tunnillata, chi bisognu aviti vui, signor curaturi giudiziariu, di falla funzionari a macchina ?....

SARU

Certu !... (Ninfa se ne va di là, tranquilla).

ORAZIU

Attaccaticci dudici, sidici muli, a turnu, vi rennunu 'u stissu e costanu assai di menu.

SARU

Giustu.

ORAZIU

Dici, lu signor curaturi — sturtu comu un ferru di cavaddu, ma non tantu spertu ppi falla a nui: — muli 'nta lu funnu ci nni su' dui suli, ju non pozzu spenniri ppi accattarini n' autri quattordici, e si l'affittu non mi cunveni chiù....

SARU

Giustu.

ORAZIU

Giustu chi... chiddu ca dici 'u curaturi?...

SARU

No... chiddu ca diciti vui... chiddu ca dicemu nuautri...

ORAZIU

E chi dicemu, nuautri?... 'U vidistuu 'u cuntu ca ci fazzu iu, d' 'i muli, in linia subordinata?...

SARU

Sì, raggiuni, aviti...

ORAZIU

Di chi?...

SARU

Ca di falla agiri ceh' 'i muli... giustu!...

ORAZIU

Ca quali muli, chi stati dicennu?... Giustu, esattu, esattu, giustu!... Di unni, giustu?... Cumpari, ce' aviti liggiutu, allura?...

SARU

Comu?... N' 'a facemu nuautri, 'ssa proposta d' 'i muli?

ORAZIU

Oh... c'è paura 'u riflussu, 'nsemmula ccu 'i carti, vi fici partiri 'a testa?... Chi liggistuu?... Chissa d' 'i muli resta in linia subordinata, ma in linia diretta, la risposta mia... osia, nostra, è ca 'nta un funnu unni ci su' setti tummina di voscu, 'ssu signuri po' fari ligna e la macchina della noria la può mandare a legna, con una economia enorme!...

SARU

Cumpari, vi cunfessu ca ddocu, ancora, non ci aveva arrivatu... Aveva liggiutu 'a sula prima parti.

ORAZIU

Comu!... E chissu ca dicemu, non è 'nt' 'a prima parti?... A' secunna pagina, cumpari!... Va, m' haju persuasu ca nenti, aviti liggiutu!...

SARU

No... non è ca non haiu liggiutu... Sugnu un pocu...

com'hain a diri, va?... Sugnu sturdutu d' 'u vinu!... Mi facistuu viviri assai....

ORAZIU

Ah, ora ci semu!... (*forte*) — Ninfa!... Ninfa!... Facci 'na tazza di cafè o' cumpari... Ma forti, quantu ci schiarisci l'idea... ca cca avemu a travagghiari!...

VOCE DI NINFA

Va beni, vi servu, cumpari.

SARU

No, chi cafè!... (*forte*) — Non vi disturbati, cummari, ca non c'è bisognu!...

ORAZIU

Lassaticcillu fari!... Va, datimi 'ssi carti, v' 'i leggiu in (*gliele leva di mano*).

SARU

No, cumpari, sintiti... (*si alza*) — Non sugnu in gradu di vinirivi appressu.... Haju bisognu di jttarimi un pocu supra 'u lettu... e poi m'hain a prepararì certi cusuzzi ppi dumanì...

SCENA IV.

Ninfa e detti

NINFA

(*sulla soglia dell'uscio di sinistra*) — Chi l'hain a fari, o no, 'ssu cafè!...

SARU

No, cummari, grazii, ca mi nni staiu jennu...

ORAZIU

Ppi daveru vi nni vuliti jri?...

SARU

Si, cumparuzzu... scusatimi... e vui macari, cummari...

ORAZIU

Allura guardati chi faciti: purtativi 'a relazioni e a menti ripusata, stasira, o dumani a matina, prestu, ci dati 'na bella liggiuta... ca iu, dumani, o' tardu, passu d' 'a vostra casa e m' 'a pigghiu... Vui 'a firmati...

SARU

Sta beni (*arrotola le carte e se le mette in tasca*) — Ristamu 'accussì, allura.... Arrivederci, cumpari.... e scusati....

ORAZIU

Chi dicitì, cumpari?... Scusati vui, chiù tostu, di la libertà ca nn' avemu pigghiata.... E grazii — (*gli stringe la mano*).

SARU

Arrivederci, cummari.... (*notando che si accinge ad accompagnarlo*) — No, non vi disturbati, ca 'a strata 'a sacciu (*le impone, anche con lo sguardo, di restare*).

NINFA

(*stringendogli la mano, forte e con intenzione*) — Faciti bonviaggiu.... Arrivederci (*Saru va via*).

SCENA V.

Ninfa e Oraziu

ORAZIU

*(rimasto solo con Ninfa, la guarda lungamente, studian-
dola, poi le dice, pigiando sulle parole) — Bona 'a
pigghiau..., 'u cumpari...*

NINFA

Chi ?...

ORAZIU

'A sbornia, chi ?... Non eridiva ca s'avissi a 'mbria-
cari accussì prestu!... Ma mi pari ca tu...

NINFA

Iu, chi ?...

ORAZIU

'U facisti 'mbriacari!... *(seguendo col gesto)*. Abbucca,
abbucca, abbucca... bivi, bivi, bivi.... Finiu a 'mbria-
cata tunna !... *(la guarda e la studia ancora lungamente)*.

NINFA

(imperterrita) — Pirehì mi guardi d' accussì ?

ORAZIU

Chi fu, non ti pozzu guardari ? Chi e' è paura ti
'mbriacasti macari tu?...

NINFA

(*cogliendo la palla al balzo, ride ostentatamente al modo degli ubbriachi*) — Chi mi vidi, ca ti paru 'mbriaca?... E puru.... chi sacciu.... forsi è veru, ca mi livau un pocu!

ORAZIU

'U sta vidennu?!...

NINFA

(*strusciandoglisi addosso*) — Ca chi ti pari?... Ti piaci, a tia, 'a mughireda 'mbriaca, è veru?... (*fa per afferrargli la testa*).

ORAZIU

(*respingendola, duro*) — Va, levati!...

NINFA

Chi si' sgarbatu!... Sempri accussi mmastinu hai ad essiri?... 'U sai ca si' curiusu, ccu 'ssa guardata accussi?... (*ride c. s.*)

ORAZIU

Vo' fatti 'u cafè ppi tia, vah!...

NINFA

No.... (*molle molle, dinoccolata*) mi curcu, iu....

ORAZIU

Comu 'u cumpari....

NINFA

Chi c'entra, 'u cumpari?... Chiddu si vo' curca ccu so' muggghieri.... Chi ti pari, ca è comu tia?... *(gli si struscia di nuoro addosso ca mi nni manni?)*

ORAZIU

(c. s.) — Levati, ti diu!...

NINFA

Chi hai, oh?!..... Mancu si t' avvicinassi 'na vespa, comu fai !.... *(provocante)* — Va.... camina !....

ORAZIU

Unni ?....

NINFA

(con un sorrisetto lascivo, — In mi vo' curcu.... (se ne va lentamente, dondolandosi, con contorcimenti serpentini e movimenti provocanti di fianchi; giunta presso l'uscio di sinistra si ferma, volta soltanto la testa e, con gli occhi imbambolati e pieni di voluttà, lo fissa un istante, poi gli dice, a mezza voce, invitante) — Veni ?.... (e scompare).

ORAZIU

(come attratto da una forza magnetica, alla quale non sa resistere, stringe i pugni, digrigna i denti, strarolge gli occhi e mormora tra i denti) — Assassina !.... (poi si volge a guardare verso la camera, riluttante a cedere, alla fine, come vinto, muove verso di essa, a tratti).

NINFA

(dall' interno) — Ca chi ci aspetti?....

ORAZIU

(quasi con rabbia) — Vegnu!.... (indi, fermandosi un' altra volta e volgendosi, minaccioso, verso la comune, con un dito tra i denti, esclama, quasi senza voce) — Ah, cum-pari, cum-pari.... si mi veni fatta!... (chiude il pugno e, barcollando, riprende la via dell'uscio).

Tela.

ATTO SECONDO

Stanza da lavoro del perito agrimensore Saru Mazza. — Comune a destra, uscio in fondo, finestra sulla sinistra. — Un grande tavolo da disegno, senza cassetti, su due cavalletti, ingombro di squadre, compassi, barattoli di colori, boccette d'inchiostro, carte da disegno, lucidi, etc. — In fondo, accanto all'uscio, cassettone con su una Madonna in cornice. — Una branda di tela, chiusa, un canapè, due poltrone, sedie etc.

SCENA I.

Saru e Anna

SARU

(è pronto per partire, con gli strumenti del mestiere ad armacollo e lo schioppo a bandoliera. Egli indossa un costume da caccia in velluto marrone a millerighe, calza stivaloni e regge con la sinistra una valigetta di cuoio. Alla cintura porta la cartucciera piena) — Allura, Annuzza... mi nni vaiu...

ANNA

(fredda) — Arrivederci.

SARU

(guardandosi addosso e girando lo sguardo intorno) — Non mi staiu scurdannu nenti... mi pari *(la guarda)* — Chi è... tu accussì, mi lassi partiri?...

ANNA

Comu ti lassu partiri?...

SARU

Chi sacciu.... senza dirimi nenti!....

ANNA

E chi t'ha' a diri? Ti dissi arrivederei.... Non torni dumani?

SARU

Dumani, tornu.... Ma è 'a prima vota ca ti vidu accussì fridda.... (*accostandosele*) — Chi hai?

ANNA

(*contegnosa*) — Nenti.... (*trovando una scusa là per là*) — Sugnu in pinseri pp' 'u picciriddu..... ca stanotti ha avutu baschi...

SARU

Nenti, non ti preoccupari.... 'I picciriddi 'accussì, su'.... Ora veni 'a zâ Rachela e ti porta 'u lattosiu.... Doppu dui, tri cucchiarini ci passanu tutti così... (*silenzio — la riguarda*) — Ma... non è chissu, Anna... Cosa hai, tu!... Iu ti cònsciu.

ANNA

(*fredda*) — Non haiu nenti...

SARU

Non hai nenti e 'u dici accussì?... Vaia, Anna, non fari 'sti finti, pircchè tantu non li sai fari.... Sai comu .

si' tu?... Comu l'acqua chiara, ca si ci vidi lu funnu paru paru.... Passannu tantiechiedda di voria, l'arrizza tutta e si conosci subito!... Ceu mia ti vo' ammucciari?...

ANNA

Nni mia si vidi 'a facci, e si vidi 'u funnu, pirchè è petra liscia; ma nni tia è 'a facci, petra liscia e servi pp'ammucciari 'u funnu, ca 'u sapi Diu chi c'è!...

SARU

(con un gran desiderio di confessarsi) — Ah, 'u vidi s'è veru ca non si' tu, oggi?... Quannu mai m'ha' lassatu partiri senza abbrazzarimi!...

ANNA

(serera) — Ca di quantu vo' essiri abbrazzatu, tu?

SARU

(caldo, deponendo la valigetta e prendendole una mano) — Di tia sula, babba!... Comu dicu iu, di tia sula!...

ANNA

Ah, 'u vidi?... Chi veni a diri: *comu dici tu?*

SARU

(con passione) — Comu dicu iu veni a diri ca tu, ppi mia, si' comu la Madonna, ca s'adura in ginocchiu, ceu li manu junciuti e ceu lu cori 'u vucca...

ANNA

(svincolandosi) — Sì, 'u sacciu.... Pirchè poi ci su chiddi

ca s'aduranu di 'n 'autra manera!.... Ci su' chiddi....

SARU

(*mettendole una mano sulla bocca*)—Zittiti, non t'allurdari 'a vucca!.... Adurari?... A cui?... (*con più grande calore*) — A tia sula, Anna, a tia sula! Cea, 'nt' 'o me' cori, tu sula ci si'!... Cea sulu, ceu tia, iu mi sentu sicuru, tranquillu, sirenu comu un picciriddu 'n vrazzu di la mamma, ca non po' tradiri!.... 'U restu... Pircchè ti vo' abbassari a carcularlu?...

ANNA

Ah, non l'ha' a carculari?... Ah, no?... (*a una controcena di Saru, che le esprime ch'egli è una vittima d'altri*)—Sì, sì, 'u sacciu, è 'na frevi maligna!... Non mmi sugnu gilusa, no, pircchè 'u vidu, 'u sentu, ca vo' beni sulu a mia!... Ma iu pensu a lu mali ca po' purtari 'ssa frevi; si non a mia, ca ti cumpatisciu, pircchè vidu ca non si' tu, ma è idda — 'sta canazza 'arraggiata, ca non si sazia mai! — si non a mia, dièu, a tia... e perciò a mia e a 'dda criaturedda nostra, di riflessu!... Non vidi ca si' 'mbriacu?... Ca t'affirran tuttu e non ti fa vidiri chiù chiddu ca fai?... Sì iddu... si so' maritu si m'adduna?... Sa pircchè ti pari, ca nou haiu chiù paci, 'nta lu me' cori?... Ca mi staiu muta e non fazzu uno scandalu? — Ca non ci vo' levu l'occhi ceu li jta?... Pircchè mi scantu di perdiri a tia!... Pircchè si chiddu ti scopri e t'ammazza è 'nta lu so' dirittu!...

SARU

Anna, bonu, bonu, ppi carità!... Non diri chiù nenti!... Non mi fari vergugnari e avvilitu chiù di quantu sugnu virgugnatu e avvilitu!... M'avissi sputatu 'nfacci, ajeri!... Ti guardava... la guardava... guardava ad iddu... Sì, hai raggiuni, hai raggiuni: frevi maligna!... M'ha' seuncirtatu lu sangu, m'ha' liatu li sensi e m'ha' fattu perdi la testa!... Frevi maligna!... (*stringendo i pugni*) — Ma la tagghiu!... Ppi quantu è veru Diu, la tagghiu!... (*dolce e supplichevole*) — E mi l'ha' a dari tu, 'ssa forza!... L'haju a truvà 'nta l'amuri to', ppi la to' paci e ppi lu me' decoru!... Ppi livarimi 'stu rimorsu, ceu tia e ceu iddu!... Benchì — sentimi — non l'haju iu... ceu nuddu di tutti dui, e tantu menu ceu idda... Pirehì non vosi, iu, non vosi, no, no!... Non haju vulutu mai, iu!... Ha' statu idda, 'sta 'nfami, ca mi ci ha tiratu ppi li capiddi!... Non m'ha' vulutu lassari ppi curtu!... Sutta l'occhi toi stissi... sutta l'occhi d'iddu... — ca non sacciu comu ha fattu a non si nni addunari!... (*riflettendo, roco*)—... Sì non si nn'addunau aieri!...

ANNA

(*allarmata*) — Madonna mia!... (*afferrandogli un braccio*) — Hai 'stu scantu?... Iu macari, l'haju!...

SARU

(*preoccupato*) — Ti parsi macari a tia, ca si nn'avissi addunatu?... Mentri ca erumu a tavula, ah?...

ANNA

Si!... E non sapeva chi fari, iu, ppi sviallu!...

SARU

(angosciato) — E doppu!... Doppu lu peggju!... Quannu vi nni jstuu lassannucci sali, e iddu turnò!...

ANNA

(con terrore) — Vi sorpresi?... (ha il tremito alle labbra e alle membra).

SARU

No... ma... quasi... Si mangiau 'a foggia — mi parsi! — Parrava masticatu... Pirehì ti nni jsti, Anna, pirehì ti nni jsti?!

ANNA

Sperava ca ti nni vinissi ccu mia!... Non sapeva chi fari, ppi staccariti!... Ti guardava ccu lu cori 'nta l'occhi, e tu non ti muvisti!...

SARU

Hai raggiuni, hai raggiuni, mughhireda mia!... (se la stringe appassionatamente al petto) Tesoru miu beddu e santu!... Tu si' la me' salvizza, tu!... M'ha' salvari, Anna, m'ha' salvari!... E... vidi?... Appena mi nni parvasti, ti cascai 'nta li vrazza, è veru?... Senza negari, senza diri minzogni... Ti giuru ppi dda criaturedda nostra ca si non mi nn'avissi parratu tu, turnannu di fora t'avissi cunfissatu tuttu iu, spontaneamente!... L'aveva cca, (si mette la mano sotto il petto) comu un gruppu,

'nta la vucca di l'arma, ca non mi faceva ciatari!...
(*stringendosi più forte a lei*) — Non mi lassari, Annuzza, non mi lassari!...

ANNA

No, no, ca comu ti lassu?... Pozzu lassari a tia, si mi dimanni aiutu accussi?... (*ripresa dal terrore e dal tremito*) Ma si' certu — o Diu! — si' certu, ca si nni accorsi!...

SARU

(*notando lo sgomento di lei, per confortarla*) — No, no... non ti scantari!... 'U rimorsu mi fici vidiri chiù di eliddu ca era... No... pensu ca poi si misi a parrari tantu tranquillu... supra 'a relazioni d' 'a perizia ca ficimu 'nsemi... Mi desi 'i carti... (*battendosi una mano aperta sulla fronte*) — Oh, a propositu!... Mi l'aveva scurdatu!... Ma si non haju chiù 'a testa!... Menu mali ca mi ci facisti pinsari!... L'haju a firmari e t' 'a lassu cca, ca dici ca veni iddu, chiù tardu, a pigghiarasilla (*apre un cassetto, toglie il rotolo delle carte del primo atto, lo spiega, lo depone sul tavolo e firma l'ultimo foglio*).

ANNA

Cea ha' a veniri?... Iddu?...

SARU

Si... accussì mi dissi...

ANNA

(*pensando*) — Si putissi appurari qualche cosa!...

SARU

Sta attenta, oh, ppi carità!... Non nesciri discursu, si iddu non parra!... Avissi a fari peju?!... (*la riabbraccia con effusione, poi*) Ni nni jemu, Anna!... Ni nni jemu, di cca!... Haiu 'a me' prufissioni... tutti sannu ca sugnu un galantomu... e unni è ed è, un pezzu di pani non mi po' mancari... E' veru, Anna?...

ANNA

(*tenera, commossa*) — Si, si... unni vo' tu!... Veru è!... Iu non haiu a nuddu, cca... Non haiu autru ca a tia... e 'a zia Rachela, mischina!...

SARU

Si nni veni ccu nui!... Chiddu ca basta ppi dui bastirà ppi tri (*guarda l'orologio, riprende la valigetta e, consegnandole le carte*) — Vidi unni 'i metti, ca iu mi nn' e' jri.

ANNA

(*riassalita dal dubbio, lo guarda, con meraviglia e rimprovero*) — E comu?... Tantu tempu prima, ti nni stai jennu?... Non ci manca un pezzu, ancora, ppi partiri 'u trenu?...

SARU

(*che comprende — offeso*) — Ah, Anna, chi pensi?... Ancora sospetti di mia?... Doppu chiddu c'ha' 'ntisu?...

ANNA

No... non dicu chissu...

SARU

Ca chi dici, allura?... (*riabbracciandola, tra i baci* — M'hainu a fari 'i canniggiaturi, in piazza... bainu a passari di 'nt' 'o nutaru Firrito, a ritirari 'a pianta d' 'u funnu, e poi di nni don 'Nzulu, l'armeri, ppi pigghiarimi 'i cartucci...)

ANNA

Hai 'a cartuccera china!...

SARU

Christi pp' 'i cristiani, su'... a mitragghia!... Mi passu a pigghiu chiddi di caccia... a pallini... (*guardandola negli occhi, con occhi sereni*). Mi dicinu ca unni jemu ci su' pimeci... e si mi nni capita quarcuna... sacciu ca a me' mugghireda ci piaciunu!...

ANNA

(*rasserenata, giuliva, lo bacia*)—Grazzi!... (*si ode il campanello d'ingresso e, sciogliendosi*). Chista 'a zà Rachela, e!

SARU

Ca bonu e', va, ca ti lassu ccu idda.

ANNA

Ah, chi dici, ca 'a facemu curcari cca?...

SARU

No... chi bisognu c'è?... Dumani sugnu cca!... Vo' grapici. (*Anna esce*).

SCENA II.

La zia Rachela e detti.

RACHELA

(entra, preceduta da Anna, si leva lo scialle, che depone su una sedia e, deponendo sul tavolo una boccettina con una mistura bianca) — Eccumi cca.... Dissi 'u farmacista ca prima di dariecilla, o' picciriddu, si divi agitari 'a buccittina (a Saru)— E tu chi fai, parti?

SARU

Si, zia.... Ci raccumannu di tinirimi allegra, cca, a Annuzza!.... Non manca a vossia....

RACHELA

Vattinni, vattinni tranquillu.... Arrivederci, e boni affari; ca nuautri, cca.... nni sapemu sentiri, ceu me' niputi....

SARU

(stringendole la mano) — Vossia benedica.... (esce, tenendo il braccio attorno alla vita di Anna, che lo accompagna fino alla porta d'uscita, di là).

SCENA III.

Anna e la zia Rachela

ANNA

(torna, poco dopo, asciugandosi gli occhi).

RACHELA

(che si è data, frattanto, a rassettare la stanza) — Ah, ah!... Nuvità!... Me' niputi ca chianci! Ammatula predieu, tu non canci mai, figghia!... 'U sacciu pirc'hì chianci!... Pirc'hì ti persuadi ca to' maritu nesci tantu tempu prima di partiri 'u trenu, pirc'hì ha' a jri a salutari a chidda!... E tu, 'nvece di chianciri, pirc'hì non ci dicevi: — aspetta, maritu miu, ca t'accompagnu! — e ci rumpevi l'ova 'nt' 'o panaru!... Chi pinseri avevi?... Pp' 'u picciriddu non c'era in?... M'arriordu 'a san- t'armuzza di to' ziu, quannu aveva ppi testa quarche pinseri sturtu...

ANNA

(piangendo di tenerezza) — Ca quali, zia, no!...

RACHELA

Si, mettimi 'nt' 'o saccu, ora, ca sugnu picciridda!...

ANNA

No, ci diu, no, non pinsassi a cosi tinti!... Nisciu prima pirc'hì divi jri in piazza, a farisi 'i canniggia- turi... poi 'nt' 'o nutaru Firritu e poi nni don 'Nzulu l'armeri...

RACHELA

(mettendo un dito nella bocca aperta) — Ahum!... Pez- za di basalocca!... E tu ci eridi?...

ANNA

Si zittissi, si zittissi, ci diu!... Mi cunfissau tuttu,

ora ora, chiancennu comu un picciriddu!.... E comu un picciriddu daveru è!.... Ca voli ajutu di mia, ca dici ca iu l' haju a sarvari.... Mi parrau cu lu cori 'n manu, jancu comu la nivi!.... E di chissu, 'ssa 'nfami, s' ha' apprufttatu, eh' è comu la cira!.... Criaturi, mi fici pena!.... Chi è iddu?.... Com' è ca m' 'a putissi pigghiari ccu iddu, si 'u sacciu, 'u sacciu ca non voli beni ad autru e non ha voluto beni mai ad autru ca a mia?!.... Ah, zâ Rachela, si vossia mi eridi, fussi felici, 'nta 'stu mumentu, si non fussi pp' 'u scantu ca 'u cumpari si nn' avissi addunatu!

RACHELA

(*meravigliata*) — Chi dici?.... A 'stu puntu, avissi arrivatu, to' maritu?.... Di farinnillu addunari?....

ANNA

No iddu, idda!.... L' haju vistu ccu l' occhi mei, ajeri, a tavula!.... Mi nni addunai iu, fiuramuni si non si nn' addunau iddu!....

RACHELA

(*per confortarla*) — Tu ti nn' addunasti pircchè 'u sapevi.... chi c' entra?!....

ANNA

Ma macari Saru, mi pari ca avissi 'ssu scantu!....

RACHELA

Signuri mei, viditi, ppi 'na cajurdazza qualunchi, chi 'nfernù ca po' nasciri 'nta du' famigghi!.... E chissa

d' accussì 'u pigghia, a so' maritu ?... E chi è, pazza ?... N' 'o sapi ca si ci firria 'u ciricoppulu !... (*notando che Anna ha il tremito alle labbra*) — Nenti, Anna, non stari ccu pinseri, pircchè iu 'u conuseiu a Oraziu Pardu... 'u conuseiu megghiu di so' mugglieri... Non sapienti, pircchè si si nn' avissi addunatu, Diu nni scanza e libiri, avissi fattu un macellu !... Bah !... Sta tranquilla, ca non sapi nenti ! (*si ode il campanello e ca ad aprire*).

SCENA IV.

Ninfa e dette.

NINFA

(*entra, tutta affocata in volto, preceduta da zia Rachela. La gioia le schizza dagli occhi ed è quasi convulsa*) — Bongiornu, cummari !... Unn' è, 'u cumpari ?... Oraziu mi mannau ppi 'ddi carti... Dicitaccillu !...

ANNA

(*contenendosi, va a prendere le carte e, consegnandogliele, freddamente*) — Cea ci sunnu 'i carti... Su firmati, pircchè Saru dissi ca 'u cumpari si l'aveva a veniri a ritirari iddu...

NINFA

(*forte, per farsi udire di là, dove crede sia il compare, ridendo*) — Ah, ma iddu non potti veniri, pircchè si sta preparannu, ca ci arrivau l'ordini di partiri subito ppi Biancavilla... e mannò a mia !...

ANNA

(c. s.) — E siti accussì cuntenta, ca parti vostru maritu?

NINFA

Ca vui chi siti, appinata, ca parti 'u vostru?... Non mi pari veru, ca ogne tantu haiu 'na jurnata di libirtà!... Chi vi pari, bellu, aviri 'u maritu sempri cusutu e' costu?... Zâ Rachela, parrassi vossia!...

RACHELA

(con intenzione) — Ca... secunnu mariti... e secunnu mugghieri, figghia!... O' era 'u miu, salaratu, ca si 'u Signuruzzu non si l' avissi chiamatu cu iddu, mi l' avirria tinutu, no cusutu e' costu, ma 'nta 'n' aricchia!...

ANNA

(per vincere l'istinto irrefrenabile di gittarsi addosso alla impudente e farne uno straccio) — Va, in ci dugnu 'stu lattosiu 'o picciriddu. Con permissu, cumari... (prende la boccettina e va via).

NINFA

(ad Anna prima che scompaia) — Avvirtitulu, 'u cum-pari!... (a zia Rachela, non avendo ottenuta risposta) — Chi è, malatu, 'u figghiozzu?...

RACHELA

No, nenti... 'u stumacheddu!... (con intenzione) — So' matri si potti pigghiari quarchi dispiaciri, ajeri.... ca ci nn' è sempri (pigiando sulle parole) — a causa

di li mali genti, ca non mancanu mai....—ci desi latti straviatu e ci addugghiau 'u corpu, criaturi!... Ma ora ei passa....

NINFA

'U cumpari chi è, fora ?...

RACHELA

N' 'o sapiti ?...

NINFA

E quannu torna ?...

RACHELA

Dumani, dici....

NINFA

No, dieu, quannu torna ora, prima di partiri !...

RACHELA

Partiu....

NINFA

(*sconsolata*) — Comu!... E cu quali trenu ?... 'U trenu non parti e' setti e deci ?...

RACHELA

Si, ma siccomu duveva sbrigari certi affari, prima....

NINFA

Ah, si ?... E unni, unni, 'ca me' maritu.... già.... mi pari ca me' maritu dissi ca partunu 'nsemula e 'u vulissi avvisari.... 'U sapi, vossia, unn' è ?...

RACHELA

Chi sacciu, mi pari d' aviri 'ntisu ca duveva jri
'nt' 'o nutaru Firritu....

NINFA

Ah, 'nt' 'o nutaru, 'nt' 'o nutaru.... e poi ?...

RACHELA

E mmi don 'Nzulu l'armeri, mi pari ca dissi.... Ma
forsi a 'st' ura è in chiazza, ca si sta facennu 'i can-
niggiaturi....

NINFA

Ca bonu, bonu.... allura mi mmi vaju, iu.... Mi salu-
tassi 'a cummari.... (*si avvia*).

RACHELA

E chi è, ccu tutta 'sta furia ?... Mancu aspittati ca
torna, 'a cummari, ppi salutalla ?... V' 'a chianu ?...

NINFA

(*che s' è fermata, sulle spine*) — No, no, non la distur-
bati.... Haiu primura.... 'U sapiti com' è, Oraziu !... Mi
dissi di fari prestu.... (*scappando*) — Arrivederci !...
(*scompare*).

RACHELA

Arrivederci !...

SCENA V.

La zâ Rachela e Anna

RACHELA

(forte) — Anna!... Vidi ca si nni ju... 'a cummari!...

ANNA

(rientrando) — Si mi cridi, vossia, comu 'a vidu, mi sentu acchianari 'na cosa di cca (*accenna al petto*) ca si non fussi ppi tutti 'i consequenzi, mi vinissi un impitu di pistarimmilla sutta 'i peri — 'ssa sbriguata ca m' 'u veni a seuncicari 'nsina dintra!...

RACHELA

Dici ca 'u circava so' marito, pirciè hannu a partiri 'ngemi, iddu e Saru....

ANNA

'Nsemi, partunu?... (*si preoccupa*).

RACHELA

N' 'a sintisti, ca ci arrivau l'ordini di partiri subito?... E siccomu iddu va a Biancavilla, Saru a Troina, 'a linia è tutt' una....

ANNA

(c. s.) — Ah, perciò 'nsemula, partunu!... (*silenzio*) — Zâ Rachela, ni nni jemu di cca!... Saru m' 'u dissi an-tura e iu non ci fazzu cangiari pinseri, certamenti....

RACHELA

E a mia mi lassati sula, povira vecchia?...

ANNA

Si mi veni ccu mi !... Iddu stissu, 'u dissi: chid-du ca basta ppi dui, bastirà ppi tri... Vossia chi attaccagghi avi, eca ?... Quannu ni mi jemu nuantri....

RACHELA

Ca iu.... all'infora di 'ddi quattru strusciuli c' haiu 'n casa.... Tuttu ddocu è, 'u me' capitali !... Quann' è ura m' 'i vinnu.... Cioè, no.... Ora c' è Ciccìa.... Ciccì-nedda, mischina !...

ANNA

Quali Ciccìa ?...

RACHELA

'A crapa martisa !... Così da ridiri, ccu 'ssa crapa !... 'U sai ca si curca ccu mia ?... Certi discursi ca facemu, a' notti !... Mi rispunni: *beech*.... comu 'na cristiana !

ANNA

E chi s' 'a curca, 'nt' 'o lettu?...

RACHELA

A tu 'n 'autra, 'nt' 'o lettu !... Chi era, cristiana ppi daveru ?... E' peri 'u lettu... Idda si metti addinucchiata supra ddi quattru zampitti, e s'appoia 'a testa, ccu 'dda varvitta, supira 'u lettu !....

ANNA

Armaluzza !... Ma pìrchì n' 'a lassa 'nta l' astrieu, macari 'a notti ?...

RACHELA

Ca pìrchì s' 'a 'trobanu !... L' astrieu e vasciu, scavarcanu 'a cancellata, e s' 'a portanu 'nta 'n vidiri e svidiri !... Comu si putaru a Nina e a Carolina !...

ANNA

Cu' eranu, 'ss' autri ?...

RACHELA

'I addineddi paduvani !... T' 'i scurdasti !... Mi facevunu deci ova 'a simana, in media, ca si vuscavunu 'a spisa megghiu di du' mammari !... 'Na bella matina nesciu 'nta l'astrieu, ppi putarici 'u scagghiu... e non e' eranu chiù !... Cu' fu, di notti a notti, si l' aveva cagniatu !...

ANNA

Genti sapituri, appuru a essiri....

RACHELA

D' 'u vicipanzu, non po' falliri !...

ANNA

Vossia appi suspettu supra quarennu ?...

RACHELA

Cirtizza, no suspettu !... E' ca non aveva provi e mi puteva vuscari 'na querela sparti, si no 'u dinun-

ziava!... Sugnu tantu sicura ca fu mastro Littiriu Lapuni, 'u tamburineri!...

ANNA

Chiddu ecu 'dda varvazza di stuppa?...

RACHELA

Chiddu, chiddu!... E a propositu, ti fazzu ridiri!... L'autru ajeri notti mi sunnava di vidillu arreri 'u barcuni di l'astriu, ca guardava arreri 'a pirsiana, ppi vidiri si durmeva... Iu voleva fari vuci, chiamari ajutu, ma non puteva!... Maria, chi sonnu 'nfami!... Iddu ammuttau 'u barcuni, ca si rapiu a vanidduzza, trasiu a quattru peri, e strascinannusi cammira cammira, si 'nficcò sutta 'u me' lettul!...

ANNA

Chi dici, vossia?...

RACHELA

Maria Santissima!... Benchè sonnu mi pari ancora di vidillu!... Di tantu in tantu s'affacciava, ecu 'dda varvazza, arreri 'a cuttunata, ppi vidiri si iu durmeva... E iu sempri ca non puteva nè gridari, nè parrari!... L'urtima vota mi parsi ca aveva 'nt' 'a manu un cuttidazzu...

ANNA

Gesù e Maria!...

RACHELA

Fu tantu 'u scantu, 'nt' 'o sonnu stissu, ca m'arru-sbigghiai!...

ANNA

Menu mali!...

RACHELA

Ca quali, senti!... Comu m'arrisbigghiai, sempri ccu ddu diavulu davanti l'occhi, vaiu ppi stenniri 'na manu e toccu varva!... Sugnu morta — dissi — non è sonnu!... Iddu ppi daveru c'è 'ncasa, mastru Lapuni!... Senza vuliri jettu 'na sticcata e stava cascannu d' 'u lettu!... Di cu' era, 'dda varva ca tuccai?...

ANNA

(sorridente) — D' 'a capra martisa!...

RACHELA

Di Ciccina, gnursi!... Ca finarmenti si desi a conu-sciri: beech!... E si cascava d' 'u lettu?... Iddu ca è 'na muntagna!...

ANNA

E vossia non fa autru ca cardari 'dda lana, ppi fari crisciri 'i matarazza!... Mi mi dici 'na cosa: ci nni fa latti, 'ssa crapa?...

RACHELA

Si!... E dumani t' 'u portu... Bellu, cauru cauru, ccu tutta 'a scuma...

ANNA

E chi ci duna a mangiari?...

RACHELA

Chiddu ca veni veni... Viradura, canigghia, scorei di muluni, di ficudinnia, d'aranci... muddica di pani... tuttu cosi, mangia!... 'I vicini 'u sannu, e m' 'i sarvunu, ppi Ciccina!...

ANNA

(alzandosi) — Scurau (va a prendere un lume a petrolio sul cassettoni e lo accende, poi si segna e recita una breve orazione a fior di labbro).

RACHELA

(quasi contemporaneamente fa altrettanto, poi, dopo d'essersi risegnata) — 'U picciriddu chi fici si cuitau?

ANNA

Si, tantu beddu!... Si pigghio 'u lattosiu, chetu chetu, ci desi na sucatedda 'a minnuzza e chiusi l'occhi a pampinedda, ccu dda vuccuzza aperta, umita umita!... Tantu biddiechiu... comu un angileddu!...

RACHELA

È so' patri, seureciatu!... L' ha' guardatu, cca sutta?... (fa cenno al collo dal lato sinistro).

ANNA

Seureciatu!... La stissa vucca, l' occhi stissi, e macari 'u stissu disiu di caffè!...

RACHELA

Ranni Diu !....

ANNA

E comu conusei a so' patri!.... Accussi nien, quannu 'u vidi arrivari di luntanu, ci ridunn l'occhi, e m'abballa 'nt' 'e vrazza!....

RACHELA

(alzandosi) — Va, Annuzza.... vo' rizzettiti, ca iu mi nni vaiu.... Dumani nni videmu.... Tu chi fai, ti fermi dintra ?....

ANNA

Pirchi ?

RACHELA

Ca pirchi si non ti fermi, mi portu 'u chiavinu d' 'u licchettu e dumani matinu, senza ca tu ti susi ppi grapirini, ti vegnu a fari 'u cafè e ti yugghiu 'u lattì.... Ma già, pensu ca 'u chiavinu s' 'u purto Saru, è veru?

ANNA

No, Saru avi 'u so', cca ci nn' è 'n' autru.... Allora, comu voli, zia.... ma non tantu prestu, ca iu, prima di l'ottu, l'ottu e menza, non mi vulissi susiri, dumani.... 'Na vota ca Saru non c'è.... nn'appruffittu ppi dormiri tanticchia di chiù....

RACHELA

No, all'ottu, all'ottu e menza vegnu iu.... tu, poi, ti susi quannu voi... quannu t'arrusbigghi da te stissa...

ANNA

(*sorride*) — Va beni.... e tanti grazii, zâ Rachela (*dandole una chiave che prende da sul cassettone*) — Chistu è 'u chiavinu.... vossia s' 'u sarva.

RACHELA

(*mettendo il chiavino in tasca*) — Arrivederci, Annuzza (*coprendosi le spalle dello scialle*) — Bona notti, dormi tranquilla.... E non pinsari a nenti, 'u senti?....

ANNA

Vossia benedica (*la accompagna per l' uscita — Breve scena vuota*).

SCENA VI.

Anna sola, poi Oraziu.

ANNA

(*Rientra e dà un' ultima rassettata alla stanza, mette in ordine le carte del tavolo, passando presso l' immagine della Madonna si risegna, e le manda un bacio con la mano, poi prende il lume acceso e si avvia, un po' stanca, verso l' uscio di fondo; ma prima di raggiungerlo si ode il campanello dell' ingresso e si ferma. Attenta un po' quasi parendole impossibile che abbiano suonato alla porta di casa sua. Il campanello risuona, pian pianino, e allora, senza muoversi, parlando a sè stessa*) — E cu' po' essiri.... a 'st' ura?.... 'A zâ Rachela no, pirchè si partò 'u chiavinu.... (*forte*) — Cu' è?

ORAZIU

(dall' interno) — Amici.

ANNA

Amici, cui ?....

ORAZIU

(c. s.) — Grapiti, cummari, in sugnu !....

ANNA

(trasalisce e va ad aprire, in preda quasi allo sgomento — Dall' interno) — Vui, cumpari ?.... *(riapparendo, seguita da Orazio)* — Successi cosa a Saru ?.... Ppi carità, cumpari, parrati.... Chi siti scuru 'nfacci !.... Saru ?.... Parrati : Saru ?!....

ORAZIU

(ironico) — Tantu beddu, non statì 'ccu pinseri....

ANNA

Ma comu !.... Non aveuru a partiri 'nsemi ?

ORAZIU

(grave) — In partivi.... iddu ristau !....

ANNA

Comu ?!.... Partistuu, e siti cca ?

ORAZIU

Mi jttai d' 'u trenu !....

ANNA

(con un sussulto) — Vi jttastuu d' 'u trenu ?.... Comu ?!....
E pirc'hì ?!....

ORAZIU

Appena fu fora 'a stazioni, appruffittai ca rallintau
'a cursa, 'nt' 'a vutata di 'u Canalicchie, e mi jttai....
ppi veniri cca !....

ANNA

Cca ?.... E Saru ?

ORAZIU

Ah, Saru ?.... Saru m' accumpagnau finu a' stazioni....
poi.... fincu ca si scurdau di passari d' 'u nutaru, ppi
pigghiarisi 'a pianta.... dici ca senza 'a pianta non pu-
teva partiri.... e parti dumani matinu.

ANNA

(c. s.) — E unn' è, ora ?.... 'U vinistuu a circari, è veru ?

ORAZIU

No.... a' me' casa è!....

ANNA

(c. s.) — Ah.... v' aspetta ddà ?....

ORAZIU

(con un sorriso tra l' amaro e il sarcastico) — Ca quali...
non m' aspetta !.... Sapi ca sugnu partutu !.... Mi vitti
partiri !.... A 'st' ura è beddu, letu e tranquillu, abbrac-
zatu ccu me' mugghieri!...

ANNA

(impallidendo) — Cumpari, chi diciti ?...

ORAZIU

(guardandola, come meravigliato) — Chi n' 'o sapiti, vui ?

ANNA

Iu ?!....

ORAZIU

Mi pareva ca vi nn' avennu addunatu !... A d' ora, ca 'u sacciu, iu !...

ANNA

(ha un nuovo sussulto e si passa una mano sulla fronte e tra i capelli, come in atto di disperazione).

ORAZIU

Nenti, non vi tramutati, cummaruzza !... Non mi viditi ?... Sugnu tantu bellu, calmu, iu !...

ANNA

(punto rassicurata) — Ma.... chi vuliti fari ?.... Chi vi nistuu a fari, cca ?.... *(istintivamente ca a far scudo della sua persona davanti l'uscio della camera, quasi temendo si voglia offendere la sua creatura).*

ORAZIU

(che tutto comprende, con il solito sorriso). — Chi vi scantati, pp' 'u picciriddu, cummari ?.... Chi e' entra, iu figghi chi nn' haiu ?.... Di 'ssu latu, iddu non

m' ha offisu.... Si m'avissi offisu supra un figghiu miu... allura si, avissivu 'u mutivu di scantarivi pp' 'u picciriddu.... Ma iddu ceu me' mughieri sula, m' ha offisu....

ANNA

E allura?!... Chi v' 'a vulussivu pigghiari, ceu mia?...

ORAZIU

Cummari... 'u sapiti comu si dici?... Occhiu ppi occhiu e denti ppi denti.

ANNA

(e. s.) — Chi sintiti diri?

ORAZIU

(*freddo come una lama e risoluto*) — Iddu si ju a curcari ceu me' mughieri e iu mi vengu a curcari ceu so' mughieri!...

ANNA

(*indietreggiando, con ribrezzo, offesa, fiera, sdegnata*).— Ab!... Chissu vulissivu fari?...

ORAZIU

No iu, cummari.... iddu, voli ca fazzu chistu!...

ANNA

(*con disprezzo*).—E a mia, vui, non ci aviti pinsatu?...

ORAZIU

E iddu, a mia, chi ci pinsò?...

ANNA

Ma ppi cu' m' aviti pigghiato, a mia ?...

ORAZIU

Pirchè, cummari, chi vulissivu diri, di no ?...

ANNA

E m' 'u dimannati ?... A mia ?...

ORAZIU

(come stupito). — No ?...

ANNA

(con un grido). — No !...

ORAZIU

'U ripititi ?... *(la fissa negli occhi).*

ANNA

(come sputandoglielo in faccia). — No !

ORAZIU

(torro). — Sta beni, cummari ! *(acciandosi, con il cingiglio dell' uomo assetato di vendetta e risoluto).* — Vi salutu !...

ANNA

(intuendo una tragedia). — Unni jti ?!... Chi faciti ?!...

ORAZIU

(si rolla e, accompagnandosi col gesto, esclama). — 'U 'mmazzu !...

ANNA

(*caccia un urlo disperato, gli corre incontro e, afferrandolo, convulsa, per un braccio*).—No, no, ppi carità!... Vi cunsumati!... Cunsumati du' famjgghi!... Pinsati a 'dda criaturedda 'nnuccenti, ca sta durmennu!... Ppi carità, ppi carità!... Mi jettu a li vostri pedi, cumpari!... (*si china*).

ORAZIU

(*sollevandola*). — No, non aviti a fari chissu, cummari!... E o' vostru picciruddu ci aviti a pinsari vui, non ci haiu a pinsari iu!...

ANNA

(*disperata*) — Ma chi vuliti, di mia?...

ORAZIU

Non v' 'u dissi?...

ANNA

E eriditi ca 'na fimmina comu mia po' cediti a 'na cosa accussì mustruusa?!

ORAZIU

E eriditi ca un omu comu mia po' suppartari chiddu ca ci fa vostru maritu?... V' 'a pigghiati ceu mia?... Ceu iddu vi l'aviti a pigghiari!...

ANNA

Signuruzzu miraculusu, datimi lumi, ca mi stannu partennu li sensi!... Ma iu... povira disgraziata 'nnuecenti, chi soddisfazioni vi pozzu dari?...

ORAZIU

Tutta!... La soddisfazioni giusta!... Chidda ca mi spetta!... Facemu pari e patta e cu' chiù ci misi, chiù ci persi!...

ANNA

(*come una forsennata*) — Vui pazzu siti, pazzu... e mi vuliti fari nesciri pazza a mia!... Ammazzatimi, chiù tostu!... Megghiu morta, ca fari chissu!...

ORAZIU

Cummari, 'i denti aviti a stringiri, e l'aviti a fari!...

ANNA

(*c. s.*) — No!

ORAZIU

Sì!...

ANNA

No!!...

ORAZIU

Ca chi tantu ribrezzu, vi fazzu?

ANNA

No, no vui, l'azioni ca mi vuliti fari fari, mi fa ribrezzu!...

ORAZIU

Ah, si non sugnu iu, allura, è nenti!... L'azioni non la faciti vui.... iddu v' 'a fa fari!...

ANNA

(*supplicherole*)—Ppi carità, ppi carità, turnati in sensi!...

ORAZIU

In in sensi perfetti, sugnu.... E v' 'u dimustru, cum-
mari: (*accostandosele, persuasivo*) — Vui chi vuliti?.....
Ca mi nni vaiu, è veru? (*a un cenno di sì di Anna*)—
E unni?... Unni mi nni vaiu?... 'A lucanna?... Pp' a-
spittari c' agghiorna.... nesci iddu, d' 'a me' casa, e tra-
su in?... 'U me' postu è occupatu, 'u sapiti sentiti?...
E niscennu di cca.... e jennu jutra.... — ca va, mitti-
tivi 'nt' 'e me' panni!... Ccu tuttu ca siti 'n' apa di
meli, 'na pampina di paradisu, arrivannu dintra, e tru-
vannuli 'nsemi, vui, chi facissivu?... Macari ca non
fussivu 'ntinziunata, niscissivu 'u revolviri e tirassivu
o' toccu, a cu' casca casca!... — (*accalorandosi*) — Ppi
forza!... Ppi forza, cara cummari!... È ddà.... 'nt' 'o me'
lettu, a 'st' ura!... Abbrazzatu ccu me' mughghieri!...
(*col sangue agli occhi*) — Ca si la vasa!... Ca si pigghia
li so' vasuni!... Ed in lu sacciu comu si vasanu!...
(*l'afferri, convulso e mentre lei si divincola, come osses-
sionato se la stringe al petto, la palpa tutta, se la ba-
cia, furente*). — D' accussì, vui m' aviti a abbrazzari a
mia!... D' accussì m' aviti a vasari!...

ANNA

(*con un supremo sforzo si scioglie, lo graffia tutto come
una leonessa ferita, lo percuote al viso gridando*) — No,
no, lassatimi!... Lassatimi!... Gridu!... (*poi cade a
terra, esausta*).

ORAZIU

(si scosta, con la mano alla guancia offesa e sanguinante, la fissa, torbido, poi esclama, con voce da belva) — Ppi la cruci di Diu, faciti cuntù ca siti viduva!... (si precipita per uscire).

ANNA

(sollevandosi, con un ultimo sforzo, lo chiama, con un urlo disperato) — No!... Ppi carità, no!... Ristati!.. Ristati, ppi carità!...

ORAZIU

(si ferma e, con un ghigno di soddisfazione) — Ah, restu?!... (accostandosi, piano piano) — E nni vasamu, comu si vasanu iddi?... Nn'abbrazzamu comu s'abbrazzanu iddi?... (stende la mano verso di lei, che sta sollevandosi).

ANNA

(istintivamente scostandosi) — No!... (ma vedendolo rifarsi bieco, si abbandona un'altra volta, chiudendo gli occhi, per non vedere).

ORAZIU

(c. s.) — Restu!... (mentre Anna si contorce in terra, come una serpe, e si mette tra i denti un fazzoletto, per morderlo di disperazione, egli si scioglie rapidamente la cintura con la rivoltella nel fodero, e la depone sul cassetto, poi, con un sorrisetto satanico di soddisfazione, si china e cerca di sollevarla) — Susiti!....

ANNA

(con un ultimo sforzo, a mezza voce, supplichevole, angosciata) — No!... No!...

ORAZIU

(passandole le mani sotto le ascelle e solleverandola, sghignazza quasi) — Ca quali no!... Ca quali no!...

ANNA

(priva di forze, vinta, non oppone più resistenza).

Tela.

ATTO TERZO

La stessa scena del second' atto. — L' alba del giorno appresso.

SCENA I.

Anna e Oraziu

ORAZIU

(esce, in maniche di camicia, dall'uscio di fondo, seguito da)

ANNA

(che si appoggia, disfatta, a uno stipite dell'uscio stesso).

ORAZIU

(va ad aprire gli scuri della finestra e a traverso i vetri entra sulla scena la prima squallida luce dell' alba che, man mano, si va facendo più intensa) — Sì, sta agghiurnannu.

ANNA

(si avvanza, stanca, di qualche passo, discinta, coi capelli disfatti; è pallida, arcilata, dopo la notte di strazio per lei e di allegra rendetta per lui) — E perciò... ppi carità, vo' jtavinni prima ca fa jornù e grapunu 'i porti, in modu ca nuddu vi vidissi !.... *(coprendosi il volto con le mani)* — Mancu di mia v' avissivu a fari vidiri !.... *(con voce di pianto)*. — Chi nu' aviti fattu, chi nu' aviti fattu, di mia ?

ORAZIU

E chi tantu, ppi daveru, nni si' pintuta? (*con intenzione*) — E puru....

ANNA

(*energica*) — Ah, no ! Lu corpu, forsi, ma l'arma no ! Non ha accunsintutu, l'arma !.... E mi l'aviti straziatu, stanotti !... Putiti essiri saziu !.... Vo' jtavinni, ora, vo' jtavinni !

ORAZIU

Ma chi ti scanti, d' 'i genti ?.... Ca mi po' vidiri nesciri ?... N' ha' paura, ca non mi vidi.

ANNA

Comu, non vi vidi? Si nisciti chiù tardu, quannu tutti su' fora....

ORAZIU

Ca quali !.... Non mi vidi pirchè non nesciu.

ANNA

(*allibita*) — Non nisciti ? E chi vuliti ristari, cca ?

ORAZIU

Certu.

ANNA

E comu, non pinsati ca torna iddu ?

ORAZIU

Ca iu ad iddu aspettu!...

ANNA

(atterrita) — Ah, non vi basta cheddu c' aviti fattu di mia?... Macari ccu iddu, ora? *(angosciata)* — E allura pircu?... Allura pircu?...

ORAZIO

Quanta si' bona! Comu voi, ca mi bastassi? Mi basta per una parte — e mancu m' ha' bastatu tantu bonu — ma non mi basta ppi 'n' autra... In 'a saccu, ca iddu mi fici 'a festa ccu me' muggghieri... e accussi l' avi a sapiri iddu. Pircu dunca, chi soddisfazioni fusti, accussi?... A' para, avemu a essiri *alla una mano, come se reggesse la bilancia al peso* — Vilanza: tantu di cca e tantu di cca banna.

ANNA

(come fuori di sé) — Madonna santissima! E chi pinseri internali vi vanti, ora? E la vostra parola? V' hanu datu tuttu cheddu ca vi putia dari, ppi salvari ad iddu: l' anuri nnu, li me' caru... — ccu la me' criaturredda a latu!... — E allura pircu l' hanu fattu, tu, si mancu ha' valutu ppi salvari a iddu?

ORAZIO

Chi vo' salvari? Ccu non c' e nenti di salvari! Chi ti firi ca ci avissi a fari, ad iddu, oramai?... No, nenti. Ti giuru ca non ci tiro a un capiddu! Non l' hanu chiù, issu dirittu. Pp' 'a prima parti semu a patu; mi resta, ora, sulamenti, ca si sapiessu... E mi nni vaju.

ANNA

Vi nni jti? Ma non ci pinsati ca iddu, si vi trova cca, v'ammazza?

ORAZIU

M'ammazza?... Iddu ammazza a mia?... Guarda ca 'n' autra nn' haiu a sèntiri! D' unni veni, iddu?... Unni l' ha' passatu, 'a nuttata?... A' me' casa... e iu cca, a' so' casa!... Ceu cu' ha' statu, iddu? Ceu me' mughieri... e iu haiu statu cca, ceu so' mughieri!...

ANNA

Ca allura ppi daveru vui accussì eriditi d'aviri aggiustatu tuttu cosi?

ORAZIU

Tuttu cosi, cara cummaredda mia! Iddu l'avia guastatu ed iu l'aggiustai. Seusati: l'amicizia, la stima, lu cumparatiu, l'onuri, cu' è ca l'avia guastatu? Iddu!... E ora iu haiu misu 'a vilanza 'm paru!... Ceu 'na differenza: ca a mia, ppi rispettu d' iddu e di vui, mancu mi passava pp' 'a testa... e a iddu sì!... Risposta è, 'a mia, cummari! A cc'avissi voluto, iddu, un pisu e du' misuri?... Non lu po' vuliri, non ti scantari!...

ANNA

Maria Santissima! Vergini 'Mmaculata, e chi nni nasci, ora ?

ORAZIU

Non ti scantari, ca nenti mi fa! Ci parru iu: sacciu chiddu ca ci haiu a diri! (*persuasivo*) — Ca metti ca in, ora, turnassi a' me' casa e 'u truvassi ddà, ccu me' mugghierì... Chi ci avissi a fari? Nenti, ora!... Si ci jeva arsira, sì, l'ammazzava e aveva tutta 'a ragiuni e tuttu 'u dirittu di fallu; ora non chiù. Ora nenti... Tali e quali iddu ccu mia... Non ti scantari, ca non po' fari e non po' diri nenti.

ANNA

(*tendendo l'orecchio verso l'uscio di camera*) — 'U picciriddu, 'u picciriddu chianci! (*corre in camera*).

SCENA II.

Orazin solo, poi Anna e Saru

ORAZIU

(*rimasto solo tentenna il capo con laido ghigno di amara soddisfazione e di acre veleno; poi si accosta pian piano alla finestra e l'apre, per respirare l'aria del mattino ormai chiaro. La bere a pieni polmoni, passandosi la mano sulla fronte e sui capelli, come per rinfrancarsi al refrigerio della frescura mattinata*). — Ah, bella jurnata ha' a essiri, chista, ppi mia!... (*sospira di soddisfazione, poi si sporge a guardare sulla strada e, poco dopo, arretra istintivamente, turbato, si frega le mani, come non vedesse l'ora di venire alla prova, si accosta all'uscio*

e, come se parlasse ad Anna). — Alluccà, alluccà!... Sta currennu dintra!

ANNA

(affacciandosi all'uscio, pallida, tremante, sgomenta). — Iddu!? Oh, Maria Santissima!

ORAZIU

(nervoso)—Mi vitti, mi vitti e sta currennu!... Cca è!... *(resta un po' come smarrito nel turbamento, indeciso sul da fare).*

ANNA

(tentando di tirarlo dentro) — Trasiti cca, trasiti cca, circati d'ammucciarivi!...

ORAZIU

(sostenendosi, si strappa dalle mani di lei, che lo tira, e con un riso nervoso, di sfida, ma pur di intenso turbamento) — No, ti dicu, ca nenti mi po' fari!

SARU

(precipitandosi sulla scena, pallido d' un pallore cadaverico, strarolto, e spianando il fucile contro Oraziu, gli grida, roco) — Nenti ti pozzu fari?

ORAZIU

(risoluto e deciso, facendosi avanti, con gran voce)—No, nenti!

SARU

T' ammazzu comu un cani! *(tira il grilletto e fa partire il colpo che rintrona sinistro nella stanza).*

ORAZIO

(colpito in pieno, si porta le mani al petto e stramazza, comprimendosi, senza dir verbo).

ANNA

(atterrita) — Ah, Saru, Saru, chi facisti?

SARU

(cadaverico, ma calmo, posando il fucile, ancora fumante sul tavolo) — Chiddu ca non sappi fari iddu, vilunazzu!... Aveva a veniri a' so' casa e aveva ad ammazzari comu un cani a mia, truvannumi dda, ccu so' mugghieri!... Iu 'u truvai cca, ccu tia e ammazzai ad iddu!

ANNA

Ma a mia, iddu.... chi c'entra?!... Ah, Saru, Saru, iu ppi tia, chi eridi? Ppi tia, ppi sarvari a tia!....

SARU

'U sacciu, zittiti, non parrari!... Chissa e, 'a me' forza e 'a me' ragioni!....

ANNA

Ragioni, e comu?... Tu ca veni di dda?... Ti cunsu- masti!... E iu haiu datu ppi nenti lu me' onuri!....

SARU

(afferrandola) — Ah, lu to' onuri, lu sai diri!... M' 'u sai diri 'nfacci c'hai datu lu to'... onuri?!... E ti pari nenti, chistu?

ANNA

Ma tu non ci avevi pigghiatu lu so'?... Iddu critti di fari pari e patta, parrava di vilanza, ca vosi mettiri 'm paru....

SARU

Ah, di vilanza, ti parran? Ah, si?... 'U stissu pisu avi, chiddu ca fici iddu e chiddu c' hain fattu iu?...

ANNA

Ma si, Saru miu, ppi la genti, ppi la genti!...

SARU

Quali genti? Davanti la giustizia ju mi nn' haju a jri!... Chi guardamu, 'u fattu... accussì, di fora? Iu mi misi ccu so' mughghieri, iddu si misi ccu 'a mia e semu a paru? E so' mughghieri a paru ccu tia, si po' mettiri? E chiddu chi fici iddu, 'nfamuni, ccu tia, ccu chiddu ch' ain fattu iu ccu so' mughghieri? S'avissiru a parrari cc' 'u spirdatu d' 'i setti stiddi, chissu!... Ccu Saru Mazza, hannu a parrari!... Chi parauni mi ponnu fari, 'i genti? Uca tu, ca si' 'na santa, e ddà ca c'è 'na cani di vanedda, ca cu' junci si la po' pigghiari?... Ah, di vilanza, pparamu? E chi hannu, 'u stissu pisu, chiddu c' hain fattu iu e chiddu ca fici iddu, cca? In c' haju statu trascinat u ppi li capiddi d' idda.... d' idda, ca a mia mancu ppi testa, mi passava!... E m' ha' cuntatu li passi e m' ha' vinutu a circari dintra, fora, a la stazioni mentri ca parteva, a tutti banni!... E m' ha' tiratu lu ciatu; e m' ha' vutatu li cirivedda, senza guar-

dari periculù!... Macari davanti ad iddu... (*guardando il cadavere, con aria di terrore e voce cavernosa*).... ca non la vidi chiù!...

ANNA

(*guardando il cadavere alla sua volta, si mette le mani nei capelli e sconsiura*) — Maria, Maria, Saru, scappatinni!....

SARU

(*c. s.*)—Aspetta, ca ti dicu chistu. Chistu ca non t' ha' a scurdari, ca è tuttu, ppi mia! (*piano, sottovoce, come se il morto potesse udire*) — Chi è, 'u stissu, ah? 'U stissu di chiddu ca fici iddu? Pensaci bonu: ca si nni vinni cca, friddu friddu (*additandolo, senza osare di guardarlo*), ccu 'ssa facci di Giuda, a mettiri a la turtura a tia, santa, e pigghiariti ccu la minaccia e lu terruri (*gli si volta, scuotendo le pugna sul cadavere*) — Una matri, vigliaccu! Ccu la so' criatura a latu, vigliaccu!... A la stissa vilanza ccu 'na cajorda, la vullissi mettiri?... Iu, ca sugnu schifiatu di li vasuna arraggiati di to' mughieri e tu, t'hannu a vidiri, assassinu, ccu la facci china di sgraggiuni di 'sta 'nfelici (*si accalora fino al massimo del furore e della disperazione*), ca custringisti ccu la forza, vigliaccu!....

ANNA

(*afferrandolo*)—Chi dici, Saru, ccu cu' parri?!... (*si ode il tramestio di passi per le scale e un vocio confuso*).... Zittu!.... Zittu!.... Acchiana genti!....

SARU

(che si è prima ritratto, confuso, dal cadare, scostandola) — Vo grapi!... Cea sugnu!... Non ti scantari, sugnu pruntu!... (incrocia le braccia e attende, con suprema aria di sfida. — Anna si arria alla comune).

SIPARIO.

CAPPIDDAZZU PAGA TUTTU

Commedia in tre atti

con le maschere di Pirandello e Martoglio

PERSONAGGI

DON NZULU VENTURA

50 anni; grigio; capelli piuttosto folti e lunghi; tutto raso; volto stanco, da malato; occhio vivacissimo; movimenti e gesti rapidi; tradisce di tanto in tanto come degli improvvisi arresti al cuore e al respiro. Veste alla buona. Parla, ora con umiltà, ora con bonaria indulgenza o fine arguzia, ma pure a tempo e a luogo, sa levarsi su tutti all'improvviso con grande e generosa fierezza, da dominatore.

DONNA PRÀZZITA CASSALONGA

sua cugina; 55 anni; donnone atticiato, dalla faccia rinfichita, gialliccia, itterica fin nelle labbra smorte. Affetta un fare e un parlare mellifluo, sotto al quale traspare aere e in continuo fermento il veleno accumulato in tanti anni di sterili aspirazioni e di voglie insoddisfatte. Veste con decoro e ricercatezza, ma all'antica, con sul capo una « spagnoletta » di merletto nero; mezziguanti di seta, e lenti con lunga catenina d'oro.

TIDDA SPINA

cugina di entrambi; 38 anni; simpatieissima, sanguigna, di una avvenenza non del tutto ancora svanita; occhi grandi, vivaci, provocanti; carattere buono per natura, ma ribelle, impulsivo, sempre pronto all'aggressione, fino ad apparire da forsennata, quantunque in principio faccia di tutto per dimostrarsi mansueto e accomodante. Veste abiti di taglio semplice, ma di colori accesi; porta anch'essa la spagnoletta, ma di merletto bianco; e calza con gusto, scarpette di coppale, con tacchetti alti su calzette rosse, fiammanti: ha nell'aria e nel vestire un che della sivigliana.

RACHILINA NISCEMI

nipote di donna Pràzzita; 20 anni; figurina esile, bionda, occhi languidi, colorito roseo, denti e unghie curatissimi, pettinatura bizzarra, con fiocchi e pettinesse; aria sentimentale, facile alla commozione; leggiadra; si lascia per natura indurre a innamorarsi di questo e di quello, ma senza malizia e un po' sospirosamente. Veste di chiaro, all'ultima moda, con cappellino a fiori.

DON LIDDU BELLE

24 anni; giovanotto elegantissimo, squisitamente curato nei modi e nel vestire, con un che di femminile non affettato, e senza scapito di una certa maschile furezza che sa usare all'occasione, come di chi nel pieno vigore della salute e nella spensierata indipendenza dei mezzi, sa di non dovere temer di niente e di nessuno.

DON NITTU SCAVU

28 anni; magro, pallido, stremenzito; senza mezzi e senza risorse, con nascosti eroici sacrificii, simula una eleganza ridicola, che tradisce pur non di meno la miseria.

DON IACU NACA

39 anni; robusto, spavaldo, spocchioso, parla con voce rotonda e gesto teatrale da mafioso; è però in fondo pauroso e calcolatore, sorretto solo da una grande improntitudine, pronta a calar le vele a ogni minaccia d'uragano. Veste con pacchiana eleganza, sovraccarico d'anelli e di ciondoli.

DON GASPARINU SÒLIMA

40 anni; magro; bilioso, nervosissimo e quindi irrequieto; gestisce e parla a scatti e a schizzi, tartagliando; ombroso, diffidente; diventa minaccioso e pericoloso appena si sente preso di fronte; veste compostamente, con sobria eleganza, da persona agiata.

BRASI NASCA

servo di don Nzulu; 40 anni; tozzo, semplicione, con faccia da scemo, e sguardo spento, che però s'illumina di tanto in tanto di sorniona e furbesca malizia; veste goffamente, e si muove con ondeggiamenti da pachiderma.

DON SCIAVERIE

sarto di provincia; 45 anni.

DONNA ROSULINA

sua moglie; 42 anni.

LE MASCHERE

CAPPIDAZZU PAGA TUTTI

enorme cappello a cupola dalle amplissime tesi rigide con nappe e fiocchi penduli, tutto nero; ampia cappa di seta nera, con largo bavero e lunghi fiocchi come sopra; maniche a sbuffi fermi nel polso con risvolti bianchi, smerlettati; la cappa è lunga fin sotto i ginocchi; calzoni alla francese, larghi alla coscia e stretti al tallone, con tasche davanti; panciotto di velluto nero alla maresciatta; ampio colletto innamato a svolti sul bavero della cappa e cravattone a svolazzo anch'esso nero, di crespo di Cama; scarpe a gondola di camoscio nero; borsa di seta di maglia, con bocca d'argento ad anello a molla, capace e rigonfia, pendente sotto il panciotto.

LA VECCHIA DI L'ACQUA

abito di lana color tabacca di Spagna, tutto a smotti guardati di gallone nero, lusingo, con guardintante; pellegrina di panno viola sulle spalle; parrucca grigiastra; occhiali a staffa; mezzai guanti, e un fiasco capace, tutto panciuto, dal collo a fungo, strettissimo: vi si legge da mezzo, a grossi caratteri neri: « Acqua ».

LA ZÌ VITTULA

abito, anch'esso con guardinfante, a liste trasversali rosse e bianche, le rosse il doppio più larghe delle bianche, senza gale, e tutto pendulo di code di gatto; parrucca nera; bottoni a occhi di gatto; fermagli a zampe unghiate; le braccia nude fino al gomito, e guanti bianchi fino al polso.

DONNA TINNINA

parrucca biondo-dorata, a lunghi boccoli; abito anch'esso a guardinfante, tutto a sbuffi, a gale, a trine, aereo, vaporoso; scarpine di seta dello stesso colore, e calze rosee; guanti di seta bianchi, lunghi fino al gomito; ventaglio di merletto; astuccio con fialette di sali, d'argento; una sciarpa di finissimo velo rossa sulle spalle.

DON NINNARU

giacca cortissima, attillata, di panno nero, di poco più lunga davanti, con gli orli gallonati di seta; grande fiore all'occhiello; fazzoletto di finissima batista, per metà fuori della tasca; calzoni chiari a tubo, larghi, a quadretti bianchi e neri, con larga banda nera; panciotto corto di velluto rosso-granato, a doppio petto e con larghi risvolti; camicia con merletti, allo sparato e ai polsi; cravatta nera a farfalla e colletto alto ad ali; mazzetta di ebano con pomo di avorio; scarpe alla francese, con tacchi alti, e tuba di media altezza con falde rigide.

DON SUCASIMULA

farsetto lustro, sorcigno, stretto alla vita, stretto e corto di maniche e molto accollato, con miserrimo bavero; panciotto di seta color nocciola che appare appena a due punte sotto il farsetto abbottonato; calzoni bianco-latte alla cavallerizza; mezze scarpe di coppale, un po' scorticate e ghette color nocciola; tuba alta a cono con falde tese strettissime; guanti d'un bianco-sporco, flettati di nero; colletto altissimo e cravattina nera, piccolissima;

bastoncino di canna spagnuola con testina di cane; occhiaietto (monocolo) cerchiato e con sostesto di finto oro, appeso ad una catenina anch' essa d' oro falso, fissato al bavero; fiore all' oechiello.

PEPPI NAPPA

calzoni strettissimi al ginocchio, che finiscono a campana, così ampia da nascondere quasi il piede; giacca larga e corta ampiamente scollata con largo bavero; il tutto di velluto olivigno; fazzoletto di seta rosso, fuori della tasca; cravatta svolazzante; colletto rivoltato alla marinara, e camicia di flanella chiara, con taschino sulla sinistra; il panciotto è sostituito da una larga fascia rossa a frangia, sotto la quale s' intravede il calcio di una grossa pistola; berretto a barca con code, pettinatore a fiaccagote, e coppie di fiammiferi di legno insellati nell' orecchio destro; enorme canna d' India, con manico di corno.

DON COLA MECCIU

parrucca di capelli neri, lunghi, a istrice; finanziaria stretta alla vita e lunghissima, con calzoni alla francese, il tutto di stoffa color acciaio, disegnata a scaglie; colletto altissimo, dritto; cravatta a punta, all' insù; cappello a stajo, sempre in una mano insieme con un ampio fazzoletto di seta gialla, nell' altra mano un ombrello verde, scarpe a punta con tacchi altissimi.

GIUFFÀ

calzoni aderentissimi fino al ginocchio, di fustagno turchino; amplissima giacca della stessa stoffa, con capacissime tasche imbottite, lunga fin quasi ai ginocchi; camiciona di tela grossolana, spettorata, calzettone di lana nera rivoltate alle ginocchia; zoccoli; berrettino tondo, senza falda e con nappa in cima; porta un sacco di tela d' Olanda, colmo e ricoperto di frasche; cammina con le gambe larghe.

Avvertenza: Per quanto gli autori abbiano segnate tutte le

battute delle singole scene più concertate, non che quelle intercalate dagli spettatori alla commediola del terzo atto, per la maggiore evidenza ed efficacia della rappresentazione, si affidano agli interpreti di questa commedia, ove occorra, fondano insieme queste battute, o altre ne aggiungano, con parsimonia e buon senso, laddove la scena sembri per avventura languire o il cambiamento del vestiario sia causa di non preveduti indugi.

ATTO PRIMO

La scena rappresenta un ampio salotto in casa di Don Nzulu, con la volta scompartita, in fondo, di tre archi, sostenuti da due colonne. — Arredo borghese, modesto e un po' antiquato. Comune a destra, uscio a sinistra e tre in fondo, uno per ogni arcata. — Destra e sinistra dello spettatore. — La scena è uguale per tutti e tre gli atti.

SCENA I.

D. Nzulu e Brasi, poi D.^a Pràzzita e Rachilina.

(don Nzulu è sdraiato su una greppina e sonnecchia agitandosi. Brasi in grembiule, con un piumaccio in mano, è intento a spolverare i mobili; si accosta alla greppina e spolvera anche i calzoni impolverati e le scarpe di D. Nzulu, che, dimenandosi, lo fa sobbalzare e poi ridere da scemo. Si ode il campanello d'ingresso, ed egli si ferma incerto, se debba o no togliersi il grembiule; poi se lo passa sotto il braccio e va. Rientra subito dopo, seguito dalle due donne, alle quali fa cenno di parlar piano perchè il padrone dorme).

BRASI

(pianissimo) — Chi fazzu, 'u chiamu ?.... ah ?.... 'u chiamu ?

DONNA PRAZZITA

No, Brasuzzu, lassalu ripusari.... Aspittamu.... Aschèttiti, Rachilina. Com' è, stancu ? stancu, è veru ? *(si*

appressa al dormiente in punta di piedi e lo osserva)—
 Si vidi, mischinu, ca è abbattutu.... Facci d'omu bonu,
 guarda, Rachilina. (*Rachilina si alza e fa per accostarsi
 anche lei in punta di piedi. Ma in questo mentre don
 Nzulu tira un forte ronfo che fa spaventare Brasi, il
 quale indietreggiando fa cadere un tavolinetto. Al rumo-
 re, don Nzulu si desta, stropicciandosi gli occhi e mera-
 vigliandosi della presenza di gente in casa sua*).

D. NZULU

Uh.... e chi fu ?.... Vui, cucina ?

DONNA PRAZZITA

Ab, Maria Santissima, cucinu, sugnu murtificata....
 'ssu babbu di Brasi ca fici serusciu....

BRASI

Iu ? 'U tavulinu !

DONNA PRAZZITA

Cci aviamu dittu : « zittu » n' 'o risbigghiari,

D. NZULU

No, babbu ca non m' arrisbigghiò prima, chi ce' en-
 tra ! (*notando la ragazza*) — Oh.... e cu' ce' è ? (*traso-
 gnato*) — Madonna mia !.... Cuncettina è chista !....

DONNA PRAZZITA

Vih! cucinu.... mi faciti arrizzari 'i carni.... (*accenna
 il segno della croce*) — 'U sacciu, è tali e quali sò
 matri....

D. NZULU

Spicciata la sant'arma!.... Rachilina si chiama, è veru?

DONNA PRAZZITA

Rachilina.

D. NZULU

(*la guarda, ammirando*) — Oh chi cosa granni!.... Ca veni cca, quantu ti vidu bona!... Non t' haju vistu mai, e ti canusciu, figghia! Bedda ca pari 'na cassata di Pasqua.... com'era tò matri.... Signuri mei.... signuri mei.... (*si stropiccia gli occhi*) — Chi fazzu dormu ancora o mi staiu sunnannu?

BRASI

(*mettendoglisi davanti*) — Non signuri.... arrisbigghiatu è vossia....

D. NZULU

(*scostandolo col braccio e rivolgendosi alla cugina*) — D' unni mi vinni tuttu 'stu beni oggi?

DONNA PRAZZITA

Ca già, pi daveru un sonnu v' avi a parìri, cucinu! Avi ca non ti videmu.... ca macari nn' 'u seurdamu....

D. NZULU

Eh, v' 'u putiti figurari! Si Rachilina m' avia parsu so' matri.... (*a Rachilina*) — Tu non eri maucu in mente Dei, figghia, l' urtima vota ca nni vittimu cu to' zia cca....

DONNA PRAZZITA

(*turbata e seccata dal ricordo*) — Acqua passata... Lassamu jri 'ssu discursu, cucinu.... Oramai....

D. NZULU

Eh sì.... Cu' cci pensa cchiù, a 'sti storiì antichi.... (*cambiando tono*) — Sugnu 'mmenzu a 'na gran firnucia, cucina, nni 'stu mumentu....

DONNA PRAZZITA

Già... mi diissiru ca siti tantu affannatu circannu casa. E pircchissu vinni.... pircchè avissi nn' occasioni.... (*insinuante, fissandolo, con un mezzo sorriso*) — Ma vui chi vi nni vuliti jri di cea pi daveru, doppu tant' anni?

D. NZULU

(*malinconicamente scherzoso*) — Ca.... mi pari ca l' avissi 'st' intenzioni.... (*facendo il gesto d' avviarsi all' altro mondo*) — di carriari a tunnu, cucina....

DONNA PRAZZITA

(*vivacemente, per protestare*) — Vah, chi diciti?... Ancora!... Ca dunca pircchè 'a iti circannu 'sta casa?

D. NZULU

Oh mamma mia, non mi nni parrati!.... 'U sacciu iu, comu mi sentu, e mi capitanu certi cosi, ca mancu 'nta li brunii d' un vecchiu spizziali! 'Na siccatura, cara cucina, ca non sacciu chi facissi pi daricella ad autri,

DONNA PRAZZITA

Si vi pozzu aiutari... eu tuttu lu cori!

D. NZULU

Pi daveru, cucina? *(la guarda negli occhi profondamente, con sardonica intenzione)* — Cereu mughghieri...

RACHILINA

(lo guarda stupita, sorpresa tra il riso e la meraviglia) — Cui, vossia? Si voli maritari?

DONNA PRAZZITA

Vab, chi vi nisceru 'i sensi?... Un pocu siti mortu, un pocu circati mughghieri... Sempri chiddu d' 'a 'nni-mina-vintura siti!

D. NZULU

(c. s.) — Ah, vi ricurdati eu' sugnu? Ppi daveru 'a cereu 'a mughghieri... e non sacciu a eu' baiu a pigghiari...

DONNA PRAZZITA

Pi ssa partita allura non vi pozzu dari nuddu aiutu...

D. NZULU

E pircià? Anzi vui, cucina, siti fatta apposta pi conchiudiri 'sti cosi!

DONNA PRAZZITA

Ma vui chi pi daveru diciti? Mughghieri circati?

D. NZULU

Mughghieri, mughghieri... ma non pi mia.

DONNA PRAZZITA

Ah, chissu voleva diri in.... (*guardando Brasi*) — E pi cui, allura?

BRASI

Chi si eridi ca è pi mia? Mai! Non mi vogghiu maritari....

D. NZULU

Zittiti, sceccu! Anzi tu fussi 'u megghiu partitu! (*alla cugina*) — Cei pinsati echiù a ddu nostru cucinu, ca partiu pi l' America tant'anni prima di mia?

DONNA PRAZZITA

Si.... accussì.... n' aria n' aria.... Mi pari....

D. NZULU

Josè (*pronunzia: Cos'è*)

DONNA PRAZZITA

Cu', iddu? E chi sacciu in?

D. NZULU

(*c. s.*) — Josè! Josè!

DONNA PRAZZITA

E di mia 'u vuliti sapiri? Ddocu vui, ca fustivu 'nsemi...

D. NZULU

(*sorridendo*) — No, no, cucina.... Josè, nomu! Si chiamava Josè... haiu 'u ritrattu ddà dintra...

DONNA PRAZZITA

Ah! ancora ascutava... Puteva capiri mai, iu? Di cca Peppi partiu...

BRASI

E chissu è: ca quannu unu parti sapi cos'è e po', quannu arriva, non si sapi com'è!

D. NZULU

Vattinni ddà banna, vasinnò ti fazzu a vidiri 'na cosa, ca quannu parti vidi cos'è e quannu t'arriva senti com'è (*poi voltandosi alla cugina*) Eh si... aviti ragiuni... iu 'u chiamava accussi, pircchè ddà Peppi, Pippinu cci dicinu Josè, capiti? a la spagnola... Dunca 'ssu cucinu Pepè morsi, sia paci all'anima sua!

DONNA PRAZZITA

Ah, morsi, mischinu?

D. NZULU

Si, mentri iu era ddà... E mi lassau un picciriddu... Paulu-Paulinu, vah!... tantu biddiechiu... ca l'avviai iu stissu... Mi custau tanti pinseri, e tanti dinari...

RACHILINA

Vih, 'nnuzzinteddu... e pircchè n' 'o purtau ccà cu vossia, quannu si nni turnò?

D. NZULU

Pircchè? Ca pircchè, quannu iu mi nni turnai, iddu era già grannuzzu... si avia fattu 'na pusizioni, e tirava già p' 'a sò strata...

DONNA PRAZZITA

E s' ha fattu avanti?

D. NZULU

Ah, si... avanti assai... Spertu, si vidia di nicu!
Vrazzu di mari... curaggiosu...

DONNA PRAZZITA

E a vui non v'ha pinsatu chiù, ah?

D. NZULU

A no... pircissu, eriatu, s'ha tinutu sempri in cur-
rispunnenza.

DONNA PRAZZITA

Chissu sulu? Doppu tuttu 'u beni ca cci facistivu a
di nicu?

D. NZULU

M' ha rispittatu sempri comu un patri! E chistu a
mia mi basta...

DONNA PRAZZITA

Eh già! Si soli diri: fa mali e pensaci! fa beni, e
scordatillu!

D. NZULU

Santi paroli, cucina! E ora, si non fussi ca mi sentu
accussì malatu e ca mi siddiu di tutti cosi... mi sta
dannu 'na prova di divuzioni e di fiducia, ca daveru
maneu un figghiu!

DONNA PRAZZITA

Ah! Haiu capitu!... 'A casa... 'a mugghieri... pi iddu hannu a serviri?

D. NZULU

(socchiudendo gli occhi, giungendo le mani e agitandole —
Vi persuaditi chi 'ncumbensa? chi gatti a pilari ca mi duna? Cu 'na cosa di cchiù...

DONNA PRAZZITA

Ca 'a voli bedda... mi persuadu... cu doti...

D. NZULU

No, ca chi diciti!... Chi nn'avi a fari chiddu d' 'a doti? Cridu ca passa 'u miliuni... *(controscena della vecchia)*

BRASI

(che frattando si è dato da fare per la stanza) — Napuliuni... napuliuni... *(fa il gesto relativo con le dita).*

D. NZULU

'N' autra, 'n' autra è la cosa gravi pi mia, ca mi duna di pinsari seriamenti e mi teni agitatu (e iu 'u capisciu, mischinu! quannu unu è ddà... sulu... abbannunatu!) si fissau ca si senti comu un arvuliddu trapiantatu fora via... e mi scrivi ca si voli « rinnestari al vecchju tronco » di la famigghia.

DONNA PRAZZITA

Ah, chi 'nt' 'a parintela 'a voli?

D. NZULU

Ca 'nnunca!... E iu, 'a viritati giusta, dati 'st' intenzioni — ca pi cuntu miu non l'approvu — mah, iddu avi stu spinnu di li parenti, e bona cci vegna! — data la sua età, datu tuttu, haiu pinsatu a la cucina Tidda. — Chi nni diciti?

DONNA PRAZZITA

(avrampa e si reprime subito, facendo la voce dolce e sorridendo stentatamente) — Vih, cucinu... ca chi diciti, povira Tidda! tantu affabili, criatura!... ma, si dimannati a mia... chi cci ha fari, 'u pani cottu?

D. NZULU

Pirchi? Vui, a iddu, quant'anni cci faciti?

DONNA PRAZZITA

Ca.... sicunnu chiddu c'aviti dittu vui — càrculu 'na quarantina...

D. NZULU

Precisamenti, quaranta.

DONNA PRAZZITA

E chi vi parinu, assai? Pi 'n' omu, 'nta lu ciuri!...

RACHILINA

(annoiata dal discorso che non la interessa, non sa come occuparsi, sfoglia un album, qualche giornale illustrato e sbuffa di tanto in tanto per gioco).

D. NZULU

Eh già!... sì!... vulennucci riflettiri... Poi, specialmente 'ss'americani, tutti raduti fin' e' gigghia... ca sau-

tanu comu tanti ariddi... e l'occhiu? l'occhiu vivu!...
musculatura d' accussì...

DONNA PRAZZITA

E pircchissu vi diu! Me' cucina Tidda... no p' affin-
nilla, criatura! ma trentott'anni non l'ha' a fari cchiù!...
'U sapiti comu si dici: « l'omu a vint'otto e la fim-
mina a diciaretto ». Pi unu di chissi, poi, accussì pri-
stanti! a differenza di deci anni non cci basta cchiù!...
cci nni voli una di vinti!...

D. NZULU

Ma 'ntantu... già... mi pareva ca...

DONNA PRAZZITA

(*sulle spine*) Pircchi, chi vi spiegastivu?

D. NZULU

No... ma... l'aspettu...

DONNA PRAZZITA

L'aspittati? Ah, già 'nfurmata è idda?

D. NZULU

No, pinseri miu...

DONNA PRAZZITA

Ah... (*friggendo*) Ca chi vuliti ca vi dicissi, cucinu?
'A viritati giusta, mi pari curiusu 'ssu matrimoniu, ca
dovissi succederi accussì... senza ca iddu 'a vidissi pri-
ma... senza diri si cci piaci o non cci piaci... L'occhi
soi, scusati, non sunnu l'occhi vostri...

D. NZULU

No, pìrchissu, iddu non cci vidi chi pi l'occhi mei...

DONNA PRAZZITA

Eh già, allura vui, subitu... si sapi!... 'u debbuli anticu... Sintiti a mia, ca è megghiu anchi pi vui: lassatilu arrivari e facitilu scegghiri cu l'occhi soi.

D. NZULU

Ca... cucina, si mi diciti accussì... vui ca sapiti e viditi cchiù di mia... Iu cchiù luntanu di ddocu non arrivu... (*ammiccandola, piano*) Chi aviti quarchi autra idea?

DONNA PRAZZITA

(*accennando di sottocchi alla nipote*) — Non pozzu parari ca haiu a diri missa...

D. NZULU

(*con un movimento di sorpresa*) — Vih!... E cu cci pinsava? (*volgendosi alla ragazza*) Rachilinedda, figghia... ca comu? nuantri nni stamu scurdannu di tia!... Chi bedda facci ca cci fa 'u ziu a 'sta niputedda, ca è 'na scocca di ciuri pi daveru... Ca lassiminni godiri di ssi biddizzi! (*ripete i soliti gesti d'ammirazione, poi, rivolto a Brasi*) Guarda chi fai: accompagnala 'nt' 'o giardinu, a me' niputedda, cci duni 'i forfici e si cogghi un mazzu di rosi a piaciri sò.

RACHILINA

(*balzando in piedi tutta contenta*) — Oh grazii, ziu! Si

si... 'I vittimu passannu e 'o dissimu: « Chi beddi rosi chi avi zu ziu!

D. NZULU

Tutti pi tia! Va, va, vo' cogghitilli!

RACHILINA

(va di corsa, battendo le mani, appresso a Brasi per uno degli usci di fondo).

SCENA II.

Donna Prazzita e D. Nzulu

D. NZULU

Pi mia, cucina Prazzita, Rachilina mancu esistiva...

DONNA PRAZZITA

Ca già... pi vui non esisteva autra ca 'a cucina Tidda! E francamenti, poi... mi pari curiusu, lassatimillu diri, ca vui... propriu vui, cci la prifirissivu ad autri!

D. NZULU

Acqua passata, cucina... Iti pinsannu cchiù a mia? 'N'autru munnu!... Lassamulu iri ssu discursu! Quantu a Rachilina, prima di tuttu, vi ripetu, ca pi mia mancu esisteva; e poi, una vota ca nni parrati, si vi parsi assai, vi ricordati?... la differenza d'età tra mia e Tidda; com'è ca ora cca cu Paulinu...

DONNA PRAZZITA

Iu?... Parrai d'età?... Chi mi diciti?... Quannu?

D. NZULU

Ca tannu, cucina! Ricurdativi bona!

DONNA PRAZZITA

Ab... forse pirc'hì Tidda... chi sacciu?... era ancora carusidda (*si ode il campanello d'ingresso*).

D. NZULU

No, no, cucina, iu cci pensu beni! Facistivu 'a quistioni di l'età, e facistivu bonu, di dda gran fimmina di munnu ca siti... Tantu ca mi pari curiusu ora, sensati, ca a vui ca vi parsiru assai 'i dudici anni di differenza tra mia e Tidda, non vi fannu cchiù impressioni 'i vinti tra Paulinu e Rachilina...

DONNA PRAZZITA

(*correbbe ribattere e sostenere le sue ragioni: ma Brasi, entrando, glielo impedisce*).

SCENA III.

Detti e Brasi, poi don Liddu e don Nittu,
indi Rachilina.

BRASI

Cei su' visiti!

D. NZULU

Visiti? Nni mia? E cu' su'?

BRASI

Li signuri don Liddu Bellè e don Nittu Scavu.

D. NZULU

(notando donna Prazzita contrariata) — Cui? *(alla cugina)* — Cucina, chi forsi 'sti signuri cercanu di vui? Pir-chi iu, francamenti, non cci haiu nudda servitù....

* DONNA PRAZZITA

No! di mia?... Non eridu... Conoscenti... sì...

D. NZULU

Cucina, cu mia putiti parvari... Chi forsi ce'e quarchi...

DONNA PRAZZITA

Chi?

D. NZULU

Chi sacciu? Cu Rachilina...

DONNA PRAZZITA

Vih! ca quannu mai! chi diciti? Rachilina?... Bianca comu la cira... 'Na bammina!

D. NZULU

E allura... pi 'cu' veninu?

DONNA PRAZZITA

E chi sacciu? Pi mia nn' 'i putiti mannari.

D. NZULU

Ma chi persuni su', scusati? Pirchè iu... sapiti, di 'ssi picciutteddi non conosciu echiù a nuddu...

DONNA PRAZZITA

Chi v' ha' à diri? Genti bona, pi 'ssa cosa, si... ma aciddazzi perdi-tempu....

D. NZULU

Ma su' galantomini? (*a Brasi*) — Falli passari (*Brasi via*).

DONNA PRAZZITA

Si... non pozzu diri o' contrariu... Unu è d' 'i Bellè, sapiti... voli fari 'u gadduzzu... 'i picciuli l' avi... ma cu' avi tantiechia di munnu, vui mi capiti... cu unu di ehissi divi stari cu l' occhi aperti.... L' antru si, mischinu.... pirsuna distinta, ma scarsu... va circannu d'arripizzarisi 'a caiella...

D. NZULU

Ah, ca boni, boni allura su'... mi piacinu...

DONNA PRAZZITA

Pi cui, cucinu?

D. NZULU

Sentu diri... si su' galantomini... Pi Paulinu. Veni cca, criaturi, ca non cunusci a nuddu... In sugnu un ursu... Accussi trova l' amici pronti (*vedendo apparire sulla comune i due gioranotti*) — Avanti, avanti, signuri mei!

DON LIDDU E DON NITTU

(*entrano sorridendo e cercano disillusi con gli occhi Rachelina che deve averli chiamati dal giardino, vedendoli passare*).

D. LIDDU

(perplesso e mezzo mortificato) — Scusi... forsi ce' è sbagliu....

D. NITTU

Non frasemu giusti? Ce' è paura, sbagghiamu porta?

D. LIDDU

No, si ce' è 'a signura Prazzita? *(Rachelina irrompe dall'uscio, per il quale è scesa in giardino sovraccarica di fiori, che con grande esultanza, ridendo come una matarella, comincia a gettare all'uno e all'altro dei giovani che ridono schermendosi e cercando d'afferrarla).*

RACHILINA

(cercando di colpirli coi fiori) — Cea!... cea! tinti cea!... Vi pari ca non vi vitti a viu! si... quannu mi tuccastivu ca virga!... E paru a viu, beddu spicchiu! tinti cea... vi vitti, si... ca v'ammucciannu attenti 'u muru! *(I due giovanotti seguitano la scena rirace a soggetto).*

DONNA PRAZZITA

(restando da prima interdetta e stordita, poi, friggendo per dominarsi e facendosi di mille colori) — Rachelina! Rachelina!... *(a don Nzulu)* — Ca è 'na picciriddazza! *(alla ragazza)* — Figghia mia!... figghia mia!

D. NZULU

(con intenzione, sorridendo) — Ca boni iddi si canuscinu...

D. LIDDU

(che è riuscito a ghermire a Rachelina una bellissima rosa bianca) — Chista è mia... no! chista è mia... e m' 'a mettu cca!

RACHILINA

(inseguendolo) — No, chista nenti! chista mi l' aviti a dari.

D. LIDDU

(tenendo la rosa alta con una mano, e con l' altra indicando la guancia) — Pi turnarivi chista, m' aviti a dari un vasuni cca!

DONNA PRAZZITA

(subito, severa, con un grido, quasi temendo che la ragazza glielo dia) — Rachilina!

RACHILINA

Ch'è babba vossia... chi fa, si scanta ca cci 'u dugu pi daveru?... 'Na timpulata cci pozzu dari! (a don Liddu, minacciandolo con la mano) — 'A vuliti? 'A vuliti?

D. NITTU

(presentando la guancia) — Cca a mia, cca a mia: ogni datu s'è pirdutu!

DONNA PRAZZITA

Signuri mei, signuri mei, ma chi è? Dicu macari pi rispettu di me' cucinu, ca è 'u patruni di casa.

D. NZULU

No, cucina! Ma chi diciti, pi mia? M' hain fattu lu cori tantu, a vidiri tutta 'st'alligria e tutta 'sta gio-
vintù!

D. LIDDU

(serio, garbato, ridando la rosa a Rachelina) — Avi ra-
giuni, 'a signura Pràzzita *(a don Nzulu)* — Nnautri cci
dumannamu scusa.

D. NITTU

E semu mortificati di l'ardiri ca nn'avemu pig-
ghiatu...

D. NZULU

Ma chi diciti? Vi ripetu ca m'aviti fattu un gran
piaciri... Vui siti D. Liddu Belle, è veru? Assittativi
cca, pregu... E vui, signor Scavu... D. Nittu, mi pari?...
cca banna... *(mentre don Nzulu fa i convenevoli coi due
giovani, donna Pràzzita con gli occhi fuori dell'orbita
s' accosta a Rachelina, la bistratta sotto sotto in silenzio,
la pizzica, la scuote)* — Cca... cca, D. Nittu... e a Ra-
chilina cca... unni si', niputi? Oh! E chi hai? Chi fu?

RACHILINA

*(sedendo dove le indica lo zio, con le lacrime agli occhi
e con voce di pianto, trangosciata)*—Ne... nenti... nenti...
*(scoppia in singhiozzi. Controparte vivacissima dei due
giovanotti che subito cavano i fazzoletti per asciugarle
le lacrime e confortarla a soggetto).*

D. NZULU

. Cucina, e chi fu? Chi cci facistivu... chi cci dicistivu a Rachilina?

DONNA PRAZZITA

Nenti, cucinu. La mortificai com'era di giustu! Pirchè non si fa accussì! Chi cci pari ch'è sempri picciridda? 'Na signurina tanta!.... Ma veramenti, idda, quannu mai? (*i due giovanotti si roltano un momento a guardarla con occhi sbarrati*). — Accussì seria sempri... Comu si s'avissi 'mbriacatu cu l'oduri di 'ssi rosi... Ca si non fussimu 'nta la parintela... cu sa chi cosa putissivu cridiri... (*mentre parla, nota che don Nzulu non stacca gli occhi dalla ragazza, la quale, sempre singhiozzando, ma come se ci provasse gusto, ora abbandona il capo sulla spalla dell'uno, ora su quella dell'altro dei due corteggiatori che si squagliano in tenerezze. Allora, volgendo lo sguardo e vedendo anch'essa questo spettacolo, inviperisce*)—Rachilina! Sùsiti di ddocu! E finemula cu 'sta commedia!

D. NZULU

Ma vah, cucina, vah!.... Lassatila stari, 'nnuzzintedda! Capiscu ca vui, fimmina di munnu, duviti essiri severa.... ma poi (*volgendosi alla nipote*) — Vaia, vaia, Rachilina.... Non c'è nenti, o ziu.... Basta, basta, ora... Ca comu? 'a prima visita, mi veni a chianci dintra? Divi ridiri, figghia! Vogghiu ca ridi... vogghiu ca ridi.... ca quannu ridi si' echiù bedda....

D. LIDDU

Ab, quannu ridi è la stella del paese!

RACHILINA

(alla fine sorridendo ancora tra le lacrime) — Stativi muti vui.... ca pi curpa vostra *(seguitano a parlare fra loro tre)*.

D. NZULU

(a parte alla cugina) — Cucina, iu vi capisciu a vui.... Da un cantu, da pirsuna assinnata, pinsati ca 'u partitu fussi seriu.... e seriu pi daveru!.... Ma di l' autru cantu — permettiti ora ca sugnu vecchiu macari iu, ca vi richiamassi a lu vostru sennu anticu — di l' autru cantu mi sta parennu ca.... sensati, l' interessi vi vulissi fari velu.... *(alludendo ai giovanotti)* — 'U stati vidennu? Vint' anni di differenza assai su'! Duvemu teniri cuntutu di li sentimenti di la giovintù!

DONNA PRAZZITA

Va beni, va beni.... ma 'sti frasculari Rachilina non l' ha' a fari cchiù, vasinno sugnu bona e cara, ma si nesciu l' ugnà....

D. NZULU

Lassatila iucari, picciridda è.... Livativillu 'stu pinseri d' 'a testa.... e lassati fari a mia....

DONNA PRAZZITA

Eh già! D' 'o momentu ca cci l'aviti ad aviri vui sulu 'ssu trafficu. Vi nni facistivu un monopoliu!

D. NZULU

(*sorridendo*) — Cucina, si mi livassivu 'sta cunfusionsi, vi ripetu, addumassi 'na torcia di se' parmi.....?

DONNA PRAZZITA

Nenti, cucinu, asentati a mia ca vi vogghiu beni....

D. NZULU

E chistu è veru!

DONNA PRAZZITA

Non ci criditi? Ca già.... doppu tant' anni ca non nni videmu, 'u sa chi v' hannu fattu cridiri di mia! Iu sula 'u sacciu quant'hau suffrutu 'nt' 'o me' cori.

D. NZULU

Cucina, ancora! Non cci pinsamu cchiù! Chi vulevnu diri, parrati....

DONNA PRAZZITA

Vuleva diri, 'ssa cunfusionsi non nni l'avemu a pigghiari nè in nè vui. Lassamulu veniri, e quannu veni, pensa iddu. (*sentenziosa e ammonitrice, volgendosi verso Rachelina*) — Pensa la cosa prima ca la fai, ca la cosa pinsata è bella assai! (*poi, cambiando tono, come riat-taccando un discorso alieno a cui possono partecipare anche i due estranei*) — Perciò, caru cucinu, comu vi diceva, cci fussi una bella cumminazioni ppi ebiddu ca iti circannu: 'na casa granni, ariusa, cu bagnu, giardinu, pirterra, chidda di Don Saru Pulvirenti!

D. NZULU

Eh si, cci aveva pinsatu!... Chi avi d' ora ca cercu ? Ma cu 'ssu binidittu cristianu di D. Saru non cci pozzu parrari, pìrchì 'na vota appimù 'na quistioni.

DONNA PRAZZITA

(dolcissima) — E cca, o cucinuzzu, non semu p' aiutarrici unu cu n' autru ? Ca ci vaiu iu !

D. NZULU

Ah ! bonu fussi, cucina ! *(ai giorinotti)* — Lor signori non sanno di chi si tratta.... Sta per arrivare.

RACHILINA

(prevenendo) — No, ziu, pi carità ! Cci l' haiu dittu iu di 'stu parenti *(sbuffa)* amiricanu, ca divi arrivari !

D. NZULU

(mentre Donna Prazzita fa gli occhiacci alla nipote) — Sì, ma non cci hai pututu diri ca siccomu Paulinu, criaturi, vinennu cca, non conosci a nuddu, avissi piaciri ca vuautri signuri, ca siti 'i giovinotti cchiù in vista d' 'u paisi, divintassivu subito amici soi...

D. LIDDU

Ah ! con tutto il piacere !

D. NITTU

Onoratissimo, caro D. Nzulu !

D. NZULU

Non sulu per le ore di svago, per lo sport, comu si dici, ca l' Americani cci teninu tantu.

D. LIDDU

S'è pìrchissu, lassati fari a mia ! Scherma, skating...

D. NZULU

Ma anchi per gli affari.... Ddà, 'u munnu ha statu tuttu sò; ma cca, non conuscennu l' impresi locali....

D. NITTU

E non cci sugnu iu ?

D. NZULU

Ah, vui macari d' affari vi 'ntinniti ?

D. NITTU

Pìrchì ? Forsi vidennumi.... vah, ca mi piaci marciari con un certo tratto.... eridi ca ? S' inganna, sa ? Iu sugnu di chiddi ca dorminu cu n' oechiu ! (*con sussiego*) — Mi dica un pò : — Chi capacità avi ?

D. NZULU

Mah.... chi vuliti ca vi dicissi ? I cunti 'nta sacchetta non cci l' baniu fattu mai.... Ma, accussì, a oechiu e cruci.... pozzu sbagghiari di picca.... eridu ca 'u miliuni 'u passa....

D. NITTU

Ah, di chissu si tratta ? !

D. LIDDU

Ah, allora.... un signore! Chi piaciri hainu ca veni!

RACHILINA

Uh, e allura riccu è!.... Un parenti milionariu pi daveru avemu? *(battendo le mani bambinescamente)* — Bellu! bellu! bellu! *(notando un'occhiataccia della zia, si fa subito seria)* — Ca macari in nu' hainu piaciri, pi daveru, oh!

DONNA PRAZZITA

Va, Rachilina, jamuninni, prechè stainu pinsannu, caru cucinu, ca 'u farmacista di dda 'nfacci si cci sta faccennu l'amuri cu 'sta casa di D. Saru... e non vurrissi ca... — megghiu cci vaju ora stissu e ci dugu 'a caparra.

D. NZULU

Cucina, tutta 'sta primura... Viditi ca 'a cucina Tidda macari cerca....

DONNA PRAZZITA

Idda cerca; in mi pari ca l'aiu truvatu! E 'a pigghiu subito! Pigghia prima, e pigghia ossu!

D. NZULU

A leggiu a leggiu, pi carità! Non vi pigghiati tanta responsabilità.... L'aviti dittu vui a mia, pìrmittiti ca ora 'u dicu iu a vui.... Viditi ca putiti fari nàsciri 'na rivoluzioni tra parenti.... trattannusi d'interessu....

DONNA PRAZZITA

Ah, 'u sacciu, ognunu nesci ò naturali.

D. NZULU

E putemu vidiri cosi turchi!

DONNA PRAZZITA

Ma mi pari ca vui, seusati....

D. NZULU

Ah, no, cucina! Iu a responsabilità m' 'a pigghiavu finu a un certu puntu. Paulinu conosci la condizioni di tutti 'i parenti, pircchè prima di turnari ha voluto esatti informazioni.

DONNA PRAZZITA

Ah! e cci l' aviti datu vui, 'st' informazioni? E chi nni sapiti vui, seusati, 'nfecatu sempri cca dintra?

D. NZULU

Cucina, vi dissi pocu fa (*a D. Nittu e a D. Liddu*)
— Seusati, signuri mei, si vi facemu assistiri a 'sti discursi di famiglia....

D. LIDDU

E nuautri putemu discurriri cca cu 'a signurina.

RACHILINA

Eh.... sì su' discursi di famiglia.... iu chi sugnu?
strania?

D. NZULU

E no, nenti, ho finito — Iu, cara cucina, informazioni boni pi tutti cci hain datu, comu vi dissi: ho fatto notare una sola differenza, chidda di la posizioni finanziaria di ognunu. Quannu iddu m' ha dittu ca p'aviri bona accoglienza da parti di tutti, ssi differenzi, ann'è ca sunnu, li voli correggiri.... mi capiti... assegni.... doti....

D. LIDDU

Ah, persona... grande, allora!

D. NITTU

No no, mi pari spertu!

DONNA PRAZZITA

Eh già, mmi assittamu tutti 'nta un vancu! Chi voli fari spargi-me domina?

D. NZULU

'U stati sintennu a D. Nittu ca 'u chiama spertu? Siccomu — non essennu turcu — non pò pigghiari autru chi 'na mughieri, pi non attirarisi l' inimicizia di tutti l'autri (*alla cugina che fa segni di diniego*) — l'aviti dittu vui stissa!.... li voli cuitari prima! Nu'avissi picca.... dici, beh! Nu'avi pi tutti, chi fa, mali?

D. NITTU

Benissimo!

D. LIDDU

Benissimo!

D. NITTU

'U sapiti ca mi sta facennu simpatia prima d'arrivari?

D. LIDDU

E chi a mia mi pari cent'anni c'arriva? (*ma, subito ripensandoci, preoccupato*) Ma... chi ha dittu ca si voli maritalari?

D. NZULU

Precisamenti, e con una della parentela — vedete? tanto più!

D. LIDDU

(*turbato*) Ah... d' 'a parintela?! (*guarda Rachelina*) E cu cui?

D. NITTU

E quant'anni avi?

D. NZULU

Mah... una quarantina...

D. LIDDU

(*sollevato*) Ah! Quarant'anni...

D. NITTU

(*c. s.*). Ancora maritalari.

DONNA PRAZZITA

Cei 'u putemu dari 'ssu pirmissu, è veru? Ah chi è? vecchiu sternu?

RACHILINA

(sprezzante) — Si avi quarant'anni...

DONNA PRAZZITA

(fulminandola con gli occhi) — Si avi quarant'anni?

RACHILINA

(correggendosi) — Non avi cchiù bisognu di pirmissu, vuleva diri (si ode il campanello d'ingresso. I due giovanotti si alzano, mentre Brasi va ad aprire).

D. LIDDU

Autri visiti avi vossia. Nuautri ni nni jemu, è veru, signura Prazzita? Si voli essiri accumpagnata?

DONNA PRAZZITA

No, grazii, non vi disturbati. Ora eca, nuautri parenti... vi persuaditi, avemu un pocu di tràficu...

D. NITTE

Allura, a rivederci i due giovanotti prendono commiato dalla vecchia e dalla ragazza un poco sconcertati. Poi si appressano a D. Nzulu per salutarlo.

D. NZULU

No, chi ce'entra! in v'accumpagnu (fa passare i due giovanotti e via con loro).

SCENA V.

Donna Prazzita e Rachilina

DONNA PRAZZITA

(piano, aere, aggressiva) — Ah, t'ha piaciutu di fari a fraschetta cu 'sti du' aimazzi, unu mortu di fami e l'autru 'npanna vaneddi?

RACHILINA

Chi successi? Prima vossia cci facià tanta facci?!

DONNA PRAZZITA

Ah, non lu capisci, vigilia ammucciata? Ah ch'è pinsari macari a tia? Non vidi ca chissu fa e sfa, scrivi, cummina, strullichia, comu s' 'u parenti fussi iddu sulu, comu si 'u sangu 'ncumuni cci l'avissi iddu sulu!

RACHILINA

(impronta e piagnucolosa insieme) — E allura, mentri ca voli ca haiu a sapiri sentiri tutti cosi, cci diem: chi sugnu iu? stuppagghiu di pila? M'ha piaciri pi forza ss' amiricanu? senza vidiri prima com'è e comu non è? com'è, biunnu? s'avi l'occhi di jattu per esempiu, vidissi ca a mia non mi piaci.

SCENA VI.

D. Nzulu, Donna Tidda, D. Iacu e dette

D. NZULU

(dall'interno) — Trasi, trasi, Tidda... 'A cucina Prazzita ce' è, cu Rachilina... Favuriti, don Iacu...

TIDDA

(*seguendo D. Nzulu e seguita da Iacu Naca, dolce, accomodante, va verso Pràzzita*) — Cucina Pràzzita, comu siti? Rachilinedda, figghia, ogni jornu cchiù bedda tu!

DONNA PRAZZITA

Bona, cucina, ringraziamu a Diu.

D. NZULU

Cucina Pràzzita, senza fari complimenti, ca cca a cucina Tidda vi scusa, vò jiti pi 'ssa casa...

DONNA PRAZZITA

Ca ora, cucinu! aspittati tantiechia! Mentri ca ce'è 'a cucina Tidda, 'n'autra parenti 'ntrinsica, ora ddocu ei voli... prima di jiriminni *(lo guarda con intenzione come per dirgli, tu vuoi mandarmi via, ma io non sono pane pei tuoi denti)* aspittati: vaiu p' 'a casa, ma mi piacissi prima, ca 'i parenti più 'mpurtanti fussimu tutti d'accordu... cosi seri su'! E giacchè semu cca *(guarda D. Iacu)* fussi bonu ca facissimu un picculu consigghiu... ma *(lo riguarda)* 'nfamigghia...

D. IACU

(*ridendo bonario*) — Lei mi guarda comu estraniu, signora donna Pràzzita, e in 'ntantu ho l' onuri di considerarmi della famiglia.

D. NZULU

(*stupito*) — Vui?

DONNA PRAZZITA

(*sorridendo*) — Eh.... sensati, di quali latu?

TIDDA

(*scherzosa*) — Di sciroccu e levanti, cucina! 'Nto un jornu di malu tempu.... a D. Iacu eca, tantu bonu, cci ficiru l'occhi....

D. NZULU

(*frastornato e contrariato*) — Fidanzati?

DONNA PRAZZITA

(*subito accorrendo a baciarla*) — Oh! chi cunsulazioni chi mi sta dannu, Tidduzza! Quantu ti vasu! quantu ti vasu ancora! (*a D. Iacu*) — Bravu, D. Iacu! Ca sicuru ca semu parenti allura! E vi pigghiati lu megghiu ebiovu di la nostra varca!

D. NZULU

E comu.... accussì, senza diri nenti a nuddu?

D. IACU

Perchè, D. Nzulu, chi cci dispiaci, a lei? Non sono persona per la quale?

D. NZULU

No.... chi ce' entra!.... non dicu.... È ca m'arriva così.... all' intrasatta....

TIDDA

E chi avia a pigghiari cunsigghi, cucinu? Già.... 'a picciridda: muzzica 'u jiriteddu.... Vecchia sugnu! E junta a vintitrì uri e tri quarti....

DONNA PRAZZITA

No, chissu non l' ha' a diri! Ancora, salaratu, si' 'na bannera!... Mi scantava in, ha' a diri, ca cci pirdèvi troppu tempu...

TIDDA

Don Iacu, cea, parro chiaru.... Cunveni a iddu, cunveni a mia....

DONNA PRAZZITA

Tutti santi e biniritti, chi ce' entra! *(colta a don Nzulu, trionfante)* — Vi persuaditi, ciccinn? Matrimonii e viscuvati, su' di 'ncellu destinati!... Vah, quantu vaiu pi 'ssa casa.... A nomu miu 'a pigghiu, cucinu, semu 'ntisi, 'na vota ca yui cci avistivu 'sta quistioni....

D. IACU

Quistioni? E cu cui, scusassi?

D., NZULU

Ah, nenti.... cu D. Sarn Pulvirenti.... 'u patruni d' 'a casa....

D. IACU

Cea cci sugnu in! Chi fa? Cei voli fari sfreggiu, 'ssu basalaecchiu? *(si alza trionfo)* — Iamuninni, zâ Prazzita, mi permetti ca 'a chiamu accussi?

DONNA PRAZZITA

Cei permettu? Cu tuttu lu cori! Oa va, allura bonu è, accumpagnatinni! Iamuninni, Rachilina.... *(a Tidda)*

salutandola) — Non ti scanti, è veru, ca ti l' arrubamu pi tanticchia? A rivederci, cucinu!

D. IACU

Allura, vossia mi permetti.... Po' diri ca è fatta: difficili ca mi facissiru 'na negativa a mia! (*a donna Tidda*) — Staiu turnannu! (*esce, seguendo le due donne*).

SCENA VII.

D. Nzulu e Donna Tidda.

D. NZULU

(*resta accasciato, perchè vede compromesso nel meglio tutto il suo giuoco. Donna Tidda interpreta questo accasciamento come un esacerbarsi dell' antica piaga dell' amore per lei*).

TIDDA

(*rimasta un po' indietro contempla don Nzulu accasciato, accenna il segno della croce con meraviglia dolente, poi gli si accosta e dice carezzevole con dolce mestizia*) — Cucinu.... ca pi daveru vi dispiacistivu tantu di 'ssu me' fidanzamentu....

D. NZULU

(*seduto, curvo con le braccia appoggiate sulle gambe a penzoloni, tentennando il capo cogli occhi socchiusi*) — Assai.... assai nni sugnu dispiacutu!

TIDDA

Pirchè? Ancora?

D. NZULU

No, ancora!.... Ora.... ora....

TIDDA

Ora?... E chi nni vuliti cchiù ora di mia? Cchiù suddisfazioni vostra e cchiù murtificazioni mia di chista?

D. NZULU

(balza in piedi adirato) — Sudisfazioni mia? 'A sudisfazioni cci 'a sta' dannu tu 'n' autra vota a chidda!

TIDDA

In? Pirchè?

D. NZULU

(afferrandola e parlandole occhi tra occhi) Pirchè? Pirchè approfittannu di 'stu caratteri to' di jattupardu 'mpignusu e priscialoru ca ti lassi 'nfruncicari e sati 'nta l'aria pi nenti d' un momentu all' autru, ti sta livannu 'n' autra vota la fortuna comu fici tannu *(scotendola)*. Pirchè in ti voleva beni cchiù di me' stissu e ti avissi fattu rigina di la me' casa e di lu me' cori!

TIDDA

(allibita, tremante, col pianto alla gola). — Cucinu... e pirchè... pirchè aviti aspittatu tantu a parrarimi accussì?

D. NZULU

(subito, riprendendosi, sconvolto, affannato, con una mano sul cuore, quasi temendo che gli voglia scoppiare, ansimando) — No... no... chi sta' capennu?... Pi mia? Iu un mortu sugnu ora... un mortu ca parra. Ma li morti abbriviscinu! E pi tia stava pinsannu!

TIDDA

Ma comu? cucinu... pi mia? iu non vi capisciu! C'ha-
iu fattu?

D. NZULU

Ti cunzumasti... cu 'stu fidanzamentu... ti cunzumasti, e guastasti 'n' antra vota tuttu chiddu ca iu vulia fari pi tia! E stai dannu saziu a ddà vecchia vilinusa!

TIDDA

Iu? Pirehì? Pi 'ssu fidanzamentu diciti? Ma iu 'nu statu, cucinu, iva circannu oramai, pi non morire sula 'nta 'n' agnuni! L'avissi fattu cu D. Gasparinu Solima c'avi tant'anni ca mi veni d'appressu, si non avissi statu chinu di gilusii e di faiddi, ca vui 'u canusciti...

D. NZULU

E megghiu chissu, quannu mai!

TIDDA

Megghiu, certu! ma si non si spiegava mai! Chissu si fici avanti... Cosa d'ieri è, chi vi pari? E si vi dispiaci tantu, cucinu beddu, cosa di cunvinienza è, chi

è p'amuri? Cei diu ca non mi cunveni cchiù e 'u mannu a fogghiu tridici...

D. NZULU

No, a mia m'ha' sapiri sentiri, mi dispiaci ca chissa, ca è la causa di la to' rovina, l'ha a aviri vinta 'n' altra vota: pi mia, ti fici allarmari pircchè aveva dudici anni cchiù di tia; e ora si discurri ca non su' cchiù nenti vint' anni.

TIDDA

(avrampando e saltando, aggressiva) — Chi 'u voli dari a Rachilina?

D. NZULU

Ca 'nunca! ca 'nunca! Mentri ca iu cci diceva c'avia pinsatu a tia, ca siti di la giusta età! E si l'ha 'ntroittatu ora, capisci? curriu a pigghiaricci a casa! Su' tutti cosi fatti pi idda.

TIDDA

(come punta dalle respe, perdendo il lume dagli occhi) — Ah, si? Di chistu si tratta? E vui cci l'aveuru dittu ca pinsavavu a mia?

D. NZULU

Ca comu! ca comu! E dissi ca eri bona pi faricci 'u pani cottu!

TIDDA

Iu? 'U pani cottu?

SCENA VIII.

D. IACU e detti.

D. IACU

(presentandosi sulla soglia) — Permessu?... Fatto!

D. NZULU

Daveru?

D. IACU

Eh, cu mia chi si scherza?... Da principiu D. Saru s' avia nutriatu, masticava tuttu: « ma », « qua », « là », « così », « colì ». Ma iu ivu e curti: 'u guardai 'ntrignu 'ntrignu e cci fici pigghiari 'a caparra.

TIDDA

Cei 'a dastivu vui?

D. IACU

No, idda.

TIDDA

Ab bellu sirvizzu facistivu! Pi fari chistu chi cc'era bisognu di tutta 'a vostra nutria? Quannu unu non sapi sentiri chiddu c'avi a fari, non divi pigghiari 'mprisi e non si divi fari avanti! Di 'ssi vostri arii nn'haju li vertuli chini! E mi facissivu un piaciri si non vi 'ntricassivu cchiù nni li cosi chi non v'apparteninu! *(rimettendosi tutta agitata la spagnoletta, rivolta a D. Nzulu)* — Ma chi vi pari ca finisci accussi, cucinu? chissa è casa ca idda non si l' ha a pigghiari!

E macari ca s' 'a pigghia cci ha a ristari pi cappata. Ora iu mi nni vaiu nni D. Gasparinu Solima e mi fazzu cuntrattari chidda di D. Matten Musumeci, so' cucinu!..

D. IACU

Vui? Nni D. Gasparinu? Chi faciti? (*le si para davanti minaccioso*).

TIDDA

(*tenendogli testa e scostandolo*) — Fazzu chiddu chi mi pari e piaci! E non mi viniti d'appressu, ca non hain bisognu di cumpagni di processioni, tantu pi sapillu! (*va via di furia, lasciando D. Iacu sbalordito e D. Nzulu che se la ride sotto sotto*).

SCENA IX.

D. Iacu e D. Nzulu

D. IACU

(*dopo breve scena muta; guardando arcigno D. Nzulu che sorride con dispettosa bonarietà come per placarlo*) — Ah, vui ci riditi? Ma iu non sugnu omu da subire un simile affronto! Chi ce' è, volta faccia? Complotto? Comu? nell'attu ca iu rendo un serviziu a costo di comprumettirimi, mi si gioca questo tiro alle spalle? E vui ci riditi ancora? (*battendo un pugno sul tavolo*) Mi nni rispunniti vui di la signurina donna Tidda!

D. NZULU

(*fingendo timore*) — Iu vi pregu, caru D. Iacu, di calmarivi un pocu. Mi veni di ridiri... sì, per la cosa in se stessa... vidennuvi accussì pigghiari focu comu un surfareddu... per una inezia...

D. IACU

Inezia? Comu, inezia? E la parola! il debito d'onore! Un impegno sacro!

D. NZULU

Non dicu di no... ma, in funnu in funnu, via... datu ca 'stu fidanzamentu non è ancora ufficiale... n' 'o sapi nuddu!

D. IACU

Caru D. Nzulu, vi facciu riflettiri ca 'n sacciu iu, e basta! E quando lo so io, è altro che ufficiale, è colonnello! Cea mi staiu sintennu 'i carti canciati 'nt'e' manu! E non putennuccinni dumannari cuntu a 'na fimmina, lu vogghiu di vui!

D. NZULU

(c. s.) — Iu non v'haiu offiso, caru D. Iacu! Me' cucina Tidda, forsi... Ma viditi chi è?... Semu un pocu stunati. Qua le cose sono cambiate dalla notte al giorno..... chiddu ca prima pareva nivuru, ora è jancu... Cei vulemu raggiunari un muminteddu? In America, si procede così...

D. IACU

Sì, ma cea non semu in America! semu in Sicilia!

D. NZULU

Pi 'n'autri vinti jorna, amicu miu! Ma fra un misi, 'stu paisi sarà americanu a tunnu!... 'U sapiti ca me' niputi torna cu dinari assai e sbrizziannuli di cca e di ddà, vuterà la facci a tuttu? Macari vui vi duviti cunfirmari...

D. IACU

Iu non votu facci mancu davanti a Carlumagnu!

D. NZULU

E va bonu... e va bonu... Non è quistioni di votari facci; è quistioni di ragionari! In America, o per dir megliu, all'americana — chi è 'u fidanzamentu? Anchi ufficiali... anchi colonnellu, comu diciti vui! all'americana, non si guarda neanche al matrimonio! Questioni di convenienza! A mia per esempiu, mi piace vostra moglie, vegnu, e vi dicu: Quantu costa?

D. IACU

E iu vi fazzu 'na fucunata cu 'na pistola d'arciuni ca pari un picciriddu, ca vi lassu pi spirdu unu'è ca siti misu!

D. NZULU

Pirchè siti... anzi, semu siciliani! Ma si lu vostru, per esempio, ha statu un matrimoniu di cunvinienza, chi cci appizzati a cèdiri 'a vostra mogghi? Novanta voti supra centu, vi livati 'na frazzata di supra: — « Quantu costa? ». Cei mittiti un prezzu, anchi d'affè-

zioni: centu, ducentu, tricentu mila: « Se la prende! ». Faciti divorziu: arrifriscati vui, arrifrisca idda, mi 'nfureu iu, e bona notti!

D. IACU

E il punto d'onore?!

D. NZULU

Questioni di prezzu! Cei l'includete nella somma, e faciti tuttu un forfait! (*giunge le mani e le agita in atto commiserativo*) Ca caru don Iacu!... 'Stu fidanzamentu cu me' cucina era di cunvinienza — mi l'ha dittu idda stissa ora ora.

D. IACU

Si.... in fondo.... non negu; ma....

D. NZULU

Non ce' è ma.... vi l'haiu dittu !.... Vui, rinunzian-
nucci, rinniti un serviziu a me' niputi, e me' niputi si
disobbliga (*gesto dignitoso di D. Iacu*). — Pi forza!
O vuliti o non vuliti! Vui diciti: « Non veggheu! non
voggheu! » E chiddu voli pi forza — chi cei faciti?
Si disobbliga pi forza! Ma dici: « Chi è che lo informa
dello stato delle cose? ». Vui, forse? — Chi ce' entra!
Parlo io! (*guardandolo negli occhi, mentre D. Iacu ap-
pare quasi rimesso*) — E a cunti fatti: — Siti omu di
maritarivi vui?

D. IACU

Eh già... Non mi ponnu diri: « Chi su' beddi 'ss' oc-
chi... ».

D. NZULU

E cu 'na fimmina comu a me' cucina! 'A vogghiu beni; ma Diu nni scanza!

D. IACU

Ab, cu mia, o si modificava....

D. NZULU

O finiva tinta! Dunca m'aviti a ringraziari ca vi la fazzu finiri bona prima di cuminciari...

D. IACU

Ah comu! accussi di bonu a bonu?

D. NZULU

Ah santu nomu di Diu, ca e' hainu parlatu tureu? *(prendendogli una mano e stringendogliela tra le sue)* — Cei siamo intesi! Resterete contento di me!

D. IACU

Pirchè è lei, omu anzianu!... E pirchè iu sugnu omu di cori, e non vogghiu fari perdiri 'a fortuna a nuddu...

D. NZULU

Eccu una parola di cavaleri anticu!

D. IACU

Ah sempri iu sugnu, don Nzulu! *(si ode il campanello d'ingresso)* Bciamu li manu! *(egli stringe la mano vigorosamente come per concludere un fatto solenne e va via).*

SCENA X.

D. Nzulu, Brasi e D. Gasparinu

BRASI

Il signor D. Gasparinu Sòlima! *(lo introduce)*.

D. GASPARINU

(che ha incontrato nell' ingresso Iacu Naca, entra con un occhio a questo e l'altro a D. Nzulu — titubante, costernato, scontento, diffidente e irascibile — tartagliando).
Bon giurnu... *(resta in piedi e col cappello in mano che tormenta nelle falde)*.

D. NZULU

Bon giurnu, caru D. Gasparinu! Comu va? Macari vui? Pusati 'u cappeddu... assittativi... *(Brasi gli accosta una sedia)*.

D. GASPARINU

Grazii!... Non m'assettu...

D. NZULU

Ma... seusati, circati a mia o a quareunu ddà banna?

D. GASPARINU

(smettendo di guardare di là) — Non cercu a nuddu!

D. NZULU

Ah... e allura, pìrchì vinistivu?

D. GASPARINU

Si vi dispiaci, mi nni staju jennu!

D. NZULU

No! e pìrchì m'avi a dispiaciri? Anzi! (*con un sorrisetto malizioso e accostandoglisi con le mani avanti come per palpeggiarlo*) Si virzuru prima!...

D. GASPARINU

(*arretrandosi e imberendosi tutto*) — Non mi faciti 'sti gesti, a mia, ca mi veni l'irritazioni!

D. NZULU

(*canzonatorio*) — No! l'irritazioni vi veni, pìrchì non la trovastivu!

D. GASPARINU

A cui? Vi dissi ca non cercu a nuddu!

D. NZULU

(*c. s.*) — Vaia, ora! D. Gasparinu, sintiti... un consighiu d'amicu. Ittativi, pìrchì, si cci pirditi tempu, cc'è quareunu ca si jetta prima di vui.

D. GASPARINU

Ora a mia, 'ssi discursi accussi 'mpidugghiati, non mi piacinu! Di cu' sintiti parrari?

D. NZULU

Ca di me' cucina Tidda, don Gasparinu! Pi forza a mia mi l'avistivu a fari diri?

D. GASPARINU

E vui putiti diri chiddu ca vi pari e piaci! Iu non haiu parratu, e mancu parru!

D. NZULU

E mentri vui vi stati mutu, D. Iacu Naca si sta facennu sutta di mala manera!

D. GASPARINU

A mia non mi 'mporta nenti di 'ssu vastasu di cozzu e di chissa ddocu, eu tuttu ca vi veni cucina!

D. NZULU

Ah! Allora quann' è chissu.... A mia m' avia fattu l' impressioni, pi dirivi a virità, ca eravu irritatu pirchè l' aveuru vistu 'nsemi....

D. GASPARINU

A cui?

D. NZULU

A me' cucina e a D. Iacu, ca l'accompagna sempri!.... Basta. Parramu d' autru. Dicitimi in che cosa vi posso servire....

D. GASPARINU

Iu, pi sapillu, non vi diu nenti! Anzi, no! Vi diu 'na cosa sula, ca è chista: Primisi primisi, ca non haiu avutu mai nudda 'ntenzioni e non m' ha passatu mancu pi lu circicoppulu di la testa! E pozza pozza.... eu 'na cosa di chissi, santu diascacci e diantanuni, sugnu bonu e sugnu 'capaci di scunzari ogni cosa, una vota pi sempri! (*si caccia il cappello in testa, e se ne va sbuffando*) — Vo' facitivi benediciri!

SCENA XI.

D. Nzulu e Brasi.

(entrambi seguono don Gasparino fino alla comune. Poi si guardano in faccia).

BRASI

(con aria arguta) — Scusassi, patruni: chi professioni facia vossia all' America ?

D. NZULU

Iu ? Stampava pupi !

BRASI

Di pezza ?

D. NZULU

Di carni ! Cei sucava lu civu di la midudda, lu funnu di lu stomacu, e poi li 'mpicava comu li zazzamiti !

BRASI

E mi l' àva persuadutu iu.... 'O maniarì d' 'a palitta, si vidi ca nni gratta....

D. NZULU

(guardandolo fiso) — E tu si' 'u babbu ?

BRASI

(ridendo da scemo) — Pirchì ?

D. NZULU

(lo agguanta per il petto) — Auh! (gli fa cenno col dito di tacere. Si riode il campanello d' ingresso).

BRASI

(dopo aver messo la mano sul petto, come per dire « confidi » s'avvia verso la comune per aprire).

D. NZULU

Brasi! *(Brasi si ferma, si volta e lo guarda) — Non cci sugnu cchiù pi nuddu!*

Tela.

ATTO SECONDO

SCENA I.

**D. Prazzita, Rachilina, D. Liddu, D. Nittu,
D. Tidida, Don Iacu, D. Gasparinu e Brasi.**

(i primi tre siedono sulla sinistra della scena; gli altri sulla destra, meno D. Nittu e Brasi, che stanno in piedi tra i due gruppi, un po' appressandosi all'uno un po' all'altro in controsenso, appena essi accennano di venire a lite. I due gruppi si guardano con diffidenza e sbuffano, D. Gasparino caccia mosche irosamente e frigge di continuo).

DONNA PRAZZITA

(dopo brece scena muta, dolcemente al serro) — Guarda chi fai, Brasuzzu.... Si fa tardu pi mia.... è megghiu ca mi nni vaiu, iu.... Si mi vo' iri a pigghiari chiddu chi sai....

BRASI

Chi voli 'u ritrattu?

DONNA TIDIDA

(scattando in piedi, subito imitata da D. Gasparino che sibila) — Chi? 'U ritrattu? Quali ritrattu? *(tirando Brasi forte per la giacca)* — Aspetta, non ti pàrtiri!

DONNA PRAZZITA

(come una che, sapendo con chi ha da fare, non vorrebbe venire subito ai ferri corti) — Ah chi? macari ddocu ti voi attaccari? 'nta 'ssu ritrattu vecchiu?

TIDDA

A tutti banni m' attaccu iu, pi sapillu! E non vi faciti 'ssa vucca ammilata, ca ora vi sacciu cu' siti! Ah, iu m' attaccu? Vui ca faciti cafolà sutta sutta e chiantati rampini pi scavarcari mura lisci! Vi sacciu cu' siti! Ca m' avvulinastivu la vita!... Ma cosa di 'na vota ponnu èssiri! 'Sta vota la scacciati fràcita! Vi fazzu manciari li vùvita cu lu sali!

DONNA PRAZZITA

Ti lassu parrari, figghia.... Sugnu fimmina granni.... Chi pozzu aviri 'ssa valia chi hai tu?

TIDDA

Ah, valia haiu! Finiu ca sugnu chidda d' 'u pani cottu? *(le si fa quasi addosso)*.

D. LIDDU

(si alza per trattenerla garbatamente) — Signorina.... signorina....

D. IACU

(a D. Prazzita, che vedendosi minacciata s' alza anche essa) — Signora.... signora.... no.... s' assittassi.

DONNA PRAZZITA

Di mia v' allarmati, caru D. Iacu? Iu dumannai 'ssu ritrattu pi iriminni e livaricci l' acqua.... Fimmina di paci, sugnu....

TIDDA

Già! Fimmina di paci! c' 'a pistola di sutta! Si voli aggranfari tuttu cosi idda! Cu' eci 'u dissi di 'ssa 'mpruvisata ca ci vulia fari stasira a Paulinu, di faricci truvare a so' patri bellu appisu 'nt' o' centru d' 'u salottu?

D. GASPARINU

Sentu diri certi cosi strammi ca mi fannu urtari 'i nervi!

TIDDA

Chi è ca chiechiati vu' 'n' autru?

D. GASPARINU

Già.... appisu 'nt' o' salottu! Comu, 'nfureatu?

DONNA PRAZZITA

'Mpruvisata!.... Comu, figghia, si haiu 'a curnici già fatta: sissanta pi novanta.... Brasi, vo' pigghiala....

TIDDA

Si si, vo' pigghiacella, Brasi! A idda eci arresta 'a curnici, e iu mi pigghiu 'u ritrattu! Nni mia ha a scurari stasira, 'nt' 'a so' casa! (*Brasi via*).

DONNA PRAZZITA

Ca chissu.... ah, s' avi a vidiri ancora! 'A casa ca pigghiai iu, fu pigghiata cu 'u cunsensu di tutti, e nuddu cca—si 'i carti non su' canciati — 'u po' nigari.

D. GASPARINU

Iu non sacciu nenti! E pi mia non ce' è nè canciata, nè scanciata!

TIDDA

Sicuru! 'A casa di D. Saru Pulvirenti! Ddu sfun-neriu vecchiu ca mancu è bona pi stadda! A vera casa digna d' iddu è chidda ca cci pigghiai iu, pi sapillu: 'nt' o' palazzu di D. Matten Musumeci!

D. GASPARINU

Me' cucinu!

TIDDA

Pianu nobili, quinnici cammiri, tri entrati, dui pir-terra, gallaria e giardinu pènsili, villetta cu sidili a umbrella, vasca cu pisci di centu culuri e 'u sgricciu 'nt' o' menzu, pirgulatu di muscatidduni e zibibbu di Palermu longu dudici canni, bersò di rosi e gersumini, statui, grasti scurpiti, tavulini di marmu e di ferru, magnolia 'ncentru ca sturdisci un quarteri, tuberosi, garofali, gardenii, rosi napuliuni, ognuna tanta, e pon-sò ca parinu niisciuti d' 'u cosaduciaru... Puddaru, cu-nigghiera, palummera.

DONNA PRAZZITA

Ca già... l'arca di Noè...

D. GASPARINU

Casa di signori!

TIDDA

▲ 'nvidiazza 'a fa parrari! Un paradisu!

RACHILINA

Zia, iamuninni, Maria Santissima, vossia cci perdi di dignità, scusassi.

TIDDA

Oh, pispisedda, non parrari masticata, ca tu cu mia parri! T' 'u sintisti 'ntroitari l'americanu, è veru, iat-taredda morta? Non fa nenti s'è tignusu! non fa nenti si si vavia... abbasta ca cci 'u livamu a 'n' altra, è veru? Non ti veni fatta! non ti veni fatta! Inutili c'aggiarni! inutili ca ti fa' pigghiari 'u virticchiu!

D. LIDDU

(vedendo quasi mancare Rachilina, severo).— Ma scusi! Che modo è questo! Mi pari ca 'a signurina non ha dittu nenti ca putissi offenderla!

TIDDA

Cu' siti vui? cu' vi cci 'mmisca?

D. IACU

Chi è? chi fu? chi trasi genti fora tracchiu? Lassamu parrari 'i fimmini tra d' iddi e non cunfunnemu 'u bistiami!

D. LIDDU

(*facendoglisi avanti, minaccioso*). — Sintiti, 'u paragoni forse calza pi vui, ma pi mia, no! Pirehì o' bestiami cci putiti apparteniri vui sulu. (*D. Iacu si lancia come un leone, urtando ad arte contro D. Nittu per farsene schermo*).

D. NITTU

(*trattenendolo, mentre Brasi trattiene D. Liddu, forte*)— Per carità, signor D. Iacu! Per carità! (*poi piano*). Non nni vali la pena.

D. IACU

(*notando che D. Liddu è ben trattenuto da Brasi, con un urlo leonino*). Vah, livativi di ddocu! (*con una bracciata lo scosta e poi fissa accigliato D. Liddu che non solo sostiene lo sguardo ma lo sberteggia con un sorriso di sfida*).—Nni truvamu 'nprisenza di fimmini, e vui mi 'nsignati... anzi, iu vi 'nsignu!

TIDDA

(*interrompendolo*).—Vah, finitila! Non nni faciti ridiri!

D. GASPARINU

Ridiri? A mia mi sta vinennu l'irritazioni!

D. IACU

No, permettiti: non è cosa ca po' finiri accussì, chi-sta! Cca D. Liddu m' ha pistatu un itu, e si non mi dimanna seusa, avi l'obbligu d' attaccarimicci un faz-zulettu.

D. LIDDU

Vi cci attaccu macari un cuddaru c' 'a ciancianedda, si vi fa piaciri ! (i due fanno per lanciarsi di nuovo, sempre trattenuti).

G. GASPARINU

Mi pari ca mi pigghiau ! (con le mani in tasca, agita la giacca come per costringersi a non menarle).

RACHILINA

(sentendosi venir meno).—Oh Diu Diu... Maria, zia... zia mia... mi sentu 'na cosa... mi manca... mi manca l'aria... Diu... Diu....

DONNA PRAZZITA

(schizzando alla fine fuoco e veleno dagli occhi, a Tidda e a D. Iacu).—Ragiuuni aviti ! (poi, alla nipote). Chi ti senti, figghia ? chi ti senti ? (la sostiene, aiutata da D. Liddu e da D. Nittu).

D. IACU

(a D. Liddu, approfittando nel vederlo occupato a sorreggere la ragazza, gli mette una mano sulla spalla). — Riceverete persone !

D. LIDDU

(guardandolo con sprezzo).—Di cui ? di vui ? (Rachelina udendo queste parole ha un singulto e sviene del tutto).

DONNA PRAZZITA

Vi, vih, cori miu ! Cei ficiru pigghiaru un surtu, 'sti scialarati !

D. GASPARINU

Mittitici nomu e cugnomu, pirchè, si mi siddiu iu, toccu famigghi!

DONNA PRAZZITA

Idda ca è accussì suscettibili! Un pocu d'acitu! Brasi, curri! Un pocu d'acitu!

TIDDA

Ca stuppativi vui, ca mmi siti china! di chiddu di li setti latrì.

SCENA II.

D. Nzulu e detti

BRASI

(mentre Brasi corre verso la comune, s'imbatte in D. Nzulu che entra) — Oh, arrivau! Allu cca! Cci ha statu missa cantata, e ora *(additandogli la ragazza svenuta)* ce'è 'u Signuri espostu!

D. NZULU

(accorrendo) — Oh! E chi fu?... Rachilina!... Chi fu, cucina Prazzita?

DONNA PRAZZITA

(lo guarda con occhi torvi e urla) — L'acitu!

D. NZULU

(volgendosi dall'altro lato) — Tidda... parra tu!

TIDDA

(voltandogli le spalle) — Affari vostri sunnu !

D. NZULU

(a D. Liddu) — Ma chi fu ?

D. LIDDU

(intento alla ragazza) — 'U sta vidennu, mi pari !

D. NZULU

(guarda D. Iacu interrogandolo con gli occhi.

D. IACU

Non finisci bona ! Matematicu !

D. NZULU

(c. s.) — Don Gasparinu !

D. GASPARINU

(arruffandosi tutto) — Santu diascacci e diantanuni ! Chi macari a vui haiu a sentiri ?

D. NZULU

(seccato) — Ma 'nsumma ! 'U pozzu sapiri chi sta succidennu 'nt' 'a me' casa ?

D. NITTU

Nenti, signor D. Nzulu... un piccolo disturbo... causatu...

TIDDA

Quali disturbu ! Smorfii ! Non mi tuccati ca mi scozzulu !

D. LIDDU

Ma signora... ma signorina... è la seconda volta!

TIDDA

Ma 'nsumma, chi voli chistu?

D. IACU

Voli essiri muzzicatu, pircchè pi la secunna vota sta stuzzicannu lu cani ca dormi!

DONNA PRAZZITA

Mi maravigghiu di vui, cucinu! Mi maravigghiu di vui, ca 'ncasa vostra riceviti li cani e li gatti!... 'Na gatta comu chista e un cani... ca si l'ha dittu iddu stissu ca è cani!

D. NZULU

Ma carissima cucina! O cani o gatti, tutti parenti mi siti!

DONNA PRAZZITA

Ah no, seusati! Nni stati facennu divintari vui cani e gatti cu lu vostru gustu e lu vostru piaciri, vo' circati pircchè!

D. NZULU

Iu, cucina! No! L'ossu vi cci sta facennu divintari, pircchè sta vota è duru a lu spurpari!

TIDDA

Già! E li denti non su' cchiù chiddi di 'na vota!

D. NZULU

Zittiti, tu! Ca su' boni li toi, denti di cagnulazzu e' addenticannu lu saittuni pi lu gustu di muzzicari e po' lu lassanu 'nvalia di la vurpi!... Mi dispiaci cea pi Rachilina *(carezzando la ragazza e dandole buffetti mentre Donna Prazzita le spruzza aceto in faccia e Brasi le fa vento con le palme aperte)* Oh 'sta nicaredda... 'sta nicaredda mia... coraggiu... e chi fu? accussi... grapemu l'occhi... oh, ridemu... ridemu ca chisti cosi di ridiri su'... Facemula assittari cea... d'accussi...

DONNA PRAZZITA

Ah chi scantu ca mi facisti pigghiari, figghia mia! *(irata)* Susiti, susiti e iamuninni! Cea è un miraculu si non cei appizzamu 'a vita! Così di galera! *(è come D. Nzulu le si appressa, premuroso)* Ah, gnurno, livativi... Risparmiatavilla, cucinu, tutta 'ssa premura... cu 'stu beddu ghiommuru ca aviti dintra.

D. NZULU

Ah, cu mia, sparti, v' 'a pigghiati? Vi staju truvannu tutti cea riuniti, senza sapiri pirchi e pi comu!

DONNA PRAZZITA

Ah, non sapiti pirchi e pi comu? Doppu c'aviti fattu l'uffiziu d' 'u diavulu? A casa pronta è! Unn'è ca ha securari stasira 'stu galantomu c'arriva? Chi n' 'a pigghiai cu 'u vostru cunsensu 'sta casa? chi n' 'o sapeva macari idda? iu non haiu fattu nenti ammucciuni, ca non è custumi miu!

TIDDA

Ca comu? ca chi cc'entra! Tuttu cosi a lustru di suli faciti vui, comu 'i fuani!

DONNA PRAZZITA

'U po' nigari? non eri presenti tu stissa cca, quandu dicisti ca eri zita cu 'stu me' signuri? E vui, signor D. Iacu, non mi vinistivu a aiutari a pigghiari 'a casa? Tuttu 'nsemula, 'nt' a un vidiri e svidiri, abbulau 'stu matrimoniu e t' arrivinni la raggia di l' americanu?... Ma iddu certu appi a essiri, ca ti lu misi 'ntesta!

TIDDA

No, cori miu, iddu, cci l'aveva di prima, iddu, 'ntesta e vi l'aveva dittu, e vui ittastivu 'n' autra vota lu ni-vuru comu la siccia! Ma du' voti 'u stissu iocu non veni 'mparu! E iu fici chiddu ca fici pi scunsarivi li iaccola, pìrchì non sugnu cchiù dda cunigghiedda di 'na vota! E si iddu ora davanti a vui non sapi par-rari cchiù comu parran cu mia, 'i me' ragioni mi li sustegnu iu stissa, ca m'abbasta l'armu, o voli o non voli, pìrchì si si voli tirari 'nn' arreri iddu, non mi cci vogghiu tirari cchiù iu!

D. NZULU

Signuri mei, io non vogghiu e non svogghiu, pìrchì non tocca a mia a vuliri e a svuliri! Siti vuantri ca aviti fattu manichi e quartari! Iu era ittatu cca, sid-diatu di 'ssa petra di l'aria chi m'avia arrivatu. Vi-

nistivu, sintistivu, avvampastivu pi 'st' americanu e' avia arrivari, eu curriu di eea, eu curriu di ddà, mi stunastivu, mi sturdistivu, mi 'mbriacastivu. Chi v' avia a diri? Vi avia a attaccari?

DONNA PRAZZITA

(*per scoppiare*) — E allura chi sintiti diri, chi non vultiti dari ragiuni a nuddu? Ma comu? du' casi?

D. LIDDU

Du' casi sulì, signura? E chi su' 'i casi? Mi pari ca 'i cosi a dui e macari a tri, assai eea si ficiru! Non è giuoco pulitu! (*guardando a D. Iacu*) — Matrimonii ca si cumminanu e si scumminanu....

DONNA PRAZZITA

Già!

D. LIDDU

No! Dicu macari a lei, signora! Chi sacciu (*fa per andarsene*).

D. IACU

Vi nni jiti? Aspettate! Ho da diri anch'io qua specialmente a chiddi ca s' hannu sguazzatu la vucca — che Iacu Naca, in tutto questo, ha fatto una parte di generosità, e sì, all'urtimu, del diciannove s' è fattu sessantuno, 'a curpa è d' un vecchiu e d' una fimmina, a li quali non pozzu dimannari soddisfazioni. Ve ne potete andare voi, e non vi scurdati ca riceverete visite!

D. LIDDU

(che durante questo discorso s'è avvicinato alla comune, torna indietro pian piano e posando calmo e fermo una mano sulla spalla di D. Iacu che non osa respingerlo) —
 Mi mi vaiu, ma.... vui non mannati a nuddu !

D. IACU

*(guarda fieramente in giro) — Con permesso, signori...
 (va via risolutamente di fretta, seguito da D. Liddu che se ne va invece lentamente sogghignando forte).*

SCENA III.

Dètti, meno D. Liddu e D. Iacu.

D. GASPARINU

Meno mali ca si mi jeru, santu diascacci e dianta-nuni, pirchè m'avianu smossu la nirvatura di 'na manera tali !

DONNA PRAZZITA

Ni mi jemu macari nuautri, D. Gasparinu, pi livarivi a tunnu l'irritazioni. *(a Don Nzulu)* — Però v' avvertu ca accussì non po' finiri ! Ah, non finisci bona.... non finisci bona *(si avvia)*.

D. NZULU

(soddisfatto sempre più del suo gioco) — Ma, cucina, permettiti....

DONNA PRAZZITA

Chi vuliti permettiri, facitimi 'stu piaciri! No a mia, cucina, ma una santa di l' artaru avissivu fattu spicciari, cu 'na cosa di chisti! Camina, camina, Rachelina.... Cu' nni voli beni nni veni appressu *si arriva*.

D. NITTU

(impacciato, perplesso, non volendo compromettersi con Donna Tidda, parandosi davanti a Donna Prazzita. — Signora.... per carità.... La mia devozione lei la conosce.... un poco di prudenza, la prego....

TIDDA

Ma no... si la vuliti beni, itici appressu!

DONNA PRAZZITA

Non avemu bisognu di cudatarii, nuatti! *(via con Rachelina).*

SCENA IV.

Detti, meno Donna Prazzita e Rachelina.

D. NITTU

In sugnu devotu a tutta la famiglia, specialmenti a lei, signurina Tidda!

TIDDA

A mia? pircià a mia? Stativi mutu, ca non vi compromittiti cu nuddu, vui! Nuddu si comprometti cca! Si fannu vuci, si stuzzicanu li genti, e poi...

D. GASPARINU

Pirchè, iu, non sugnu omu di fatti? Allora, 'n'autra vota chi fazzu, sparù?

D. NITTU

Ma... scusi, chi forsi non sugnu cca cu lei? Questo è un fatto!

TIDDA

E pi chissu vi sintiti comprumisu? Chi ce'è paura, vuliti fari quarchi duellu puru vui? o vuliti sparari... pum!... comu D. Gasparinu?

D. GASPARINU

Pirchè, s' 'u dicu n' 'o fazzu iu? 'U vuliti vidiri ca sparù pi daveru? (*cava dal fianco la pistola*) e toccu famigghi! (*Don Nittu alla vista della pistola indietreggia istintivamente, mentre Donna Tidda e D. Nzulu si fanno coraggiosamente incontro a D. Gasparino*).

TIDDA

E vah! non iucamu! chi siti pazzu?

D. NZULU

(*contemporaneamente*). — Chi è, D. Gasparinu? Accussi prestu pigghiati focu? Sarvativi 'ssa tofa ca vi po' scasciari!

D. GASPARINU

(*convulso, rimettendo la pistola nel fodero*). — Ca iu malu canusciutu sugnu, santu diascacci e...

TIDDA

(*subito attaccando*).— E diantanuni! Va, jamuninni, accumpagnatimi!

D. NZULU

Ma, ne... ma, no... unni vai, Tidda? (*le si para davanti*).

TIDDA

No, no... finemula cu 'ssa Tidda, ca assai cci aviti iucatu! Mi aviti trattatu comu una nimica! E 'ssa cosa di 'ssa casa sar  causa di sconzi serii! Ma serii-serii! Jamuninni, D. Gasparinu, ca cca m'accumincianu a bruciari 'i pedi! (*s' avria di furia e scompare per la comune*).

D. GASPARINU

E a mia li manu (*s' avria di furia anche lui*).

D. NZULU

(*gli grida dietro*).— Abbasta ca non sparati, D. Gasparinu!

D. GASPARINU

(*rovtandosi con le mani per aria*). — A secunna comu mi firria! (*via*).

SCENA V.

D. Nittu, D. Nzulu e Brasi.

D. NZULU

(*dopo aver guardato un po' D. Nittu rimasto mortificato*).— Vi persuaditi, caru D. Nittu?

D. NITTU

Lo dice a me? Io che per essere uomo di tratto e di pace finiu ca fui insultatu di chisti e di chiddi e ristai abbannunatu di tutti, cea, comu un cani senza patruni!

BRASI

(*sghignando da scemo*). — Eh... eh... 'a corda gruppà gruppà, cci va 'nt' 'o mezzu cu' non ci curpa!

D. NZULU

(*licenziandolo con una stretta di mano*). — Cunsulativi, caru D. Nittu, non siti vu' sulu!... E si peju non cc'è, chistu un è nenti!

D. NITTU

Ca già! Cc'è 'stu fattu di 'stu duellu!

D. NZULU

Bisogna impedirlo! Ca comu! Giustu giustu, nni 'stu mumentu, cci avemu a dari 'stu spittaculu a chiddu ca arriva? Di tuttu, di tuttu bisogna fari, D. Nittu, pi non farlu succediri! E non cc'è megghiu di vui pi mittirivicci 'nt' 'o mezzu?

D. NITTU

Io?! Cu tuttu lu cori! Ma veda... veda... Sono dui tipi intrattabili! E s' attaccaru forti... lei l' intese? Paroli sottintese, ma sanguinose... Ah! una sfida tremenda!

D. NZULU

Si, ma voi... col vostro tratto (*spingendolo verso la comune*). Curriti, curriti, D. Nittu, e purtatimi boni notizii.

D. NITTU

(*prima d'uscire*) — Mi proverò... farò del mio meglio... ma non cci spero, sa? (*via*).

SCENA VI.

D. Nzulu e Brasi

D. NZULU

(*sorridendo, soddisfatto, a Brasi*) — L'avvirtisti o' sartu?

BRASI

L'avvirtii... Ma pi cui?

D. NZULU

Ca pi tutti 'sti me' signuri...

BRASI

Già... ora ca nn' 'i fici iri tutti pari sciarriati.

D. NZULU

Zittiti, ca tornanu.

BRASI

Cui?

D. NZULU

Tutti.

BRASI

Non tornanu.

D. NZULU

(*guardandolo bene negli occhi*) — E tu n' 'o capisci ca tornanu? (*si ode il campanello d'ingresso*) — Vo' grapi. (*Brasi via*).

SCENA VII.

Detti, Donna Prazzita e Rachilina

D. NZULU

(*vedendo rientrare le due donne, premuroso, sbottoneggiando*) — Oh chi vi seurdastivu cosa, cucina?

DONNA PRAZZITA

(*attaccandosi al primo pretesto che le viene in mente*) — 'A curnici, mi seurdai! Siccomu è mia... accattata cu 'i me' dinari...

D. NZULU

Oh! giustu, cucina!

BRASI

Alla cca! (*prende la cornice e gliela porge*).

DONNA PRAZZITA

Pirchì, scusati, a vulirla diri com'è di giustu, è cosa di mittilla 'nta un quattru 'ssa parti ca m' aviti fattu...

BRASI

E chi fa, voscenza, 'a pitta e 'a metti cca dintra?

DONNA PRAZZITA

No! In, figghiu? E chi sacciu pittari, in? Ce' è cu' è ca 'a pitta... in carta bullata e cu 'u stemma d' 'u Tribunali... Iamuninni! (*a Rachilina*).

D. NZULU

Cucina, in non 'sacciu chi dirivi (*sospira e apre le braccia*). Faciti comu eriditi.

DONNA PRAZZITA

Ah! tuttu chissu è chiddu ca mi rispunniti?

D. NZULU

Mentri ca vui non vuliti sentiri! Appena m' accostu: « Livativi » —vi fermu, e vi nni vuliti iri pi forza... Chi v' è diri? Vo' itavinni..

DONNA PRAZZITA

Ah, mi nni mannati?

D. NZULU

Binidittu Diu! 'U dicistivu vui a Rachilina: « Iamuninni ».

RACHILINA

Eh, si, zia, iamuninni...

DONNA PRAZZITA

Naturali ca ni nni iemu (*ma non si muove*).

BRASI

Si voli passari, l' accumpagnu...

DONNA PRAZZITA

Grazii, figghiu, 'a strata a sacciu (*volge lo sguardo in giro, non sapendo risolversi ad andarsene*).

D. NZULU

(c. s.) — Chi vi scurdastivu quarchi autra cosa? (*sì riode il campanello d'ingresso*).

D. NZULU

(*ammiccando a Brasi, con intenzione*) — Vo' grapi !

DONNA PRAZZITA

(*rodendosi per il contrattempo*) — E cu' è chissa ? Idda ca torna ? Ddà lingua d'infernù ? Ah, pi carità, cucinu (*correndo come un topo in trappola per la stanza*) — ca nn'hainu suffritu assai, oggi ! Ogni pacenza avi un limiti ! Non la vogghiu echiù vidiri ! non la vogghiu echiù vidiri ! D 'unni scappu ? (*fermando Brasi che s'avvia*) Aspetta, sceccu, non grapiri ! D'unni scappu, vi diu ?

D. NZULU

'Na vota ca pirdistivu tempu, santu Diu ! D'unni vulissivu scappari, d' 'u pirtusu d' 'a chiavi ? Trasiti cca dintra (*le apre l'uscio della sinistra*) e aspittati, si non vi vuliti fari vidiri.

DONNA PRAZZITA

(*passando, seguita da Rachelina*) — Basta ca vi spicciati, oh ! c' hainu l'avvucatu ca m'aspetta !

D. NZULU

(chiudendo l'uscio dietro le donne) — E macari iu haiu chi fari, chi vi pari! V' 'u scurdasti? c'arriva Paulinu? *(a Brasi, sorridendo e fregandosi le mani)* Vo' gra-pi! *(Brasi via)*.

SCENA VIII.

D. Nzulu, Brasi, Tidda, poi voce di D. Prazzita.

D. NZULU

(appena Tidda appare sulla soglia della comune) — Chi ti scurdasti quarchi cosa macari tu?

TIDDA

Macari iu? Chi veni a diri « macari iu? ». Chi cci foru autri ca turnaru?

D. NZULU

No, dièu.... siccomu 'a cucina Prazzita si scurdau 'a curnici cca....

TIDDA

(arruffandosi) — E chi fa? Chi c'è paura, torna pi pigghiarisilla?

D. NZULU

Vah! torna! N' 'o vidisti comu si nni iu 'nfuriata? Comu a tia! E pi chissu, dièu, quarchi cosa t'avisti a scurdari....

TIDDA

No, nenti m' haiu scurdatu iu ! E anzi pìrchì non m' haiu scurdatu nenti è ca turnai.... Pi guardarivi, bonu, di sulu a sulu, nni 'sta bedda facci.... (*è come una gatta arruffata, che si muove, angosciosamente, dal desiderio di essere carezzata e non vorrebbe darlo a vedere*) — Eccu pìrchì turnai.... (*quasi col pianto nella gola, ma suo malgrado*) — ecco pìrchì turnai....

D. NZULU

(*che ha compreso perfettamente, ma pur non potendo cedere, per non guastare il suo giuoco*) — Bonu, sì.... pi chissu ! T' 'u dicu iu, pìrchì turnasti. Tu voi 'u ritratu.....

TIDDA

(*sconcertata*) — Quali ritratu ? (*riprendendosi*) — Ah già ! 'U ritratu ! Ca sicuru ca 'u vogghiu ! E pi chissu turnai, 'u 'nzirtastivu !

D. NZULU

Subitu ! (*a Brasi*) — Brasi, vo' pigghiacillu.... (*Brasi va. Pausa tenuta*) — Assettati....

TIDDA

Grazii. Non m' assettu. Iu staiu abbruciannu !

D. NZULU

Tu sempri abbruci. Ma... focu di pagghia....

TIDDA

Focu di pagghia? O' solu m' haiu ittatu! Iu sempri di pirsuna haiu pagatu! E pi chistu sugnu cca, ancora a 'stu puntu, senza statu! Lu dannu, si l' haiu fattu all' autri, prima di tuttu e echiù di tuttu l' haiu fattu a mia! Ora stissu: vui ittastivu la petra e v' ar-ritirastivu la manu; e iu ittai a foggì quintu 'u ma-trimoniù conchiusu cu D. Iacu e m' haiu vinnutu macari la stuppa di li matarazza pi mettiri 'ssa casa, e non dari saziu a ddà vecchia vilinusa!

BRASI

(facendo segno delle mani vuote) — Non ce' è echiù!
Vulau!

D. NZULU

Chi?

BRASI

'U ritratu!

D. NZULU

E cu' è ca s' 'u pigghiau?

BRASI

(col solito sorriso da scemo) — N' 'ò sapi vossia?

TIDDA

(che dapprima, tutta commossa e alterata da ciò che ha detto, è rimasta come estranea al discorso, udendo parlare del ritratto, torna in sè e scatta) — Chi? 'U ri-

trattu ? S' 'u pigghiaru ? Comu ? Quannu ? Chi mi stai cuntannu ? Cu' cc' è ddà dintra ? (*corre frenetica verso la sinistra*).

D. NZULU

(*cercando d'impedirle il passo*) — Fermati ! Non cc' è nuddu ! Cu' ci avi a' essiri ? Statti cca ! (*si riode il campanello d'ingresso. Brasi accorre*).

TIDDA

(*scostando D. Nzulu, che si lascia facilmente mettere da parte, spingendo l'uscio di sinistra che resiste*) — Comu, statti cca ? Chi mi diciti ca non cc' è nuddu ? Vogghiu vidiri ! Vogghiu vidiri, pirc'hì vui siti capaci di farimi 'st' autru tradimentu !

D. NZULU

(*fingendo di trattenerla*) — Ma si ti diu ca non c' è nuddu ? Tradimentu ! In fazzu 'i tradimenti ?

VOCE DI PRAZZITA

(*dietro l'uscio*) — Si, si, cca semu ! facitila tràsiri ! Non avemu di chi scantarinni, nuatri ! (*apre l'uscio dall' interno*).

TIDDA

(*precipitandosi dentro*) — Ah si ! Ora vi fazzu vidiri in ! si non lassati 'stu ritrattu ! Vnautri ca faceuru finta di irivinni sdignati !

SCENA IX.

D. LIDDU e Don Nzulu, poi D. Iacu.

D. NZULU

(vedendo entrare D. Liddu, richiude l'uscio e, mentre dall'interno si ode il vociare confuso, a soggetto, delle due donne in aspra lite) — Don Liddu, cc'è cosa?

D. LIDDU

(serio, sereno, concitato) — Cc'è ca vogghiu parrari cu 'a signurina, perchè non posso credere assolutamente ca idda fussi consenziente a 'sta spiculazioni ca autri nni vulissiru fari! *(udendo il vociare delle donne)* Umm'è? Dda dintra? Chi su' 'sti vuci? Cu idda l'hannu? 'Nsumma, chi succedi cca, don Nzulu? *(facendo queste domande s'è spinto fin presso l'uscio, come deciso ad aprirlo e a introdursi)*.

D. NZULU

(trattenendolo vigorosamente, piuttosto aspro e seccato) — Nenti, don Liddu! non succedi nenti! Cc'è paura, 'neassa mia, divu dari cuntu a tutti? Vi pregu, assittativi! Chi mi vulissivu trasiri dintra macari vui? *(Altra scampanellata all'interno. Brasi accorre)*.

D. LIDDU

Seusati, D. Nzulu, la ragiuni di tuttu chistu...

D. NZULU

(subito, interrompendolo) — Quali ragiuni? Ancora s'avi

a vidiri, 'a ragiuni! (*con intenzione*) E v' 'a fazzu vidiri in... all'urtimu!

D. IACU

(*entrando e notando D. Liddu*) — Lo sapevo!

D. LIDDU

(*prorocante*) — Chi è ca sapeuru?

D. IACU

Ca vi fiteva 'a lepri 'nta 'stu trippaturi! (*udendo anche lui gli strilli delle donne*) Turnastivu pi daricci spada forti? Non basta ca su' dui contro una? Macari 'u masculu?

D. LIDDU

(*andandogli incontro con le mani in faccia*) — Ma vui chi pi daveru a mia vuliti scuncicari?

D. IACU

(*subito, con la voce bassa*) — No... me ne guarderei bene... (*voltandola*) — Pirehì 'ncasa d' autri hain conosciutu sempri 'u me' dūviri!

D. LIDDU

(*sgghignando*) — Già! Un pocu pirehì ci sunnu 'i fimmini, un pocu pirehì siti 'ncasa d'autri... vah, livativi!

D. IACU

Seusate; vi ho detto di attendere persone?

D. LIDDU

E quannu?

D. IACU

Per cui!

D. NZULU

(che frattanto è andato presso le litiganti di là, tornando come se vedesse questi due alle prese) — Signuri mei, pregu! signuri mei! Chi vulissivu fari 'u duellu cca? *(rociando verso l'interno alle donne)* Ma chi mi vuliti fari partiri, 'a testa? Malidittu 'stu cucinu e di quannu mi ittau 'nta 'stu focu! Finitila! finitila, e passati tutti cca banna!

SCENA X.

D. Prazzita, Tidda, Rachilina e detti

(le donne tornano in iscena un po' malconce, arrossate; Donna Prazzita e Tidda tenendo dai due lati opposti un vecchio ritratto ad olio rappresentante un notaio con la barba a collana e i capelli a boccoli, il collo fasciato da una grande cravatta a rabat, uso Bellini, ampio panciotto alla marescialla, abbottonato all'estremità d'un lato, una penna d'oca sull'orecchio e un codice in mano. Una tira di qua e l'altra di là, mentre Rachelina, col cappello gualcito e a sghimbescio come per qualche ceffone di Tidda, geme e pare voglia cascare di nuovo in deliquio).

DONNA PRAZZITA

Modda! modda cca! modda cca, ti dien!

TIDDA

Pazza siti! Chistu tocca a mia! E non lu lassu mancu, si!...

DONNA PRAZZITA

No! Tocca a mia!

TIDDA

'U moddu? Lassatilu! Ca cchiuttostu un pugnu cci dugnu e 'u sfunnu!

D. IACU

Vah! Muddatilu!

D. LIDDU

Non muddati nenti!

D. NZULU

(strappando di mano alle due donne il contrastatissimo ritratto e dominando, con la sua, tutte le voci)—Datilu eca prima, santu e santissimu! 'U stati sfasciannu d'ac-cussì? *(guardando l'immagine)* Guardati chi ce'è eca! Lu stati facennu assistiri a un bellu spittaculu 'stu povir'omu! *(cava il fazzoletto e con delicatezza fa come per asciugare il sudore della fronte del notaio effigiato)* Poviru Josè! Tu ca ti nn'ha statu tant'anni cuetu a la me' casa! Ma guardatilu, guardatilu chi facci chi avi!... mancu cuscenza ce'è! E si vidissi so' figghiu, che figura ci facissi, vah? *(altra scampanellata. Brasi accorre)* Basta ca cci aviti preparatu 'a casa... 'i mobili...

SCENA XI.

Detti e don Nittu, poi Don Gasparinu.

D. NITTU

(rientrando tutto accaldato, senza notare la presenza di D. Iacu e di D. Liddu, rivolto a Don Nzulu) — Ho fattu sforzi inauditi, sa? Ma nenti!... Sunnu du' armali feroci!

D. NZULU

(deponendo il ritratto in piedi su un mobile, bene in vista) — Cui?

D. NITTU

(sconcertato) — Ah.... cca sunnu?

D. NZULU

Nu' 'i viditi?

TIDDA

Accussì va beni! Nè tu leta nè in cunsulata! *(a D. Nzulu)* V' 'u tiniti vui, 'u ritrattu!

D. IACU

Quann'è chistu, sta beni!

D. LIDDU

Già! Ca cc'era bisognu d' 'u vostru consensu!

D. NZULU

(parlando al ritratto) — Eh, poviru mortu, cu' ti l'avia a diri, ca ti stavanu manciannu li càmulì e li fulinì, senza riscidiriti nuddu! nuddu ca t' addumava un sor-

du d' ogghiu! nuddu ca ti purtava un ciuri! (*a Brasi che gli presenta un telegramma*) — Chi è? Telegramma? E di cui? (*apre il foglio, legge ed esclama*) — Eh menu mali, vah! Menu mali! Ogni male non viene per nuocere!

BRASI

E unni manca, Diu pruvidi!

LE DONNE

(*che si sono sedute stanche ed agitate*) — Chi è? Chi fu? Di chi si tratta?

D. NZULU

Bella accoglienza cci stauru priparannu!.... A 'na bella scena l' avissivu fattu assistiri!....

GLI UOMINI

Ma cui?

D. NZULU

Ma cui.... cu' po' essiri? Paulinu!

TIDDA

Non arriva cchiù?

DONNA PRAZZITA

Comu?! Avia a arrivari oggi!

D. NZULU

Già! quantu junci, e arrivava! T - a - ta, ficu fatta! Mi telegrafa di Genuva, ca si firmirà ddà 'na pocu di jorna....

RACHILINA

'U dissi vossia stissu, ca s' aspittava pi stasira.

D. LIDDU

E lei, signurina, tantu pi 'na curiosità: cci avia tuttu 'ssu 'nteressi c' arrivassi stasira?

RACHILINA

Iu? No.... Pirehì?... Siccomu 'u ziu avia dittu accussì....

D. NZULU

(a *don Liddu*) — Amici mei, tutti 'sti cunti.... pi carità, all' urtimu! (a *Rachelina*) -- Eh sì, figghia.... Ma si m' aviti fattu pàrtiri 'a testa! Vuautri chi siti cristiani? Siti ranocchi, cieali, marranzani!.... Madonna di lu Carminu! Non haiu echiù cirivedda!.... Cei eriditi ca mi disidirassi mortu e stampatu ddà 'nta ddù quattru?... Ca già! Mi faceva 'u cuntu, c' arrivatu a Genuva, doppu un jornu era cca.

DONNA PRAZZITA

Ah no?!

D. NZULU

Senza pinsari a tuttu chiddu ca divi fari ddu galantomu appena sbarcatu in Italia!

D. NITTU

(*dandosi tono*) — Eh già! I passaporti.... Cce lo volevo dire io!

D. NZULU

Chissu sulu? E 'i pezzi? sulamenti pi canciari tutti ddi pezzi ca porta?

TIDDA

Pezzi cancia?

DONNA PRAZZITA

Chi è, niguzianti di pannaria?

D. NZULU

Già! Martisi! Vuautri ppi pezzi chi sapiti sentiri? Dinari, su'! Pesetas, pesetas — si chiamanu accussì ddà sutta! Faciti 'u cuntù, pi canciari tutti chiddi ca porta! (*come ripigliandosi*) — Ma 'u sapiti ca fu 'na furtuna 'ssu ritardu? (*affettuosamente severo e patriarcale*) — Prima di tuttu pirc'hì, amici mei e parintuzzi cari, nuautri 'nta l'intimità nni putemu macari manciari pi lupi, ma di frunti a iddu, 'a cosa è diversa: di frunti a iddu, nn' avemu a fari vidiri uniti, affezionati unu cu l'autru.... tanti armi 'nta un cori! tanti lapi di meli!.... Ca comu! iddu ca va circannu la famiglia.... lu nidu anticu.... (*come fissandosi nel suo lontano rammarico*) — lu nidu anticu.... chi nni sapiti quantu si disidira!.... e cci faciti truvati 'stu 'nfèrnu? Si nni scappa l'indumani!... E cu tuttu 'stu catuniu c'aviti fattu, m'aveva scurdatu lu megghiu... (*guardandoli tutti*) — Signuri mei, spagnolu è!

TIDDA

Comu! finiu ca è americanu?

D. NITTU

Di l'America spagnola, signurina...

D. NZULU

E quindi, cehiù spagnolu, di li spagnoli! Cu certi arii ca v' 'u pozzu diri iu ca cei haiu statu! Vui chi sapiti comu marcianu ddà? Ogni pirsuna ricca ddà, faciti cuntutu ca è un re! Redengotti e cilindro, macari pi iri 'ntra certi posti... ca nuautri cei jemu... cu li tappini a la susuta di lu lettu (*le donne non possono fare a meno di sorridere, ma fanno un certo verso di vergogna*) Vi pari scherzu? Fumusi!... Ah! pi fumu, lassati fari a iddi... E non è ca su' fanatici sulamenti supra d' iddi stissi; ma supra tuttu e supra tutti chiddi ca cei stannu attornu! Vòlunu gran cumparsa! Esagerata! Non mi ponnu fari a menu!... E iu pensu... ca comu!... guarda chi patacca ca stàvamu facemu a causa di li vostri curtigghiarisimi!... Avia di tantu ca v' 'u vulia diri... Signuri mei, nuautri siti vistuti...

D. LIDDU

(*guardandosi addosso*) — Comu semu vistuti?

D. NZULU

Perfetti, chi ce'entra! Lassati fari a vui, Don Liddu, pi chistu! e macari a vui, D. Nittu. Tutti già, non si discuti!... Ma non è questo, signori! lassatimi spiegare! Iu avia pinsatu di faricci un ricivimentu... un'acculgenza all'usu d'iddi... pumpusa, vah! sgargianti! pirchè tantu chiu pumpusa è, tantu chiu bella imprissioni cei

fa... E non dicu sulamenti pi nui, di comu nn'avemu a vestiri e di chiddu c'avemu a fari... ma macari p' 'a casa... addubballa tutta... ma a chistu cci pensu in! Anzi, mi vuliti lassari fari a mia pi tuttu, ora ca vi viu cca beddi cueti, ca tutti li quistioni sunnu risoluti amichevolmente?

TUTTI

(*ridestandosi come da un fascino, vivacemente*) — Chi? Comu? Chi dicistivu? Risoluti? Comu risoluti?

D. NZULU

(*dominandoli*) — Chi fu? chi è? N' autru ribeddu vuliti fari? V'assicuru e vi promettu che tutto sarà accomodato con soddisfazioni generali!

DONNA PRAZZITA

Ma scusati, cc'è 'a cosa d' 'i du' casi... com'è ca si po' risorviri cu suddisfazioni generali?

TIDDA

Già? Com'è ca s'ha a spartiri 'ssu cristianu? Mezzu cca banna e mezzu dda banna?

D. NZULU

Non vi preoccupati! Truverà du' casi, e nni scigghirà una! senza ittari a mari l'autra... Chi nni sapiti si non è abituatu ad aviri quarteri d'estati e quarteri di 'nvernu?

D. IACU

Ab! ma scusassi: cc'è 'na quistioni però ca resta pinnenti!

D. LIDDU

Già! comu 'u piru all'arvulu!

D. NZULU

E chista macari cci la faremu decidiri a Paulinu! A tutti cuntintirà! a tutti! lassatilu arrivari! Nuantri cca nn'avemu a preoccupari d'una cosa sula: di farinni truvari digni d'iddu. Vultu lassari fari a mia? Senza pipitari chiù nuddu! Apprufittamu di 'ssu tempu ca nni resta. Brasi, affacciati d' 'u barcuni e chiama a Don Sciaveriu Notu, dicci c'acchianassi cu so' muggieri cu 'u campinnariu e 'u metru, prestu prestu! *(mentre Brasi va, rivolto a Rachelina)* Ti lassi serviri di mia, tu?

RACHILINA

Comu voli vossia, ziu! Ma l'abitu pi daveru m'haju a fari?

DONNA PRAZZITA

Chi n' o' sta' sintennu? Giustu ca tu ti l'aviatu a fari....

D. NZULU

Ma.... divi essiri 'na cosa d' alzari l' idej, badamu!.... Comu ti piaciria, Rachelina? sintemu....

RACHILINA

Eh.... chi sacciu? di.... di sita cilesti.... mi piacissi...

D. NZULU

Bravu! Appropriatu!

RACHILINA

Guarnitu di.... di....

TIDDA

(*interrompendola*) — E iu comu, cucinu, di sita granata?

D. NZULU

A gustu to'! Basta ca sia 'na cosa chie!

DONNA PRAZZITA

E iu.... macari mi l'avissi a fari?

D. NZULU

Ca chi vol diri! Tutti, tutti! Vui, 'a prima!

BRASI

(*rientrando*) — Don Sciaveriu dici ca veni subitu con la consorti.... E.... si cci permetti, cci vulissi diri 'na cosa....

D. NZULU

Chi cosa?

BRASI

Cea sutta cc'è 'na pirsuna ca fa avanti e arreri comu 'na tarantula annacalora, e sta sfardannu 'a strata.

TIDDA

Uh!.... Ca chissu don Gasparinu è! mischinu!

D. NZULU

Ah, già! chiamalu! ca iddu sulu manca! Pregalu a nomu miu d'acchianari (*Brasi esce*).

DONNA PRAZZITA

Allura iu dicissi ca 'ssu vistitu miu duvissi essiri d' un culuri.... d' un culuri....

TIDDA

Di cani ca fui ! *(la vecchia la guarda biecamente)*.

D. NZULU

(subito, accomodante) — Lo sceglieremo nel campionario! Non circati, cucina Prazzita! *(a D. Gasparinu che appare più arruffato che mai sulla comune)* — Avanti! avanti! Don Gasparinu, ca v' aviti fattu disidirari !

D. GASPARINU

Si, ma.... si non mi mannauru a chiamari.... mancu d' 'a strata cci passava iu echiù eca....

TIDDA

Si, difatti, 'ncasa vi vinniru a 'chiamari ?

D. GASPARINU

Mi chiamaru mentri ca era pi l' affari mei, ca non cci dava cunfidenza a nuddu.... E ora mi nni vaiu !

D. NZULU

(trattenendolo) — Bonu, vah! D. Gasparinu: viditi ca Tidda scherza !

D. GASPARINU

Idda a mia, s' avi a livari 'stu viziù di pigghiarimi di puntu.

D. NZULU

S' 'u leva, s' 'u leva! stativi cuetu ! Ora ca vinistivu, comu sia sia, assittàtivi cca e faciti chiddu ca fannu l' autri, ca semu tutti 'mpaci.

SCENA XII.

D. Sciaveriu, D. Rusulina e detti.

D. NZULU

(ai due sarti che entrano) — Oh, bravu, D. Sciaveriu !
favuriti ! Avanti, Donna Rusulina !

D. SCIAVERIU

(inchinandosi) — Ai suoi comandi, signor D. Nzulu !...
Tanti rispetti alla compagnia !

DONNA RUSULINA

(c. s.) — Serva di 'sti me' signuri !

D. NZULU

(con un cenno d' intelligenza) — Dunca.... Donna Rusulina, non ce' è bisognu ca vi diu ca 'sta vota vi duviti disimpegnari... Pigghiaticci 'a misura a 'sti parenti mei e intantu datieci 'u campianariu ca si scegghianu 'a stoffa. (D. Rusulina porge il campionario alle signore che si mettono a crocchio a sfogliarlo e a conversare con lei) — E vui, D. Sciaveriu, pinsati pi 'sti me' signuri... e macari pi mia....

BRASI

(col solito sorriso da scemo) — Si cci voli dari, cci du-
na.... e si non ci voli dari, non ce' è obbrigu....

D. NZULU

E pi Brasi, si sottindende !

D. NITTU

(costernatissimo) — Senta.... Don Nzulu.... io, veramen-
ti.... non saprei se....

D. NZULU

Ma mancu si dieinu 'sti cosi ! Tuttu pensatu, Don
Nittu !

D. NITTU

Si, ma... a qual titolo ?

D. NZULU

E non l'avemu dittu ? A titolo d'un regalo a me e
d'un onuri a me' niputi ! Non bisogna guardare a spese !

D. NITTU

(più che mai costernato) — Spese... mie ?

D. NZULU

Oooh !... Appena arriva me' niputi !

D. LIDDU

(rinzelato) — Vah, non iucamu, D. Nzulu ! Mancu pi
scherzu l'aviti a diri 'sti cosi ! Mi vestu pircià mi fa
piaciri macari a mia ; ma a spisi mei ! E non ce' è bi-
sognu ca don Sciaveriu mi pigghiassi 'a misura. È 'u
me' sartu...

D. NZULU

Sfidu! Pi chissu è 'u megghiu sartu d' 'u paisi!

D. GASPARIRU

Ah! pi chissu? Pirehì iu non passu ca sugnu macari clienti so'? Pirehì non parrati vui, misseri e minchiuni! A 'mprima ca mi nni vaiu 'n'atra vota?

D. NZULU

D. Gasparinu, chi dissimu? (a D. Sciaveriu) Allora non ce' è bisognu di misura mancu pi iddu. Vah, signuri mei, spicciamunni! Donna Rusulina, siti pronta?

DONNA RUSULINA

A li cumanni! Accuminciu d' 'a signura donna Prazzita ca è a echiù granni! (*misura la lunghezza della sottana*) Sciaveriu, scrivi.

D. SCIAVERIU

(a D. Nzulu) — Mi permetti? (*segnando in uno scartabello*) — Signora donna Pràzzita Cannalonga.

DONNA RUSULINA

Lunghizza, di la vita a la putia: Centu unnici (*misura la rotondità dei fianchi*) Oh... comu cci dicemu? circonferenza — cu bon prudi e saluti! centuquarantasetti...

Tela.

ATTO TERZO

SCENA I.

D. Nzulu, Donna Prazzita, Rachilina, Tidda,
D. Liddu, D. Nittu, D. Iacu, D. Gasparinu e Brasi

(scena di movimento tra tutti, intanto a fare gli ultimi apprestamenti per la solenne festa dell'arrivo dell'Americano, D. Nzulu, aiutato da D. Liddu, D. Iacu e D. Nittu, finisce d'addobbare una specie di palcoscenico, che è un'alta predella, in fondo alla scena, nell'arcata di centro; dietro una tenda, in fondo, si aprirà un uscio; un altro dietro una tenda, a destra, e una finestra si scoprirà dietro la tenda di sinistra. Donna Tidda traversa la scena recando un gran vaso di fiori. Donna Prazzita e Rachelina vengono subito dopo con trionfi di frutta).

BRASI

(segue portando un festone di fronde d'edera intrecciato con fiori) — E chi è, scursuni? Unni va, chistu?

D. LIDDU

Non ci pinsari, babbu... Portalu ddà banna, ca poi eci pensu iu...

TIDDA

Ma chi è 'sta stola? Unn'è ca l'aviti a cumminari?

DONNA PRAZZITA

E chisti, unni l'avemu a mettiri, D. Liddu?

D. LIDDU

Pusatili unni vi veni prima... Lassatinni finiri cca!
È bonu accèssì, don Nzulu? (*le donne escono per rientrare poco dopo.*)

D. NZULU

(*che s'è tolto la giacca e sta aggiustando le tende del piccolo palcoscenico*) — Bonu, bonu, sì... Eecu, tiràti n'antru poeu di ddocu... Cu' m' 'a duna una spingula?

D. NITTU

Iu... alla cca!

D. IACU

Si capisci, si non siti attaccatu vui cu 'i spinguli!

D. GASPARINU

E all'ura... iu ca portu spinguli macari?!

D. NZULU

Lassatilu iri 'ssu discursu d' 'i spinguli! Calati, calati, don Iacu... unni stati guardannu?

D. IACU

Ca guardava a D. Nittu, ca eu ddi pusa avi un tra-fieu!... E non m'hain pututu pirsuadiri si avi 'i pusa e non avi cammisa!

D. NITTU

Spiritoso! Spiritoso, D. Iacu!

D. GASPARINU

Si... bella liscimoria!

D. NZULU

(vedendo che D. Iacu s' inalbera) — Signuri mei, oh! non facemu quistioni, comu finiu?... Mi staiu facennu 'u cori tantu, a vidirivi accussi tutti belli d'accordu! Lassatimi finiri cca!

TIDDA

Ma chi è ca cumminastivu ddoeu? 'U sapiti ca mi pari un paleuscenicu?

D. NZULU

Ha fattu 'sta scuperta! Biniditta Santa Lucia ca ti desi 'sta bella vista!

DONNA PRAZZITA

Ah, pi daveru paleuscenicu è?

RACHILINA

Vih! Che bellu! E cu' cci ha a rapprisintari?

D. NZULU

Ca tutti nuautri! (*sorpresa generale e movimento di curiosità*).

TUTTI

Chi? Comu? Avemu a rapprisintari? E chi avemu a rapprisintari?

D. GASPARINU

Iu... non rapprisentu nenti... e non vogghiu sapiri 'sti storii!

D. NZULU

Tutti! tutti! Avemu a fari 'na festa all'ingranni! Ricivimenti... pranzu... e macari teatru... O' pranzu cci aviti pinsatu vuautri, e iu mi vosi riurdari di li tempi antichi...

D. NITTU

E nuautri chi sapemu rapprisintari, signur D. Nzulu?

D. NZULU

E non cci sugnu iu? Vi 'nsignu 'i parti a tutti! Accussì, a sughettu!... Haiu pinsatu macari a commedia c'avemu a fari davanti a Paulinu... E ora, lestu lestu, vi fazzu a prova generali... 'I robbi su' cca!

TUTTI

Quali robbi?

D. NZULU

'I vostri!

TUTTI

Ah, 'i purtaru? Cca su' ? Quannu 'i purtaru?

D. NZULU

'I purtaru! 'i purtaru! Avi tantu!

TIDDA

Ah... chisti eranu 'i robbi, ca nni facistivu pigghiari 'a misura?

D. NZULU

Ca chissi! chissi!

RACHILINA

E comu, accussi senza pruvarli, si nni stannu boni o si non nni stannu boni....

D. NZULU

Si.... teni a cura! senza mai ti stannu tanticchiedda echiù larghi o echiù longhi! Robbi di commedia su'!

D. GASPARINU

A mia non m' ha pigghiatu 'a misura nuddu, e ddocu supra mascaratu non ci acchianu!

D. LIDDU

(sorridendo con compiacenza) — A sapillu prima, Don Nzulu.... si puteva cumminari d' accordu 'na cosa graziosa..... Filodrammaticu sugnu.

D. NZULU

Non dubitati ca graziosa.... graziosa sarà.... Ora 'u viditi! A unu a unu vi fazzu 'a parti di tutti! Vi mettu comu un specchiu davanti!

RACHILINA

Macari chidda d' 'i fimmini?

D. NZULU

Si capisci! E cu 'i robbi d' ognunu!

TIDDA

Vih! Ca bellu aviti a pariri vistutu fimmina!
Non cci iucamu, signuri mei, ca chistu l' opiranti fici
all' America!

DONNA PRAZZITA

'U sapiti, 'ca è cosa d' arridiri?

D. NZULU

E comu d' arridiri! Ora vedrete! Assittativi a giru
e permettiti ca cuminciu! (*stando sempre sul piccolo
palcoscenico, chiude all' interno il velario, nascondendosi
a tutti*).

RACHILINA

Oh ch'è bella! Non mi pari l'ura di vidillu cu 'i
robbi d' 'a me' parti! Ma... sa chi parti haiu a fari?

TIDDA

E iu, cu chiddi d' 'a mia! A me' parti, parti di scon-
zu avi ad essiri!

D. IACU

E figuramunni c' avi a pariri bellu vistutu di Donna
Prazzita!

DONNA PRAZZITA

Iu diu c' hâ a pàriri cchiù bellu vistutu di vui!
Quannu mai, puteuru parrari d' 'a parti d' 'a signura
Donna Prazzita!....

D. GASPARINU

Vogghiu vidiri si finisci bona.... ca non mi pari!....

D. NZULU

(*di dietro la tenda*) — Signuri mei, circati di starivi muti, pìrchì, sì no, non isa 'u sipariu!

BRASI

Silenziu! (*e batte le mani allegrissimo*).

TIDDA

Vih! eh' è cuntenti chistu!

D. NZULU

(*c. s.*) — Pìrchì non sapi ca cc' è 'a parti preparata macari pì iddu!

BRASI

(*contento*) — Macari pì mia?!

D. NZULU

(*c. s.*) — Pì tutti! Pì tutti!

D. GASPARINU

E torna, parrinu e sciuscia!... L'irritazioni pì forza mi volunu fari pigghiari!...

D. IACU

(*guardando D. Gasparino con un largo sorriso, non perfettamente convinto*) — Mi dici 'a testa ca finisci a opira 'é pupi!...

BRASI

A cugghiuta ti vogghiu!

D. NZULU

Attenti, che comincia!

TUTTI

Silenziu!.... *(accomodano le sedie e attendono con gli occhi al palco).*

D. NZULU

Unu.... dui..... e tri! *(Tira la tenda-sipario e scopre la scena).*

TUTTI

Vih! Bellu! Chic! E d' unni spuntaru 'sti porti? Uh, cc' è 'a finestra macari!... Un teatrinnu perfetta! Lassati fari a iddu! Silenziu!.... Signuri mei, silenziu, annunca non nesci!

LA COMMEDIA

(la piccola scena rappresenta una stanzetta di passaggio, con finestra sul lato destro, comune in fondo con tenda e uscio sulla sinistra che dà nell'appartamento).

SCENA I.

appare: La vecchia di l' acitu.

(entra in iscena con il fiasco dell' aceto sotto il braccio e beve con soddisfazione).

RACHILINA

Uh! e cu' è 'ssa vecchia? Che laria!

TIDDA

Chissa 'a vecchia di l' acitu è !

DONNA PRAZZITA

Allu dda, l'avi scrittu 'nt' 'o ciascu !

TIDDA

E comu s' appana !

D. LIDDE

(vedendo che la vecchia smette di bere) — Zittitivi, ca sta parrannu ! Sintemu chi dici !

LA VECCHIA

(con l' occhio maliziosamente arguto) — Bonu ! bonu ! di li setti latri.... E assai un' haiu bisognu ! *(al fiasco)* — Tu ha' a travagghiari oggi ! *(si fa presso l'uscio di sinistra, e con voce dolce, nascondendo il fiasco sotto la pellegrina)* — Tinnirina, 'a soru ! Oh Diu miu, sempri davanti a 'ssu specchiu !.... sempri cu 'ssa pruvulighia 'mmanu !.... sempri ca t'allifli e fai cannola !

TIDDA

Eh, si è donna Tinnirina ! Ma sa cu' è, sa cu' è c'avi a fari 'ssa parti ?

D. GASPARINU

Nni vuliti fari sentiri ?

LA VECCHIA

Cu' avi a veniri, Cappiddazzu ? Figghia mia, iu su-

gnu 'a soru granni e t' hainu a ricordari 'u beni.... Vidi ca 'a genti po' suspittari, 'u sap' idda chi, di 'ssa troppa frequenza di 'ssu cristianu 'ncasa nostra !.... Chi ? chi dici ? Ma si, 'a suruzza....

TIDDA

Ah, soru cci veni ?

LA VECCHIA

Si, 'u sacciu ca ti fa cunfidenzi p' 'a cucina Zi Vittula....

DONNA PRAZZITA

Zi Vittula ? Ca annunca parti di mascarati sunnu !

LA VECCHIA

Ma 'a genti è maligna assai ! Vo' 'ntuppatici 'a vucca ! E macari idda... chi ti pari ? !... Tu si' troppu bona, armuza 'nnuccenti....

DONNA PRAZZITA

Maria, chi parra grevia chissa, cucinu ! E cu' è ca po' parrari accussì ?

TIDDA

Uh, cci nn' è tanti ca parranu accussì ! In mi staiu divirtennu un munnu !

D. IACU

Ma 'nsumma, nni vuliti lassari sentiri ? Vogghiu vi-diri cu' è 'ssu cappiddazzu !

LA VECCHIA

Basta, 'u beni ti l' haiu avvisatu.... Fa comu cridi !...
(si reca presso la finestra e saluta) — Oh, Zi Vittula !...
 Mi pari un iaròfalu avvampatu 'ntra 'ssa finestra !...
 Miatu cu' ti spusa a tia ! Chi dici ?... E, ti nni mancas-
 siru !... Ca dui, li sacciu in !... Cu' su' ? Vah ! finta ca
 non lu sai ! Chiddu vagghiardu, ca si mancia l' aria...
 e dd' autru distintu... ma distintu, vah....

D. NITTU

Abbasta ca non m' 'u fa fari troppu esageratu a mia,
 don Nzulu !

LA VECCHIA

E anzi, non sacciu com' haiu a fari.... Tutti dui mi
 dissiru ca vèninu a parrarimi pi tia.... Don Peppi
 Nnappa e Don Cola Mecciu....

D. NITTU

Ah ! sempri mascari su' !

D. IACU

Zittitivi. Sugnu curiusu di sapiri cu' è 'ssu Don Cola
 Mecciu !

D. LIDDU

E in, cu' è 'ssu Peppi Nnappa !

TIDDA

(impressionata e accigliata) — Zittitivi, quantu sentu
 chi è ca dici 'ssa vecchia !

LA VECCHIA

È ca mi pari ca tu.... no ?.... eh, chi voi ? mi pari ca l'occhi li ittasti supra un lapuni vecchin, ca non fussi dignu di pusarisi supra un ciuri vivu vivu e friscu friscu comu si' tu !

TIDDA

(tra i denti come a sè stessa, guardando sottocchi Donna Prazzita) — Accussì fu, 'nfami ! (notando che Donna Prazzita si agita un poco sulla seggiola, soggiunge subito, forte) — Tiramù, tiramù, cucinu ! Ca bona è !

LA VECCHIA

Chi ? in, figghia ? E comu vegnu ? (additando verso sinistra) — Ca chi la pozzu lassari sula ?.... Ah !.... mi fazzu lu stomacù fràcitu.... (Rifà D. Tinnirina davanti lo specchio, che s'incipria, s'alliscia e si pavoneggia) — E cu' va, e cu' veni !.... Tu aspittannu a quarcunu, allonghi lu coddu a la finestra ; e cca, si fètinu tutti !... Ca si, macari iddu ! macari iddu ! Veni a parrari.... non sacciu di chi !.... discursi longhi !.... E l'autri, mussi di cca e mussi di ddà !.... Chi dici ?... Gesù, non su' cosi ca si ponnu diri d' 'a finestra.... Aspetta, vegnu ddocu ! Ma un muminteddu, sai ? (va via dal fondo).

RACHILINA

(notando la zia aggrondata e sulla brace, con un sospiro di sollievo) — Oh e chissa si nni ju ! Sa cu' è ca l'avissi 'a fari 'ssa parti !...

TIDDA

(con intenzione) — 'Ssa bella parti!

DONNA PRAZZITA

Videmu tutti l'autri, prima!

LA VECCHIA

(tra le quinte) — Ohhh!

D. NITTU

Si zittissiru, si zittissiru, ca sta parrannu ddà arrieri!

LA VECCHIA

(c. s.) — Oh lu bellu cavallacciu! Cea pi tempu vui, oggi!... Acchianati, acchianati ca ce' è Timmirina!

VOCE DI D. NINNARU

(alterato) — Cu cui?... cu Cappiddazzu!

LA VECCHIA

Oh, Maria Santissima, chi facci seura c'aviti!... No, sula è pp' accomora.... Trasiti, trasiti, ca vain cca 'nfacci, e tornu! E chiamatila, a Timmirina, ca vi fa cumpagnia.

SCENA II.

appare : D. Ninnaru.

D. NINNARU

(entrando, parlando c. s. rivolto verso l'interno) — No, no, signura, iu cercu a vossia, e cci haiu a parrari d'idda! (si volge verso il pubblico).

RACHILINA

Uh, don Ninnaru è chistu ! Ch' è graziusu ! Ch' è eleganti !

D. IACU

(ridendo grosso) — Graziusu, si ! Mi pari un spinna-cardiddi ! E chista non po' essiri parti mia !

D. NINNARU

Cea 'stu iocu ha duratu assai e divi finiri ! Finu ca era Don Sucasimula, mi faceva arridiri.... Ora spuntau ssu Cappiddazzu !... Quantu nni ficimu ? Unni jemu cu 'sta chitarra?... È certu ca chistu veni cca.... chi voli ? Fa eridiri chi pretenni a la Zi Vittula... E allura pir-chi non va nni idda, e veni cca ? Chi traficcu cci avi?... È certu ca Tinnirina cci arridi e lu ricivi in gran segretu (*tentennando il capo*) Vah.... vah.... vah.... vah... Chista cca, 'a vecchia, dici e non dici.. ietta 'na paruledda ca percia balati.... e poi.... non sapi cchiù nenti....

TIDDA

Sperta, sperta, 'ssa vecchia !

D. NINNARU

Iu, intantu, mi sciarrin cu 'i me' parenti....

TIDDA

Mischinu !

D. NINNARU

Cea si cci divi fari nesciri 'u maraùni! Stannu a cantari.... pirci, si non cci vidu chiaru.... (*va per la sinistra chiamando*) — Giufà! Giufà!...

RACHILINA

Uh (*batte le mani*) — macari Giufà ce' è!

D. GASPARINU

E mi pari ca tutti Giufà sunnu ddocu a supra (*poi, vedendosi guardato da tutti, aggiunge :*) — e macari cea sutta!

D. LIDDU

Iu non cci staju capennu nenti! Vidu ca 'ssa vecchia cu 'ssu ciascu nni sta cumminannu tanti.

D. IACU

E bella figura mi pari ca cci sta facennu 'ssu Don Ninnaru!

D. NITTU

Signuri mei, lassati sentiri chi discursu cci sta facennu a Giufà!

D. NINNARU

(*dall' interno*) — Giufà! Giufà!

VOCE DI GIUFÀ

(*rifacendo con lo stesso tono come a trovar la rima*) — Allu cea, allu cea! Chi ce' e' chiamari a donna Tin-nirina?

D. NINNARU

No, non chiamari a nuddu: aspettu a 'sso soru, 'a vecchia di l'acitu.... Fammi passari 'nt' 'o salottu.

SCENA III.

riappare: La Vecchia di l'acitu.

RACHILINA

'N' autra vota 'a Vecchia ce' è! Ma chi è, diavulu? comu fa a trasfurmarisi accussì!

LA VECCHIA

(friggendo di contentezza, ricava il fiasco e ribeve a lungo, poi:) — Forza a la machina, ca a bon puntu semu! Cei attizzai un focu di carbuni scattialoru, ca si nni sta jennu tuttu faiddi faiddi! L' abbivìru iu, 'sti buttuneddi di rosa; ma eu chistu.... eu chistu. *(fa cenno di annaffiare col fiasco dell' aceto)* — Ca chi pi daveru hannu a sbucciari belli e odurusi e hannu a 'mbriacari a 'ss' omini ca mi lassaru 'mpassulunìri 'mmezzu li spini! *(al fiasco)* — Tu si' la me' forza! *(lo bacia)* — E tu cci ha' pinsari a nun farli chiumpìri! *(appressandosi all'uscio di sinistra)* — Giufà! Giufà, unu' è D. Ninnaru? *(cava dal seno due biglietti, li esamina negli indirizzi, se li mette uno nella destra, l' altro nella sinistra, facendo cenni satanici d' intesa con se stessa; poi:)* — Ah, 'nt' 'o salottu 'u facisti trasiri? Facisti bonu! staiu vinennu! *(prima d'uscire, ribeve).*

TIDDA

Tumma ! tumma fin'a la fezza ! Arsalarma, chi siti chi avi !

LA VECCHIA

(*esce ; poi dall' interno*) — Ah, Tinnirina, 'u lassasti 'u specchiu ? Chi sintisti ? Non è visita pi tia !

VOCE DI D. TINNIRINA

Non haiu 'ntisu a nuddu iu !... Pirehì ? cu' cc' è ?

TIDDA

Oh chi vuci di Serafinu ! 'Nnuzzintedda, n' 'o sapi cu' cc' è ! Ah, chi spassu ! Mi staju scialannu !

D. LIEDU

Signurina, e nni facissi sentiri ! Nni vulemu scialari macari nuautri !

LA VECCHIA

Vah, ca non lu sai ? Don Ninnaru cc' è ! Ma pi par-rari cu mia e no cu tia !

SCENA IV.

appare : Donna Tinnirina

DONNA TINNIRINA

(*appena entra si preme le mani sul seno*) — Dio, come mi palpita il cuore !

D. NITTU

Uh, splendida ! Donna Tinnirina !

D. LIDDU

Pari vistuta di luna.... Ch'è bellu!

D. IACU

Ca chi bellu! A mia mi pari ca sta svinennu!

D. GASPARINU

Idda sta svinennu, e a mia mi sta vinennu!....

DONNA TINNIRINA

Hâ a parrari ccu idda? E chi cci po' diri? Aieri era tantu turbatu, comu si cci facissi umbra il mio contegno cu Cappiddazzu.... Ma 'u sapi Diu ca non cc'è nenti? Nu' 'u pozzu mannari, si si veni a sfugari lu cori cu mia pi me' cucina la Zi Vittula? E lu pozzu cumprumettiri, cuntannuci li fatti soi a tutti?.... Ce' è quarcunu ca metti mali!.... Ma cu' po' essiri? Pozzu suspittari di me' soru? lu me' stissu sangu? Saria peccatu murtali! Iu non sacciu diri di no a nuddu! Anchi Don Sucasimula, mischinu....

D. NITTU

Uh, macari Don Sucasimula cc'è!

TIDDA

Ma figuramunni quantu nn' avi appressu donna Tinnirina!

DONNA TINNIRINA

Macari iddu, aieri, era tuttu 'nfruscatu pi 'ssu va e veni di Cappiddazzu, e voli una spiegazioni.... oggi

stissu. E giustu giustu appi a veniri D. Ninnaru !... Si s' incontranu cca, comu fazzu? (*si fa alla finestra, e subito riponendosi la mano al cuore, se ne ritrae*) — Oh Dio ! ecculu cca ! Mi ha fattu un cenno ! (*si riaffaccia*) — No ! no, D. Sucasimula ! Non salite ! non salite ! (Dio, com' è aggrunnatu !).

RACHILINA

Maria, chi parti grevia ch'è chissa ! E cu' l' hà a fari ?

TIDDA

Ognunu a so', avi a fari ! Mi pari difficili ca chissa fussi 'a mia ! Sarà grevia 'a parti, ma 'a cummedia di mastru è fatta ! Assai mi staju scialannu !

DONNA PRAZZITA

In dicu ca tutti nn' avemu a scialari ! Stamuni muti !

DONNA TINNIRINA

(*c. s.*) — Non potete ! non potete per ora ! (*andando verso l' uscio di sinistra*) — Che contrattempo, Maria, che contrattempo (*tende l' orecchio verso l' interno*) — Dio, se esce !... Don Ninnaru è spadaccinu... e si finisci a duellu ? (*lusingata*) — Per causa mia ! Ah ! Al solo pensiero mi sento impazzire ! (*si riaffaccia*) — Per carità, per carità, Don Sucasimula ! Vengo giù io, allora ! vengo giù io ! (*va via; poi internamente*) — Uca, cca, venite dentro il portoncino ; ma senza farvi vedere....

VOCE DI D. SUCASIMULA

Eccomi! Ma non capisco pìrchì lei m'avi a parlari di nascosto... Non posso ricevere più l'onore d'acchiarnari in casa?

DONNA TINNIRINA

Ma no! Per carità, non dite così!

VOCE DI D. SUCASIMULA

Ma perchè queste cose segrete?

D. LIDDU

Avi raggiuni, mischinu! Unu c'aspetta cca, iddu ca s'avi a ammucciari ddà!

TIDDA

Cc'è postu pi tutti!

DONNA TINNIRINA

Oh Dio! La Zi Vittula! idda veni! idda veni! Viniti cca, viniti cca, non nni facemu a vidìri!

DONNA PRAZZITA

Ah! Eccu ca veni a Zi Vittula, ora! Ca daveru è fatta di mastru!

BRASI

A unu a unu tutti hannu a veniri!

SCENA V.

Appare: La Zi Vittula

DONNA PRAZZITA

Uh! eccula! eccula! E chi su' ddi cosi ca cci pènninu? Guarda... cudi di iattu su'! Maria Santissima, perfetta! perfetta! Bravu lu cucinu Nzulu! Bravu! Bravu! (*batte contentissima le mani e tutti la imitano*).

LA ZI VITTULA

(*furente, frenandosi a stento e mano mano accalorandosi fino al parossismo*)—Unn'è? un'è 'ssa jattaredda morta; ca mi fa l'amica e la confidenti, ca finci d'intirissarsi pi mia e poi sutta sutta tira braci a lu so' cudduruni! Ca l'avi grossu chidda, lu cudduruni! Massaria ranni! putia cu du' porti! Di cca si trasi e di ddà si nesci! Pi non vidirinni 'nfacci unu cu 'n'autru! E si nisciu di l'autra porta, 'ssu Cappiddazzu, dicitecillu ca non mi nni 'mporta nenti! Mancu pi schifu l'haiu! Ma iddu cca non ce'e' mettiri cchiù pedi! Pi 'mpegnu! Avi ragioni me' cucina la Vecchia di l'acitu! Pi mia è un lapunazzu vecchiu, e sugnu iu ca lu cacciu, pi sapillu! Sciù! sciù! passi là! malanova di te' sulu! Chi si crideva ca, appena iuntu, cci avia a grapiri li vrazza a 'ssu trisoru? E quannu non cci vinni fatta, si ittò a mari vasein, unni cci appidicava cchiù megghiu! Ma non cci hâ a ristari nni 'sta caramma! A mari largu, a mari largu s'hâ a iri a affucari! Unni cci su' li petri nivuri! Cca, nni la terra vattiata, non

cci hâ a mettiri cchiù pedi, mancu mortu! Hâ a moriri, sulu comu un cani a la stranìa, vasinno si perdi lu me' nomu! *(si precipita per l'uscio di sinistra)*.

TIDDA

(che, ascoltando, s'è tenuta a stento, fremendo d'ira e di rammarico, scoppia a questo punto in pianto violento. Tutti si alzano e le si fanno attorno).

TUTTI

Uh! uh!.... E chi fu?... E pirchè?... Comu?

D. LIDDU

Signurina Tidda, e chi ce' entra?

D. NITTU

E chi s' 'a pigghia supra 'u seriu, lei? Cummedia, è?!

D. LIDDU

L' ha dittu lei stissa ca D. Nzulu è opiranti bravu!

D. IACU

E 'ssa parti veru bella la rapprisintau! cu lu sangu a l'occhi! Bravu lu signor D. Nzulu!

DONNA PRAZZITA

Ca si sapi, 'nt' e' cummedii, s' arridi e si chianci! si chianci e s' arridi! ah.... ah.... ah....

D. IACU

Vah! Battemu 'i manu tutti, e sicutamu! Ca ora nn' addivirtemu....

D. LIDDU

(subito) — Cu Peppi Nnappa!

D. IACU

Cu don Sucasimula!

D. GASPARINU

Abbasta ca non fa nesciri a mia, annunna a iocu di tutui finisci!

D. LIDDU

Vaia, signurina Tidda! finemula!.... Eecu, eecu.... eea ce' e don Sucasimula! Si livassi 'ssu fazzulettu di l'occhi!

SCENA VI.

Appare: Don Sucasimula

TUTTI

(accolgono l'apparizione battendo le mani, per stordire e rianimare Tidda che riesce a stento a frenarsi e si forza, ora, a sorridere anche lei) — Uh! veru D. Sucasimula è! Bellu! Perfettu! Pari pittatu!

D. SUCASIMULA

(morendosi come una marionetta, con le braccia strette alla vita e un bastoncino orizzontalmente tra le mani, con l'aria d'uomo sperduto) — E chi sacciu!.... Cu' s' ammuccia di eea, cu' s' ammuccia di ddà!.... Mi trovu in imbarazzu perchi aspiu... aspiu... aspiu...

aspiru alla beltà ! ma non mi vogghiu cumprometteri cu nuddu, e mancu vogghiu fabbricari a crudu.... Dici 'a genti ca caminu supra l'ova, ma iu cammino.... cammino così.... col passo chiommino, col passo chiommino.... Permesso di qui ? (*s' introduce per la sinistra; poi, dall' interno*) — Mi posso introdurre?... Disturbo ? Sì, sarei proprio io, don Sucasimula ! Oh ! La signurina Zi Vittula ! Lei qua ? (*suono di campanello*).

D. LIDDU

Oh, sonanu ! E cu' veni ora ? Peppi Nappa ?

D. NITTU

Eh, ancora nn' avi a veniri fudda ! Ce' è macari don Cola Mecciu.

D. IACU

Haiu una curiosità di vidillu 'nt' 'a facci !

D. NITTU

(*a Tidda*) — Bravu, signurina, 'u sta vidennu ? Passau ! A fici ridiri 'ssu Don Sucasimula ? (*altro suono di campanello*).

SCENA VII.

Appare : Giufà.

TUTTI

Uh ! Allu eca, Giufà !... Perfettu ! Ca daveru un diavulu è ! Chi facci di babbu ! 'U saccu avi ! 'u saccu ! Sintemu ! sintemu chi dici !

GIUFÀ

Tu pigghi di cca... tu pigghi di ddà... e 'u capitanu 'mmenzu sta! (*apre prima il pugno destro, poi il sinistro, e mostra nell' uno e nell' altro i due bigliettini che nella scena III s'è cavati dal seno la Vecchia di P'acitu; e poi dice furbescamente*) — Chi porti, Giufà? Tocca, tocca, e vidirà!... Ah! chi? 'I spini hannu! E si mancianu cu P'acitu! (*esce per la comune*).

RACHILONA

Sa unni 'i porta 'ssi bigghietti?

D. LIDDU

Chissi chiddi d' 'a vecchia sunnu! Quarchi autra 'nfamità!

D. NITTU

Ma silenziu, signuri mei! Sintemu cu cu' parra!

GIUFÀ

(*dall' interno*) — Uh, guarda chi cumminazioni! Voscenza è cca, e iu cci stava vinennu a purtari un pizzinu d' 'a me' patruna!

VOCE DI PEPPI NNAPPA

A mia? Duna cca! Idda unn'è, supra?

GIUFÀ

Si, ma comu si non ci fussi....

VOCE DI PEPPI NNAPPA

Pirehì?

GIUFÀ

Avi visiti....

VOCE DI PEPPI NNAPPA

Si? ma io non sono mai di troppo.

GIUFÀ

Voscenza trasi allura, ca iu vaiu a purtari 'n'autru pizzinu!

SCENA VIII.

Appare: Peppi Nnappa.

TUTTI

Peppi Nnappa! Peppi Nnappa! Iddu è! Ch'è ridi-
culu! Ch'è smafarusu! Guarda ddi càusi! Scureciatu!

PEPPI NNAPPA

(è entrato con l'aria d' un Rodomonte; mette la canna d' India sotto il braccio, s' accomoda il berretto a barca sulle rentitrè, si ravia il ciuffo da un lato, si tira i calzoni a campana sotto l' ampia fascia frangiata, con mossa malandrinesca, poi con tono e gesti eroici) — Leggiamo questo pezzinu! (apre il biglietto e legge stentatamente) « Caro D. Peppi Nnappa » (e chiustu sugnu iu!) « Sacciu ca siti spinnatu ».... Cu' è spinnatu? Iu, spinnatu?.... « di mia cucina la Zi Vittula ».... Ah! sape-munni sentiri!.... « ma 'ssu spinnu è puru d' autri, ca l' haiu sempri pi la casa ». D' autri? (si tira indietro)

— Senza nutriarinni!... *le si posta come per in parata, per la difesa e per l'offesa.* — C'u' ce' e ca si voli fari avanti? Cea' ce' è pettu pi tutti! *(riprende la lettura)* — « E siccomu haiu la sora schetta e la genti ca non sapi po' parrari, saria bonu ca vi facissivu avanti pi cuitari la palumma e fari fuiri lu spruveri! » *(tirando dalla fascia una enorme pistola)* — Cea' semu! E a 'ssu spruveri lu 'ntacciamu 'nta 'na porta di carrittaria!

TUTTI

Bum!!

PEPPI NNAIPA

(al Bum del pubblico, fa un salto indietro di paura e subito si posta come sopra) Oh, Peppi Nnappa! non nn'ammarraggiamu! Mi cummenì di fari tozzula o di non fari tozzula? Sintemu chi voli la Vecchia di l'acitu, e la colira di la sira sarvamunnilla pi la matina, *(si tira furbescamente con l'indice la palpebra inferiore dell'occhio e passa di là. Scena vuota, lungo la quale si udrà tra i commenti, di cui sotto, un suono di campanello, prima delicato, poi man mano più forte, infine furioso; quindi il fracasso d'una porta atterrata).*

D. LIDDU

Malandrinu, chissu!

D. IACU

E chi avi a essiri? Malandrinu di fudda! Peppi Nnappa, e tantu basta!

D. NITTU

Sa cu' l'ha a fari 'ssa parti?

RACHILINA

Sintemu cu' veni ora, ca stannu sunannu!

D. LIDDU

Ca don Cola Mecciu, cu l' autru pizzinu! Iu sugnu 'mprissionatu di tuttu 'ssu trafficu di 'ssa Vecchia! Cei aviti capitu nenti vuautri? Cu' è? pìrchì l'ha fattu?

TIDDA

(friggendo) Pìrchì l'ha fattu? Ca pi 'nfamità, l'ha fattu! Si capisci tantu beni!

DONNA PRAZZITA

Sintemu, sintemu fiuu a l'urtimu, ca cc'è unu ddocu ca sta sfasciannu 'a porta!

RACHILINA

Eh, mi pari ca 'a sfasciau.

SCENA IX.

Appare: Don Cola Mecciu

TUTTI

Cea è! Cea è! Madonna, ch'è arruffatu! Pari un porcuspinu! Tuttu muschi! Muzzicatu d' 'i vespi!... Eh, Don Cola Mecciu, ogni pilu cci fa 'mpacciu!

D. GASPARINU

(riconoscendosi, balza in piedi, inalberato, e attende in procinto di lanciarsi).

D. COLA MECCIU

Santu diascacci e diantanuni...

D. GASPARINU

(lanciandosi davanti al palcoscenico, gestendo furiosamente) — Chi sintiti fari, misseri e bestia?

D. COLA MECCIU

(rifacendo tale e quale dal palcoscenico i gesti e le mosse di D. Gasparino come se fosse uno specchio davanti a lui, botta e risposta) — Chi sintiti fari, misseri e bestia?

D. GASPARINU

'Sti scherzi in non li supportu!

D. COLA MECCIU

(c. s.) — 'Sti scherzi in non li supportu!

D. GASPARINU

(volgendosi agli spettatori che ridono) — Non divi ridiri nuddu a li me' spaddi, santu diascacci...

TUTTI

...e diantanuni.

D. COLA MECCIU

(c. s.) — Non divi ridiri nuddu a li me' spaddi, santu diascacci...

D. GASPARINU

(furente, leva le braccia, afferra D. Nzulu e lo strappa giù dal palcoscenico) — Oh! Ca cu mia non si scherza!

TUTTI

(si alzano in sobbuglio e accorrono a staccare D. Gasparino da D. Nzulu, ma sono in preda tutti a una grande eccitazione per il veleno che hanno ingozzato durante la rappresentazione, e che ora rigurgita in furiosa collera contro D. Nzulu).

DONNA PRAZZITA

Ragiuni avi 'ssu galantomu!

D. IACU

Nn'ha misu 'n caricatura a tutti!

D. NITTU

Chissa, accussì, chi è? Màscara ca nni metti?

D. LIDDU

Ora ho capitu! Tutta una burletta ha statu?

DONNA PRAZZITA

Burletta? Comu! una burletta? Nn'avemu cunzumatu, e ora tuttu è 'na burletta? Carta bullata curri!

D. IACU

Carta bullata? Scupittati cca currennu!

DONNA PRAZZITA

E ridi? e ridi? Taliati comu s'arrieria a ridiri!

D. NZULU

(dominandoli) — Ca ridu, ridu, si, pirci vi vidu accussi 'nfuriati!

DONNA PRAZZITA

Comu? 'Nfuriati? A nuautri nn'abbrucia l'arma! Cu' è ca paga cca!

TIBDA

Già! Oh! S'ha statu 'na burletta, cu l'interessi non si cei ioca! Cu' paga?

D. NZULU

Ca si ancora non mi l'aviti fattu finiri? 'Ssu surfa-reddu jiri e viniri mi tirau cca sutta! Cei stava vi-nennu a chissu! Cei stava vinennu! Chi non l'aviti 'ntisu chi ce'e Cappiddazzu paga tuttu? *(tutti lo guardano sempre più irati, ma anche perplessi, come per dire: Che altro vuoi inventare adesso? Allora egli li guarda fiso un po' tutti con aria da dominatore, sicuro del fatto e come nauseato del loro contegno, aggiunge: E ddà banna è!)*

TUTTI

(restano dapprima come allibiti, poi fanno impeto verso il palcoscenico, gridando) — L'americanu? Ah! Arrivau? iddu è Cappiddazzu? Unn'e? unn'e?

D. NZULU

(parandoli tutti) — Ohè! Fermi! Unni iti! 'Nt' 'a me' casa? Ha d'ora c'arrivau!

TIDDA

Ah! Iddu v'ha aintatu ddà arreri!

RACHILINA

Maria, chi virgogna!

D. IACU

Ah! Appattatu allura era? Ca signuri mei, giustu è!
Cu' l'ha aintatu a vestiri e spugghiari?

D. PRAZZITA

Ca facitulu nesciri allura! Arrivati a 'stu puntu! In
cci haiu a parrari!

TIDDA

Tutti cci avemu a parrari!

TUTTI

(facendo impeto di nuovo) — Tutti! tutti!

D. NZULU

(di nuovo parandoli e dominandoli) — Nesci quannu cci
'u dicu in! *(poi, ottenuto il silenzio)* — E nescirà pi
aggiustari li iammì a tutti, macari a chiddi chi l'hannu
storti comu li cani! Non pi nenti è Cappiddazzu paga-
tuttu!

TUTTI

(si guardano, fingendo di non comprendere, poi) — Chi
divi aggiustari? Semu cca ca l'aspittamu! Facitulu ne-
sciri! Pirchè non esci?

D. NZULU

Pirchè è vistutu! E si mi lassauru fari fin'all'urtimu, senza 'nfruscarivi tutti, nisceva a tempu e a locu! Ma n' 'o viditi ca semu d'accordu? Era cumminata tantu graziusa! 'Nt' 'a cummedia chiddu voli nesciri!... C'amu a fari? livamu manu e ognun si nni va pi fatti so'?

DONNA PRAZZITA

Chi? comu? accussi ni nni iemu? Cea 'i cunti prima s'hannu a fari!

D. NZULU

'I cunti su' prestu fatti: cu' echiu cci misi, echiù cci persi! Vi pari ca picca haiu spisu in?

DONNA PRAZZITA

E chi discursu è accussi? Chi niscistivu pazzu?

TIDDA

Vni aviti spisu? Iu m'haju ittatu a solu! Chi daveru vulissivu fari 'na 'nfamità di chissa?

D. NZULU

Iu? Non nni fazzu 'nfamità, iu!... E tu 'u sai!... Vi dissi ca semu d'accordu ca nesci p'aggiustari tuttu — tuttu, mi capiti? — ma comu Cappiddazzu! Pirchè sulu comu Cappiddazzu po' aggiustari a tutti! Ca si duvissi nesciri cu li so' robbi e cu la so' facci, pi taluni, invece d'aggiustarivi l'interessi, li costi vi duvria aggiustari cu un marrabbeddu tantu! (*li guarda tutti negli*

occhi, dominandoli, tanto che nessuno osa più parlare. Ne approfitta, e aggiunge) Brasi, vo' pigghia 'ssi robbi! *(Brasi va e rientra poco dopo coi costumi sulle braccia).*

TUTTI

Robbi? E c'amu a fari eh' 'i robbi?

D. NZULU

Ca v'aviti a vestiri!

TUTTI

Chi? comu? nn'avemu a vestiri? chi stati dicennu?

D. NZULU

Ah, chi vuliti vidiri a iddu sulu mascaratu? Cea, o nni vistemu tutti, o nuddu! O la facemu tutta fin'al-lurtimu, p'arrivari unni s'avia a arrivari, o cci calamu lu sipariu e ognunu si nni va a la so' casa!

D. GASPARINU

Iu non mi nni vaiu!

DONNA PRAZZITA

(ingozzando il rospo a denti stretti) — Ca quannu è accussi, videmunnilla tutta!

D. LIDDU

E videmunnilla, si! signuri mei, chi cci appizzamu? Incata è!

D. NZULU

'I parti vi l'hainu fattu a tutti! Brasi, stenni 'ssi rob-

bi, e ognunu si pigghia 'u so'! Don Gasparinu, viniti cu mia, ca vi dughu chistu!

D. GASPARINU

E iu chi sugnu Don Cola Mecciu?

D. NZULU

Comu! M'aggranfastivu e mi ittastivu cca sutta pirchè vi riconuscistivu? Caminati! *(lo prende amorosamente per il braccio, mentre lui recalcitra e se lo porta di là).*

BRASI

(deponendo sulle spalliere delle sedie i costumi) — Chistu è di donna Tinnirina! Chistu è di la Vecchia di Pacitu, e cca ce' è lu ciascu! Chistu è di la Zi Vittula! *(dall' altro lato)* — Ripartu masculinu! Chistu è di D. Ninnaru! Chistu di D. Sucasimula! 'Stu autru di Peppi Nappa! E chistu di Giufa, ca non lu posu pirchè è miu, ca non ce' e periculu ca sgarra nuddu!

DONNA PRAZZITA

E daveru non ce' è megghiu Giufa di tia! Pareva babbu!

D. IACU

(si precipita sul costume di D. Ninnaru, mentre Rachelina prende quello di donna Tinnirina, e Donna Prazzita afferra quello della Zi Vittula) — Mi dici 'a testa ca m' avi a stari strittu!

TIDDA

Unni iti cu 'u sceecu ? Chi vi pigghiati chiddu d' 'a Zi Vittula ?

D. NITTU

(*facendo per prendere anche il costume di D. Ninnaru*)
— Dal momento che non è vostro !

DONNA PRAZZITA

Pirchè ? Non è 'u miu ?

D. LIDDU

(*strappando ai due contendenti il costume di D. Ninnaru*)
— Vah, livativi ! Circativi 'u vostru ! (*lo porta via, seguito dai due che protestano a soggetto*).

TIDDA

Allura in chi sugnu 'a Vecchia di l' acitu ? (*le strappa l' abito della Zi Vittula e le porge il fiasco*) — Va 'mpunitivi 'ssu ciascu ! (*e va via appresso a Rachelina*).

BRASI

Varda ch' è bella ca nuddu si voli pigghiari 'u so' vistitu, va circannu chiddu di l' autri ?

DONNA PRAZZITA

(*tornando a ingozzare*) — E va beni ! Finzioni è ! È bonu 'u so' ! tuttu cudi di iattu (*via*).

D. NITTU

(*torna sconsolato e va a prendere il costume di Peppi*)

Nnappa, lo osserva e riflette) — Mah! Forse perchè so-
stengo le mie idee, e poi sono un poco prudente e mi
tiro indietro, mi ha voluto raffigurare di Peppi Nnappa.

D. IACU

(sopravvenendo) — Chi ? Chi faciti ? E chi sugnu allura
ddu smiciaciatu di D. Sucasimula ? Va, dati cca, e pig-
ghiativi 'u vostru !

D. NITTU

(come per vendicarsi, cedendo il vestito) — Ah, si allura
è lei Peppi Nnappa... *(via con D. Iacu, ciascuno col
suo costume)*.

BRASI

(solo, vestendosi) — Chiddi si vestunu ddà.... l' autri,
ddà banna.... Eh già!.... si vergognanu!.... Iu vurria
sapiri si è pi chiddu chi portanu di sutta, o pi chiddu
ca s' hannu a mettiri di supra ! Iu non mi vergognu...
e mi vestu cca, ca non cc' è nuddu !.... 'U saccu è cca,
chinnu di cacocciuli spina.... e comu hannu punciutu !
e ancora bonu tuttu s' avi a sbacantari ! Avvisamu lu
sonu, ora ! *(monta sul piccolo palcoscenico e parlando
verso l' interno)* — Maestru ! professuri ! Tinemuuni
pronti, ca ura è !

D. NZULU

(dall' interno) — Brasi ! Brasi !

BRASI

Non cc' è Brasi !

D. NZULU

(ridendo) — Ca cu' ec' è ?

BRASI

Giufà ! S' allistissi, ca pronti semu !

D. NZULU

Ah, bravu ! Chiamali allura !

BRASI

(chiamando a voce alta) — Signor Don Ninnaru ! Donna Timirina ! Don Peppi Nnappa ! Don Sucasimula ! Zi Vittula ! La Vecchia di l'acitu ! Don Cola Mecciu ! Niscemu ! niscemu ! Ca Cappiddazzu prontu è ! *(vengono fuori tutti dai varii usci vestiti coi loro costumi, e subito dopo rientrano dal fondo Don Gasparinu e Don Nzulu, restiti da Don Cola Mecciu e da Cappiddazzu paga-tuttu).*

D. NZULU

Oh *(con le mani in alto, salutando magnificamente)* Quanta bella cumpagnia di dame e cavalieri ! quanto onore nella mia casa ! *(tutti restano interdetti, confusi, costernati).*

DONNA PRAZZITA

E cu' siti vui, Cappiddazzu ?

TIDDA

E 'u cucinu americanu ?

D. NZULU

Ecculu' cea ! Cappiddazzu paga tuttu !

TUTTI

Vui? Comu, vui? Vah! e'ancora 'u scherzu cuntinua?
E chi aviti 'ntisu fari? Ma chisti su' daveru cosi di
vastunati!

DONNA PRAZZITA

E cu' è ca paga? Vui ati a pagari?

TIDDA

A chi pi daveru finu e' seupittati 'u vuliti purtari
'ssu scherzu?

D. IACU

Ca 'st'americanu allura ca duvia arrivari tuttu un
truccu ha statu?

D. NZULU

Truccu? Avi vint'anni e'arrivau e picciuli nni pur-
tau e purtau lu cori chinu d'amuri e di disiu di la
famigghia; ma nuddu lu vosi cridiri! e chiddi ca lu
vittiru turnari modestu comu partiu, mancu lu guar-
daru 'nfacci; e l'autri a cui si avvicinau cu cunfidenza
e cu amuri, lu 'ntussicaru e tutti lu lassaru a l'agnuni
pi tant'anni! Appi a 'nvintari a 'n'autru americanu co-
mu non sappi essiri iddu, ca avirria sbrizziatu dinari
di cca e di ddà, cu 'ssu Cappiddazzu ranni, pi aviri
la casa china di parenti e d'amici! V'haiu vulutu fari
vidiri cu' siti! Iti, viniti, vi 'mpupati, vi canciati, cri-
diti di essiri cu' sa chi, e siti sempri chiddi! sempri
li stissi tipi di la nostra razza: la Vecchia di l'acitu...
la Zi Vittula... Peppi Nnappa... Don Ninnaru... donna

Tinnirina... Don Cola Mecciu... Don Sucasimula... e Giufà!... E cca vulia arrivari! A dirivillu 'nfacci vistuti d'accussì! ora ca non ce'è cchiù rimediù! (*notando un morimento di ribellione, alza la voce per dominarli*)— 'I ricchizzi di l'americanu accussì assai non cci su'; ma ci nn'è, pi grazia di Diu, ci nn'è! Vi lavia a lassari a la me' morti; ma siccomu sacciu ca non po' essiri lontana, 'sta surpresa pi tutti vi la vosi fari ora, passannumi puru in 'stu picculu piaciri di farivi sapiri ca v'hain cunusciutu. Rachilina avrà la megghiu doti d'un paisi; vi putiti fari avanti, Don Liddu, non ce'è cchiù 'ntoppu pi 'i vostri parenti! (*Don Liddu va a stringergli la mano, commosso e corre da Rachelina, che anche lei prende la mano dello zio e gliela bacia, allora lui si volge verso don Nittu, rimasto avvilito*)— Vui, pacenza, D. Nittu! Ristati cu mia, c'hain bisognu di viti: avemu a scriviri tanti cosi!... A me' cucina Tidda, a facemu stari bella commoda 'nta ddà reggia di casa ca misi, e siccomu a stari suli non è bonu mancu 'mparadisu, Don Gasparinu... vi diciditi finalmente!...

D. GASPARINU

Si non m'avissi pigghiatu di punta, avi un seculu ca sugnu decisu!

D. NZULU

(*prendendo le mani a entrambi e unendole, e poi voltandosi verso don Iacu che lo guarda in cagnesco*)— Pacenza macari vui, Don Iacu, ristati cu mia ca sugnu debuli e hain bisognu di spada forti.

BRASI

(battendo le mani) — Beni! Bravu! *(applaudono anche Rachelina, D. Liddu, don Nittu, don Gasparinu).*

DONNA PRAZZITA

E ora ca vi pigghiastivu 'ssu piaciri a modu vostru nni putemu spugghiari?

D. NZULU

Ah no! Mentri eci sugnu mastri di cappella, facimilla fari tutta! V'hain fattu ballari senza sonu, ora, accussi vistuti comu semu, avemu a ballari tutti cu lu sonu! Giufa, dicci a 'u maestru c'attacca.

BRASI

(c. s.) — Musica, maestru!

RACHILINA

Uh! macari 'u sonu ce' era preparatu! *(si sente dall'interno l'orchestrina che intona un balletto antico in tempo di tarantella).*


D. NZULU


E iu ballu cu vui, cucina Prazzita: senza rancuri! *(le maschere cominciano a muoversi, seguendo il tempo del ballabile).*

SIPARIO.

INDICE

'A vilanza (La Bilancia)	Pag. 5
Cappiddazzu paga tuttu	» 73.





LI
M387a

352818
Martoglio, Nino & Pirandello, Luigi
'A vilanza (La Bilancia).

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
LOWE-MARTIN CO. LIMITED

